



John Carter Brown.

ento on Lernum. p. 39.

OPVSCVLVM

GEOGRAPHI- CVM RARVM, TOTI- VS EIVS NEGOTII RATIO-

NEM, MIRA INDVSTRIA ET BREVITATE

COMPLECTENS, IAM RECENS EX DIVERSORVM LIBRIS


ac chartis, summa cura ac diligentia collectum & publicatum, per

IOANNEM MYRITIVM MELITENSEM, Ordinis

Hospitalis sancti Ioannis Hierosolymitani, Com-

mendatorem Alemanni Monasterij, ac

domus Ratisponensis.




INGOLSTADII.

Ex Officina Typographica WOLFGANGI EDERI.

A N N O


M. D. LXXX.





CANDIDO LECTORI IOANNES MYRITIVS. S.

QUAMVIS amice Lector & candide, variis ac continetibus domesticarum rerum occupationibus prepediti, parum aut nihil potius ad scribendum, spacij haectenus habuimus, negare tamen ipsi non potuimus honesta voluntati ac petitioni strenui ac vetustissima nobilitatis imaginibus, clarissimi Viri D. PHILIPPI RIEDESEL à KAMBERG, Commendatoris in Erlingen, praesertim iusta ac utilia petenti. Quapropter nacti aliquantulum ocij, diuina nobis fauente gratia, res bene cecit. Quoniam verò in omni disciplina id fructuosissimum est addiscenti, ut simplicissima quaeque primum apprehendat, idq; simplicissimè; Sic etiam in Geographico studio, non ita profuerit melius, quàm qualis in hoc libello conspicitur brevis tractatio, ac institutio. Nam hic quantum fieri potuit cauimus, cum summa legentium utilitate, ut omnia ad Geographiam pertinentia simplicissimè traderentur. Quisquis igitur hac tenuiâ huius libelli elementa tenuerit, firma ac fixa memoria, huic nos promittere audemus, facile ei fore, si magnos authores, qui hac de re copiosius scripserunt, aggrediatur, ut facillimè se inde expediat. Hanc ergò opellam nostram boni consule, & vale, maiora suo tempore (si vitam nobis DEVS prorogauerit) accepturus, non modò ingrata inimicis, sed amicis, ac bonarum literum candidatis, quàm gratissima. Eme igitur, lege, & fructuere Lector humanissime, & iterum feliciter in CHRISTO IESU, vale.







STRENO
VEREQVE NOBILIDO

MINO PHILIPPO RIEDESEL A KAMBERG,
COMMENDATORI IN ERLINGEN, AC HIEROSOLYMI-

tana Militia per Germaniam Quaestori, IOANNES

MYRITIVS MELITENSIS, grati-

am & pacem Domini IESU,

precatur.



VM quorundam doctorum vi-
rorū beneuolo consilio, & cre-
bris adhortationibus, libellum
hunc Geographicum, Typo-
graphi praelis publicandum destinarem, mi-
hiq̃ue Mecœnatem quendam & patronum
magnificum & doctum, cuius sub protectio-
ne & præsidio in publicum exiret circumspi-
cere ac inuestigare necessum foret, commo-
dū tu mihi occuristi, Vir clarissime, vt
quemadmodū in colligendo mihi fuisti pri-
marius author, sic etiam in edendo patronus
solicitus esse non deseras. Scio enim te huius-
modi ingenuas artes, earūq; Professores,
magni facere, & in summa veneratiōe habere.
Proinde accipe sereno placidōq; vultu, hoc

literarium munus, tenue quidem illud & leui-
dense, sed amoris mei erga te certum signum,
ac perpetuæ obseruationis ^{ΜΝΙΜΟΣΥΝΟΝ} quod per-
legere & perlustrare, méque pari officio gra-
tia & benignitate amplecti, defendere & tue-
ri (vt hætenus) non graueris. Id vbi ab te im-
petratum fuerit, erit, vt ad id genus alia ex-
cerpenda & comportanda, me allicias accen-
dásq;. Interim ego meis ad Deum Opt. Max.
precibus indefinenter fundendis tui, quoad
viuam meminero, vt diuina ipsius clementia,
suo in patrocínio atque tutela, te quàm diu-
tissimè nobis saluum, incolumémq; in pluri-
mos annos, conseruare dignetur, Amen.

Bene & foeliciter semper valeas, & Myri-
tium tuum tibi addictissimum, quod facis,
commendatum habere perge. Ex Aleman-
ni Monasterio. Pridie Idus Februarij, Anno
Virginei partus, supra sesquimillesimum, o-
ctogesimo septimo. Ætatis verò meæ, Quin-
quagesimo tertio.



PRIMA PARSHVIVS OPVSCVLI DE PRINCIPIIS ASTRONOMIÆ ET GEOGRAPHIÆ.

CAPVT PRIMVM.

De Geographia, & quo differat à Cosmo- graphia, Chorographia, ac Hydrographia.

G *VM nullius rei institutio, à ratione suscepta, rectè intelligatur, quæ non à definitione proficiscitur, velut ait Cicero libro officiorum primo, videbimur nō abs re cum de Geographia paucula quædam dicturi proposuimus, ut videamus in primis quid sit, & quomodo differat à Cosmographia, Chorographia, ac denique Hydrographia. Est igitur Geographia, ut inquit Ptolemaus in principio libri primi, imitatio pictura totius partis terra cognita, cum ijs, quæ sibi quasi vniuersaliter sunt annexa. Quam scripsere Plinius, Pomponius Mela, Herodotus, Solinus, Dionysius Apher, ac multi alij nostra ætate celeberrimi viri. Cosmographia verò est vniuersi orbis, qui ex terra, aqua, aëre, igne, Sole, Luna, ac stellarum circulis, climatibus insuper, zonis ac parallelis, ex quibus, totum illud aggregatur, descriptio. Sed Chorographia, quam et Topographiam vocare licet; Est alicuius propriæ loci vel Regionis descriptio, in qua omnia contenta in ea describuntur, veluti monticuli, portus, villa, riuuli, mœnia, & minutissima quæq;, & ideo Chorographus opus habet pictura; Geographus verò minimè, sed potius Mathematica institutione. Hydrographia deniq; est, quæ non solum docet nos inscribere tabulis varia ventorum delineamenta, sed etiam totam illam terrestrem machinam, & est necessaria tantummodò nautis.*

CAPVT

De mundo eiusque partibus vni-
uersalibus.

Mundum substantiam esse corpoream, complectentem ordine suo, cælum & terram, & eas naturas, quæ cælo terraque continentur, eumque in Elementarem & Ætheream regionem diuidi, dubium esse nulli arbitror. Quarum quidem elementaris regio est, quæ ex quatuor elementis constat. Est autem elementum corpus simplex, quod in partes diuersarum formarum



minimè diuidi potest, ex cuius cōmixtione diuersa generatorum sunt species. Quorum quidem ordo ac series, ut hætenus ab omnibus receptus

ceptus est, Astronomis est talis: Nempe quòd inferiorem locum obtineat terra, deinde aqua, postea aër, ignis supremum. Si enim inferius terra esset aliquid, terra naturaliter grauis ad illud tenderet. Grauia enim naturaliter tendunt deorsum. Si verò aliquid supra ignem esset, ex leuitate ad illud tenderet, & dissolui quareret ab aliis. Hac ratione iuxta terram posita est aqua, quia cùm naturaliter grauis sit, & si non quantum terra, secundum locum obtinere debuit. Deinde est aër, qui quia grauior igne, & leuior aqua, meritò inter utrunq, ponitur. Ætherea verò est, quæ undecim complectitur Sphæras, quarum infima, hoc est, prima post Elementarem regionem Luna est, quæ diebus 27. horisq, quasi 8. Zodiacum perambulat. Secunda Mercurij, quæ 338. diebus voluitur. Tertia Veneris, quæ 348. diebus reducitur. Quarta Solis annuam, hoc est, 365. dierum & 6. horarum ferè habens reuolutionem. Quinta Martis duorum annorum complens reuolutionem propriam. Sexta Iouis, quæ duodecimo anno suum complet circuitum. Septima Saturni triginta annis cursum suum peragens. Post hanc sequitur Firmamentũ scilicet stellatum cælum, quæ octaua Sphæra dicitur, & à Græcis Αἴαντις. Nona Sphæra, quod aqueum siue Chrysellinum cælum dicitur. Decima Sphæra, quod est primum mobile, & undecima, quod Empyreum cælum à Theologis nuncupatur, habitaculum nempe Omnipotentis Dei, & omnium electorum. Dictum autem est Empyreum tanquam igneum, non quidem ab ardore, sed splendore.

Proprietates seu natura Elementorum.

Ignis,	calidus & siccus rarissimus, simpliciter leuis supremum
Aër,	humidus & calidus, rarus & respectiue leuis superiorem
Aqua,	frigida & humida densa respectiue grauis inferiorem
Terra,	sicca & frigida densissima simpliciter grauis infimum

Sibi vendicans locũ.




1.	7.	Saturnus.	♄	Plumbeus.	Frigidus & siccus, maleuolus.
2.	6.	Iupiter.	♃	Stagneus.	Calidus & humidus, beneuolus,
3.	5.	Mars.	♂	Chalibeus.	Calidus & siccus, maleuolus.
4.	4.	Sol.	☉	Aureus.	Calidus & siccus, beneuolus.
5.	3.	Venus.	♀	Cuprea.	Frigida & humida, beneuola.
6.	2.	Mercurius.	☿	Argenteus.	Eius cum quo graditur naturæ.
7.	1.	Luna.	☾	Argentea.	Frigida & humida, beneuola.

CAPVT TERTIVM.

De motibus Corporum totius vniuersi.

MOVETVR autem omne corpus motu triplici, scilicet sursum, deorsum, ac circulariter. Motu sursum mouentur leuia, ut ignis & aer, vocaturq; motus à medio, id est centro terra. Motu deorsum mouentur graua, ut terra & aqua, vocaturq; motus ad medium, quia ad centrum terræ. Motu circulari mouentur corpora caelestia, vocaturq; motus circa medium, id est, centrum. Notandum autem, quòd motus sursum ac deorsum non in infinitum sunt, sed vsque ad Spharam Lunæ, ac centrum terræ. Ex his igitur manifestum est Antipodas non minus quàm nos ad centrum naturaliter tendere terræ. Recteq; à Poëta dictum esse, cælum undique sursum. Cælum enim ab omni parte terræ aequabiliter distat, & ut à nostra habitatione, ita & à lateribus & à parte, quæ ad nos habetur inferior, pari altitudinis immensitate suspicitur. Nisi ergo omnia pondera ferrentur in terram, imbres qui extra latera terræ defluunt, nō in terram, sed in cælū caderent, quod vilitatem ioci scurrulis excedit. Esto enim terræ Sphaera cui adscripta sunt A. B. C. circa hanc sit aëris orbis, cui adscripta sunt E. F. G. L. M. & utrunq; orbem, id est, terræ & aëris diuidat linea ducta ab E. vsq; ad L. erit superior ista quam possidemus, & illa sub pedibus. Nisi enim caderet omne pondus in terram, paruam nimis imbrium partem terræ susciperet, ab A. vsque ad C. Linea verò aëris, id est, ab F. vsque ad E. & à G. vsque ad L. humorem suum in aërem deijcerent. De inferiore autem cæli hemisphaerio pluuia exteriora & ideò naturæ incognita deflueret, sicut ostendit subiecta descriptio. Sed hoc vel refellere dignatur sermo

sermo sobrius, quod sic absurdum est, ut sine argumentationis patrocini-
nio subruatur. Restat ergo ut ad cæterarum Sphærarum motus ser-



monem dirigamus. Sphæra igitur decima, quæ & primū mobile vocitatur, unico mo-
uetur motu, scilicet ab ori-
ente in occidentem, super po-
los Mundi, & Equinoctia-
lem, absoluitq; totum circu-
lum intra 24. horas. Qui
quidem motus corpora in-
feriora omnia secum rapit:
& vocatur motus simplex
uniformis & regularis. Post
hanc Sphæra sequitur No-
na, duos habens motus. Su-
perioris Sphæra; Vnum, de


quo iam dictum est. Alterum ex se, ab occasu ad ortum super Eccli-
pticam, & polos Zodiaci, vocaturq; motus defectionis, eo quod omnes
inferiores Sphæra deficiunt à motu & perfectione primi Mobilis. Hanc
sequitur octaua Sphæra, quod Firmamentū & Stellatum cælum dici-
mus, tres motus habens. Primus est, quo 24. horis voluitur ab Ortu
in Occasum, raptu decimæ seu primi Mobilis. Secundus perficitur spa-
cio 49. milium annorum, quod intervallum Platonici magnū vocant
annum. Nam ut vertentem nos ex reditu Solis in idem punctum un-
de processit, vocamus, ita in anno Platonico redibunt sydera omnia ad
eundem situm, à quo moveri primum ceperunt. Præter istos tertium
adhuc habet, quem accessus & recessus Stellarum fixarum aut trepi-
dationis motum vocarunt. Nam in duobus parvis circulis circa
principia Arietis & Libra nona Sphæra trepidat, & pertrahit stellas
ab Austro in Aquilonem, atq; à Septentrionibus in meridiem. Quoties
enim caput Arietis octavæ huius Sphæra, est in superiori parte circuli
parvi, tunc à septentrione versus meridiem permouetur. Rursus, quan-
do fuerit in parte inferiori, tunc à meridie versus septentriones moue-
tur. Hic motus temporibus Ptolomæi fuit prorsus incognitus. Et hoc
propter inopiam observationum; sed posteriores, qui temporibus Al-
phonfi diligentissimi cælestium motuum indagatoris fuerunt, facta ob-
servatione maximæ Solis declinationis, inuenerunt eam minorē, quàm
prioris; unde concluderunt stellas fixas non esse in nona Sphæra, sed in

alia, quæ ei contiguè sit coniuncta, cuius motus fiat in duobus circulis super capite Arietis & Libra noua Sphæra, ut supra dictum est, qui quidem motus ei proprius est, reliqui duo accidentales.

CAPVT QVARTVM.

De terræ rotunditate contra plerosque

Philosophos.




TERRAM globosam siue rotundam esse ab ortu ad occasum, patet à signis, quæ oriuntur & occidunt. Nam propter tumorem terræ, astra orientia nobis prius apparent, quàm illis, qui occidentiores nobis sunt. Ab Austro verò Septentrionem versus insinuant astra circa polum Arcticum nobis perpetuò apparentia, & nunquam occidentia, & illa quæ circa Antarcticum sunt, perpetuoq; nobis occulta. Item si terra esset plana ab oriente in occidentem, tam citò orirentur stellæ occidentalibus, quàm orientalibus, qd patet esse falsum. Similiter si terra esset plana à septentrione in Austrum, & è contra, stellæ, quæ essent alicui sempiternæ apparitionis, semp apparerent eidem quocunq; procederet, quod est similiter falsum. Rursum si terra esset tetragona, vmbra quoq; tetragonalis figuræ in eclipsatione Lunari appareret. Quod si trigona; vmbra quoq; triangularē habere formulam, necessarium esset. Et si hexagonalis esset figuræ, eius quoq; vmbra in defectu Lunari hexagonalis appareret, quæ tamen rotunda cernitur: id quod ex schemate hoc manifestè demonstratur. Non igitur plana est terra, ut Empedocles & Anaximenes opinati sunt, neq; Tympanoides, ut Leucippus, neque Scaphoides, ut Heracletus, nec alio modo caua, ut Democritus. Neque rursus Cylindroides, ut Anaximander, neq; ex inferna parte infinita radicatus

craßitudine submissa, ut Xenophanes, sed rotunditate, ut veri Philosophi doctissimiq; viri sentiunt absoluta.

CAPVT QVINTVM.

De Sphæra ac decem in ea circulis.

SPHÆRA iuxta Theodosii, & omnium Mathematicorum definitionem est solidum quoddam una superficie contentum, in cuius medio punctus est, à quo omnes lineæ ad circumferentiam ductæ inuicem sunt æquales. Punctus autem ille in medio existens Sphæræ, dicitur centrum mundi. Axis verò



Sphæra est linea illa transiens per medium centri, & per polos mundi, circa quam Sphæra voluitur. Sunt enim poli, qui cardines & vertices dicuntur, duo illa puncta Axem terminantia, quorum alter eleuatur; alter verò deprimitur sub Horizonte illis, qui ultra citraq; Equatorem habitant, unde Homerus ille Mantuanus libro primo Georgi-



corum. „ Hic vertex (inquit) nobis semper sublimis, at illum

„ Sub pedibus Styx atra videt, manesq; profundi.


Habitantibus autem sub Equatore neuter illorum eleuatur. Horum unus, qui nobis scilicet apparet Arcticus & Borealis, Septentrionalis & Aquilonaris dicitur. Alter verò, qui nobis occultatur huic oppositus, Antarcticus & Noticus, Meridionalis & Austrinus.

De sex circulis Sphærae maioribus.

Horizon (quem Finitorem vocamus) circulus est, qui diuidit superius hemisphaerium ab inferiori. Est autem duplex. Rectus scilicet & obliquus. Rectus est, qui una cum Aequatore angulos aequales constituit. Obliquus verò, qui angulos inaequales efficit, & hoc non aliam ob causam, quàm pro diuersa hominum habitatione. Exemplum Horizontis recti, Exemplum Horizontis obliqui.



Meridianus circulus, quem Astrologi cuspidem regalem vocant, est qui transit per polos mundi & per Zenith capitis nostri (est autem Zenith punctus in firmamento directè suprapositus capitis nostris, cuius oppositus Nadir dicitur) in quem cum Sol peruenerit, meridiem supra Horizontem; infra verò mediam noctem constituit. Cum autè volueris lineam meridianam propè verum habere, prapares tibi planum aliquod in Horizonte, in quo describas circulum secundum animi tui libitum, singasq; stilum in medio circuli perpendiculariter: quo facto animaduerte umbram antemeridianam diligenter, donec extremitas eius tetigerit peripheriam circuli, ibiq; facias signum. Simili modo tibi operandum est cum umbra pomeridiana. Deinde diuide circino distantiam illam punctorum, trahasq; lineam à centro circuli vsq; ad medietatem illius spatij, & habebis lineam meridianam, quæ longè verior est illa, quæ per compassum nauticum inuēitur. Nam



Etitur à linea meridiæ, cuius rei causa nihil aliud est, quàm situs lapidis. Lapis autè ea parte vires recipit, quoniã ortum stellæ in cauda Vrsæ minoris, quæ quinque partibus orientalis est polo mundi, respicit. Sed exemplo res lucidior fiet. Sit circulus A.B.C.D. in cuius centro E. sit erectus stilus perpendiculariter. E.F. umbra ab oriente in occidentem iacta E.G. umbra pomeridiana


ana ab occidente in orientem similiter porrecta. Arcu igitur F. G. aequaliter diuiso in puncto B. erit D. B. vera linea meridiana quam querebas.

Æquinoctialis circulus est qui diuidit Spharam seu cælum in duo aqualia secundum quamlibet sui partem aequè distans ab utroq; polo. Sic dictus quoniam quando per illum sol transit (quod contingit bis in anno, semel scilicet mense Martio in principio Arietis, iterum mense Septembri initio Libræ) æquinoctium facit in toto terrarum orbe.

Zodiacus circulus est obliquus Sphera, & diuiditur in duodecim partes, quæ signa appellantur, unde Poëta.

Per duodena regit mundi Sol aureus astra.

Et unumquodq; istorum signorum diuiditur in triginta partes aequales, qui gradus vocantur. Gradus rursus diuiditur in sexaginta minuta. Minutū in 60. secunda. Secundū in 60. tertia. Similiter quæ sequuntur, Quarta scilicet & Quinta diuidendo per 60. usq; ad infinita. In media autem Zodiaci superficie linea est diuidens ipsum in duas partes inuicē aequales, & ultrò citroq; sex latitudinis gradus relinquens. Hæc



Eclyptica dicitur, sub qua Sol totū orbem ambit sexaginta gradibus & 300. Dicitur autem Eclyptica, quia Solis Lunæq; eclypsēs nunquam contingunt, nisi sub ea ambo corpora consistant.

Coluri duo circuli sunt in Sphæra, quorum alter colurus solstitionum dicitur. Alter verò Equinoctiorum. Colurus solstitionum est, qui transit per polos mundi & per principia Cancrī & Capricornī, quæ solstitia appellantur, unde habet nomen. Arcus verò coluri, interceptus à tropico Cancrī & Equatore dicitur maxima solis declinatio Borealis, & est 23. graduum & 28. minutorum. Similiter ex opposita parte, arcus à tropico Capricornī & Equatore interclusus dicitur alia maxima Solis declinatio australis, & est æqualis priori.

Alter verò colurus scilicet Equinoctiorū est, qui transit per puncta æquinoctialia, hoc est per principia Arietis & Libræ & polos mundi. Hi duo circuli Sphæram ipsam & se inuicem in duo æqualia secant.

De quatuor circulis minoribus.

T*ROPICVS Cancrī circulus est minor Sphæra, quem quotiescunque Sol tangit, diem longissimum; noctem verò breuissimam constituit.*

Tropicus Capricornī circulus est etiam minor Sphæra, quem quoties Sol tangit, noctem longissimam; diem verò breuissimum facit. Hinc fit, quod Sol bis in anno æquinoctiū tangit, semel circulum Cancrī semel etiam Capricornī.

Arcticus circulus est, qui describitur ex primo pede Vrsæ minoris distans à polo mundi ex omni parte 23. gradibus 28. minutis.

Antarcticus verò circulus est, qui describitur à polo Zodiaci Antarcticō æquè distans, & æqualis Arctico.

Corollarium primum.


D*ISTANTIAM polorum Zodiaci & Equatoris, quæ tanta est, quanta maxima Solis declinatio, non semper eandem esse, sed diuersis temporibus variari frequenti indagatione compertum est. Siquidem Cl. Ptolemaeus, quem tantum non adoramus, & ante ipsum quadringentis propemodum annis Aristarchus Samius, & Timochares obseruarunt, eam esse 23. grad. 51. minut. & 20. secund. Ab illorum verò temporibus usque ad nos paulatim comperta est decrescere. Nam Mahometes Aratensis post Ptolomaeum annis 749. depræhendit 23. grad. 35. minutorum. Qui verò ad nostra accesserunt tempora nempe Ioannes Wernherus Norimber-*

rimbergensis, Nicolaus Copernicus Torinensis, & Gemma Frisius vir sanè perspicacissimus, 23. graduum & 28. minutorum deprehenderunt, & annotarunt esse.

Corollarium secundum.

Notandum praterea, quòd aliter Latini, & aliter Graci imaginantur describi Arcticos circulos. Nam hos Latini pingunt iuxta maximam Solis declinationem, quæ ex motu trepidationis octauæ Sphæræ variatur secundum incrementum aut decrementum declinationis Solis, ut iam dictum est. Numerant, enim à polis Mundi maximam Solis declinationem, & puncto factò immittunt, in polum unum circini pedem & reliquum in punctum eius factum, & iuxta hanc extensionem formant ipsi Arcticos. Sed Graci formant eos iuxta altitudinem poli. Hinc fit, quòd circuli sint varij secundum diuersas poli altitudines. Nam si altitudo poli fuerit parua, erunt, etiam isti circuli parui; si magna, magni. Et cum voluerint eos describere, ponunt alterum pedem circini in polos, & alterum extendunt, in colurum diuisum vsque in poli altitudinem, & iuxta hanc formant ipsi circulos Arcticum scilicet, & Antarcticum, & hi circuli semper tangunt Horizontem in puncto. Lege de hac re Leontium de præparatione Sphæræ Arati, & Procli Diadochi libellum de circulis Sphæræ.





CAPVT SEXTVM.

De reliquis circulis, qui præter hos decem
in Sphæra imaginantur.

Absurdissimū est putare in cælo esse lineas, centra, circulos, arcus, Zenith, auges seu apogeia & similia. Docendi tamē gratia solertissimi viri sunt talia cōmenti, q̄ nisi fuissent, excogitata, nulla ratione regressus, progressus, & stationes Planetarum, stellarū item motus, ortus & occasus, coniunctiones Luminariū, similiter & ecclipses cōprehendere possumus. Nihil enim horū omniū, quæ in Theorijs finguntur, ociosum est, quia suū quodlibet habet officium. Quapropter præter hos iam enumeratos decē circulos, sunt adhuc alij in Sphæra imaginandi, ut sunt Azimuth, & sunt circuli imperfecti, quos Latini vocant circulos verticales, eo q̄ per punctū verticalem, id est Zenith, omnes transeant, & distinguunt Horizontē in 360. partes, quos nōnulli circulos rectitudinū nominant, ex eo quod per eos rectē scimus, in qua parte mundi stella oriatur atq; occidat. Inter quos etiam Meridianus numeratur. Sed inter hos est unus, qui propriē verticalis dicitur, qui à vertice decurrit hinc inde ad ea puncta Horizontis, ubi Equator & Horizon sese secant, & veri ortus & occasus puncta vocantur.

Sunt item Almicantharath, id est circuli aut arcus p̄gressionum, aut altitudinū & depressionū Solis, Planetarū & Stellarū, & sunt descripti in hemisphærio seu immediatē superiori versus Zenith cōputando de 6. gradib; in 6. Quorū quidā sunt perfecti, quidam imperfecti, & primus horū dicitur Horizon, Finitor aut Finiens obliquus, hoc est terminator visus in Sphæra obliqua: quia ipse diuidit & determinat hemisphærium superius ab hemisphærio inferiori, & quicquid est sub illo circulo, est sub Horizonte nobis occultatum; quicquid autē est supra, nobis apparet.

Tertio imaginantur in cælo circuli horarij, qui describuntur ex polis mundi, à quibus unā cum Meridiano totum Equatorē diuidunt in 24. partes inuicem æquales & à se inuicem 15. gradibus distant, horarumq; æqualium discrimina efficiunt. Circulos autem hos Zodiacū, verticalem, & Horizontālē inæqualiter ab Equatore distantes in 24. inæquales secant partes. Mediantibus horum circulorum intercapedibus in Horizonte & verticali circulo fabricātur varia solaria, Horologia & Instrumenta. Verūm ne nimia circulorum seu arcuū concursio ac perplexitas aspicientibus confusionē ingerat, satis sit pro clariore intellectu ad Meridianum circulum quendam paruulum pro arbitrio adaptare, circum polum mundi Arcticum diuisum in 24. horas, qui

Cyclis horarius ob hoc dicetur dimissis interim huiusmodi circulis, ut in sequenti videre est figura.

Est & Declinationis circulus, qui ex utrisq; polis Mundi ductus secatur Equatorē ad angulos rectos, in quo numerantur Syderum declinationes tum ad Meridiem, tum ad Septentrionem ab Equatore.

Hinc sequitur circulus Latitudinis, qui describitur ex polis Zodiaci & dispescit Zodiacum ad angulos rectos, in quo numerantur Latitudines Syderum à Zodiaco vel Australes vel Aquilonares.

Sexto excogitauerunt Astronomi prodeuntē semicirculum ex sectionibus Horizontis cū Meridiano, qui appellatur circulus Positionis seu si cū Firmico loq; placet, circulus Stationis, sine cuius cognitione tota ars dirigendi (opus præcipuū Astrologie iudiciariae) est vana ac imperfecta.

Postremo sunt circuli, quæ cuspidēs vocantur, distinctores scilicet domorum cælestium, qui prodeunt ex eisdem sectionibus Horizontis & Meridiani, quibus annumerantur Meridianus & Horizon, quorum officium est distinguere cælum in duodecim partes, quæ domus seu anguli appellantur. Sed ut horum circulorum arcus ac delineamenta quilibet melius percipere possit, subsequens capiatur figura.

Corollarium.


Sciendum autem, qd Machina hac Sphæra cælestis, olim vitro, non ut nunc metallo fieri solita erat, quoniā cū esset æmula verè cæli, includebantur minores orbes maiorib; , quamobrē qui intus erant & sydera, spectari nō potuissent, nisi omnes ex materia perspicua cōflati fuissent. Sed qui nunc has faciunt, vitri fragilitatē verentes, coguntur non naturalem mundi machinā emulari, orbē orbi circūponendo: quoniam cū ex metallo sint, videri nō possunt, sed quot sunt orbes, tot efficiunt circulos vel tabulas. Ex quo manifestum est, antiquā structuram longè hac nostra (licet diuturnior sit) nobiliorē fuisse ac pulchriorem. Sic referunt Sabor Regem Persarū huiusmodi machinā tam grandem è vitro construi fecisse, ut in eius centro sederet tanq̃ in terra Sphærule, spectantē sub pedibus etiam astra, exorientiaq; ac occidentia sydera, ut sic mortalis cū esset, supra tamē omnem mortalitatis fastum & expectationem esse videretur. Huiusmodi quoq; rei testis Claudianus est, præter etiam Ciceronis autoritatē. Sed libet ipsius carmina recitare, dubij cuiusdam causa:

Iuppiter in paruo cū cerneret æthera vitro,
Risit, & ad superos talia dicta dedit:
Hūccine mortalis progressa potentia curę?
Iam meus in fragili luditur orbe labor.

Iura poli, rerumq; fidem legesq; deorum,
Ecce Syracusius transtulit arte senex.
Inclusus varijs famulatur spiritus astris,
Et viuum certis motibus vrget opus.

Percurrit proprium mentitus signifer annū,
Et simulata nouo Cynthia menferedit,
Iamq; suū voluens audax industria mundū,

Gaudet, & humana sydera mente regit.
Quid falso infontē tonitru Salmoena miror?
Æmula naturæ parua reperta manus.



De Zonis.



ZONA est spaciū de superficie cœli, ac eadem proportionē terræ inter duos circulos minores comprehensum: & numerantur quinq; quarum media, & duæ extrema dicuntur ab authoribus inhabitabiles esse, illa propter calorem Solis, eo quod fermè Sol semper per Zenith illorum transeat. Hæ verò propter nimium frigus: quod tamen referendum est ad secula Ptolemai, Melæ & aliorum antiquorum. Nam nostra tempestate experientia ipsa contrarium nos docet, id quod etiam rationibus non leuioribus demonstratur. Ibi nimirum esse optimam habitationem, ubi est maxima temperies: sub Æquinoctiali autem est maxima temperies, quia dies & nox sunt semper æquales, & tantum potest infrigidari aër in nocte, quantum calefit in die. Item quia declinatio Solis maxime variatur ibi. Mutatur enim declinatio in vno die per 24. minuta: ideo fortè vix potest accidere, quod Sol transeat directè supra capita eorum, quia hoc non accidit, nisi Sol intraret principium Arietis & Libra rectè in ipso meridie. Item Sol nunquam manet in eadem altitudine super ipsos, sed statim in instanti variatur altitudo. Ita enim velociter, sicut primū mobile mouetur, accedit ad meridiem, & recedit à meridie. Et ubi debet fieri magna calefactio, opus est quod radij infigantur per aliquod tempus, sicut videmus in speculo ardenti. Si moueretur speculum non incenderet festucas, vel aliam rem, quæ illi opponeretur.






CAPVT OCTAVVM.
De Parallelis.

PARALLELI (qui & segmenta dicuntur) æquè distantes sunt, ita, ut si in infinitum protrahantur, nunquam concurrant. Hac tamen intercapedine ab inuicem distant, ut dies unius paralleli longissimus, superet paralleli alterius diem prolixiorē, quarta ferè parte unius hora. Sunt autem duplices, Alij distinguunt gradus latitudinum in mappa quinis aut denis gradibus; Alij verò distinguunt differentias horarum diei artificialis, qui tamen non pinguntur in mappam, verum marginibus apponuntur. De quibus vide Cl: Ptolemaum lib. 2. Almagesti, & alios, qui hac de re copiosius scripserunt.

Prima pars de
DIVISIO PARALLELORVM.




ORDO PARALLE- LORVM.	POLI ELE VATIO		MAXIMVS DIES		LOCA PER QVÆ SCRIBVNTVR PARALLELI.
	G	M	H	M	
Primus .	4	15	12	15	Per Taprobanam.
Secundus .	8	25	12	30	Per Sinum Aualicum .
Tertius .	12	30	12	45	Per Sinum Adulicum .
Quartus .	16	25	13	0	Per Insulam Meroen
Quintus .	20	15	13	15	Per Nabatha .
Sextus .	23	50	13	30	Per Syenen.
Septimus .	27	40	13	45	Per Ptolemaidem .
Octauus .	30	20	14	0	Per Inferiorem Aegyptum.
Nonus .	33	20	14	15	Per Medium Phænicen.
Decimus .	36	0	14	30	Per Rhodium Insulam .
Vndecimus .	38	35	14	45	Per Smornen .
Duodecimus .	40	55	15	0	Per Hellepontum.
Decimus tertius	43	5	15	15	Per Massiliam .
Decimus quartus.	45	0	15	30	Per Pontum .
Decimus quintus.	48	30	15	45	Per Fontes Danubii .
Decimus sextus .	51	30	16	0	Per Boristhenis Ostia.
Decimus septimus	54	0	16	15	Per Paludes Meotidas .
Decimus octauus.	56	0	16	30	Per Australissima Britannia .
Vndeicesimus .	58	0	16	45	Per Ostia Rheni Fluvii .
Vigesimus .	61	0	17	0	Per Egressiones Tanaïs .
Vigesimus primus	63	0	17	15	Per Brigantium.

QUOD supradictum est pracedenti capite, parallelos uno quadrante hora ab inuicem discrepare intelligendum est, ab Aequatore, qui primus parallelorum est usque in eum, qui per medium Hybèrniæ transit. Nam ibi propter Sphæræ coartationem, non quadrantibus proceditur, sed medietatibus, & paulò post totis horis. Id quod postea capite sequenti ex Ptolemai lib. 2. περὶ τῆς μεγάλης πραγματείας siue ut Alij Codices Græci inscriptionem habent μαθηματικῆς σύνταξεως, manifestè demonstrabimus.

CAPVT NONVM.

De Climatibus.

CLIMA est spatium terræ inter duos parallelos comprehensum, in quo porrectissimè ab initio climatis usq; ad finem eiusdem dimidiata hora variatio est diei. Sortita sunt autem nomina à locis insignioribus scilicet aut ab insulis, montibus, Urbibus, aut fluminibus. Primum itaque dicitur Dia Meroes, à Dia, quod est per, & Meroen, quæ insula est Ægypti, à Cambylis matre nomen sortita, quam Strabo caput Æthiopici regni vocat, quia transit per medium eius. Secundum Dia Syenes, quia medi-



um transit per Syenen, quæ ciuitas est Ægypti sub Tropico Cancræ sita ac principium Prouinciæ Thebaidos. Tertium Dia Alexandrias.

D

Quar-

Quartum Dia Rhodon. Quintum Dia Rhomes. Sextum Dia Ponton. Septimum Dia Boristhenes. Octauum Dia Rhipheon. Nonum Dia Danias. Opposita verò Climata scilicet Meridionalia habent eadem nomina, nisi quod prapponenda est prapositio. Anti quæ è contra vel oppositum latinè sonat, ut Anti Dia Meroes, Anti Dia Syenes, Anti Dia Alexandrias. Anti Dia Rhodon. Anti Dia Rhomes. Anti Dia Ponton, & sic de reliquis. Notandum autem est quod ubi paralleli dimidiatis horis constituuntur, ibi Climata integris horis procedere necessarium quoque esse, & sic sequenter ad finem usque parallelorum, seruata dupla ratione.

Tabula Climatum secundùm gradus

& minuta Latitudinis, quo ad principia media
& fines eorundem.

	Principiū.		Medium.		Finis.	
Gradus Latitudinis.	G	M	G	M	G	M
Primum Clima.	12	45	16	20	20	30
Secundum Clima.	20	30	23	50	27	30
Tertia Climum.	27	30	30	20	33	40
Quartum Clima.	33	40	36	0	39	0
Quintum Clima.	39	0	41	20	43	10
Sextum Clima.	43	10	45	0	47	0
Septimum Clima.	47	0	48	40	50	30
Octauum Clima.	50	30	51	30	53	10
Nonum Clima.	53	10	55	0	56	0



Tabula Parallelorum & Climatum ex
Ptolomæi libro 2. Almagesti.

*Æquino-
ctialis.*

*Tropicus
Canceri.*

Paraleli.	Hora cū partibus.	Elevatio poli, si- ne elongatio pa- rallelorum ab Æquatore.	Loca per quæ scribuntur Paraleli.	Ordo Clima- rum.
1	12	0	Per Mediam Aphricam.	
2	$12\frac{1}{4}$	$4\frac{1}{4}$	Per Taprobanen.	
3	$12\frac{1}{2}$	$8\frac{1}{3}\frac{1}{12}$	Per Aualicum finum.	I Clima.
4	$12\frac{1}{2}\frac{1}{4}$	$12\frac{1}{2}$	Per Adulicum finum.	
5	13	16.27. mi.	Per Meroen.	II
6	$13\frac{1}{4}$	20.14. mi.	Per Napatos.	
7	$13\frac{1}{2}$	23.51.20.	Per Syenen.	III
8	$13\frac{3}{4}$	27.40. mi.	Per Ptolemaida Thebaid;	
9	14	30.22. mi.	Per inferiora Ægypti.	IIII
10	$14\frac{1}{4}$	33.18. min.	Per mediam Phæniceam.	
11	$14\frac{1}{2}$	36.	Per Rhodum.	V
12	$14\frac{1}{2}\frac{1}{4}$	$38\frac{1}{2}\frac{1}{12}$	Per Smyrnam.	
13	15	40.56. mi.	Per Hellepontum.	VI
14	$15\frac{1}{4}$	$43\frac{1}{4}$	Per Mafsiliam.	
15	$15\frac{1}{2}$	54.1. min.	Per mediū Pontū Euxinū.	VII
16	$15\frac{1}{2}\frac{1}{4}$	46.51. mi.	Per fontes Istri	
17	16	48.32. mi.	Per Borysthenis ostia	VIII
18	$16\frac{1}{4}$	$50\frac{1}{4}$	Per mediam Mæotim.	
19	$16\frac{1}{2}$	$51\frac{1}{2}\frac{1}{9}$	Per Agrippinā Coloniam.	IX
20	$16\frac{1}{2}\frac{1}{4}$	52.50. mi.	Per Rheni ostia.	
21	17	54.1. mi.	Per Tanais ostia.	X
22	$17\frac{1}{4}$	55	Per Bullæum Britannia.	
23	$17\frac{1}{2}$	56	Per mediam Britanniam.	XI
24	$17\frac{1}{2}\frac{1}{4}$	57	Per Camolodunum Britan.	
25	18	58	Per australes par: Hyber:	XII
26	$18\frac{1}{2}$	$59\frac{1}{2}$	Per medium Hybernæ.	

Circulus Arcticus.	27	19	61	Per septem: Hyberniam.	XIII
	28	$19 \frac{1}{2}$	62	Per Ebudas insulas.	
	29	20	63	Per Thylen.	XIII
	30	21	$64 \frac{1}{2}$	Per Schythiam.	
	31	22	$65 \frac{1}{2}$	Per extrema Schythiam.	XV
	32	23	66	Per Gotthiam.	
	33	24	$66 \frac{1}{6}$	Per Gotthiam.	XVI
	34	Mensis vnus.	$67 \frac{1}{2}$	Per Gotthiam	
	35	Menses duo.	$69 \frac{1}{2}$	Per mediam Islandiam.	XVII
	36	Menses tres.	$73 \frac{1}{3}$	Per Pilappos.	
Polus Ar- cticus.	37	Menses quatu.	$78 \frac{1}{3}$	Per mare Glaciale.	XVIII
	38	Menses quinq;	84	Per mare Glaciale.	
	39	Medius annus.	90	Per mare Glaciale.	XIX


CAPVT DECIMVM.

De Longitudine Locorum.



LONGITVDO regionum aut cuiusque loci, est portio Aequatoris inter Meridianum talis loci, & Meridianum qui per insulas Fortunatas ducitur intercepta. Ab illis itaque Fortunatis insulis, quae nunc Canaria appellantur, veteres illi Geographi initium Longitudinis excogitauerunt deinde secundum numerorum successum, progrediendo versus orientem, telluris ambitum gradatim depingebant. Cum igitur volueris alicuius loci Longitudinem habere, observa in eo loco per horologium bene rectificatum principium alicuius Ecclipsis, quod si in horis aut minutis cum Ecclipsi quam praemanibus habes concordauerit, scias illum locum, eundem habere Meridianum cum calculata Ecclipsi, si vero discrepauerit, tunc scias illum locum alium habere meridianum, & diuersam Longitudinem, & ut venias ad optatum auferas minorem numerum à maiori & differentiam illam in gradus & minuta Aequatoris conuertito, scilicet pro qualibet hora 15. gradus pro 4. minutis hora vnum gradum, & pro quolibet minuto hora 15. minuta graduum. Deinde numerum iam elicitum adijcias longitudini loci ad quem Ecclips-

Ecclypsis calculata est, si orientalis, hoc est, si numerus horarum observationis fuerit maior si verò occidentalis, hoc est, si numerus horarum observationis minor fuerit, tunc auferas, & obtinebis quæsitum, & sic de reliquis.




CAPVT XI.

De Latitudine & Eleuatione Poli.

I CET authores his duobus vocabulis scilicet latitudine & eleuatione indifferenter uti soleant, differunt tamen in hoc, quòd latitudo regionis siue habitationis est arcus meridiani inter Zenith capitis nostri & Æquatorem interceptus, numeraturq; ab Æquatore, vel versus Austrum, vel versus Septentrionem. Altitudo verò est arcus ille Meridiani inter Polum Mundi & Horizontem cuiusque loci contentus. Qui quidē ambo arcus siue portiones Meridiani (ut ait Ioannes à Sacrobusto) inuicem sunt æquales. Et ideò tantum est si dicas Polus noster 34. gradibus &

40. minut. eleuatur nobis, quantum si diceret polus noster ab Horizonte 34. gradibus 40. minutis distat, siue Zenith nostrum ab Æquatore 34. gradibus 40. minutis abest. Esto enim circulus A. B. C. D. Colurus nostro meridiano iunctus, B. D. Horizon. Zenith nostrum A. Æquator G. H. Polus Arcticus E. Antarcticus uero F. Erit A. D. Quarta pars circuli & G. E. Similiter. Arcus igitur A. E. est arcus communis duorum quadrantum scilicet A. D. & E. G. quem si demas, reliqui duo arcus erunt inuicem æquales, uidelicet G. A. distantia Zenith ab Æquatore, & E. D. eleuatio poli supra Horizontem, quia si ab æqualibus æqualia demas, remanentia erunt æqualia.



CAPVT XII.


De Ventis.



VENTVS secundum Physicos est exhalatio calida & sicca in visceribus terra generata, quæ cum egressa fuerit, lateraliter circa terram mouetur, cuius quidem causa efficiens sunt Sol & astra. Numerantur autem iuxta veterum distributionem duodecim. Quorum quatuor cardinales seu principales à quatuor mundi partibus sunt; reliqui uero omnes collaterales vocitantur. Nam hi Cardinales singuli in ternos diuiduntur, & sic erunt tres ab ortu, & tres ab occasu, tres à Septentrione & totidem à meridie, quemadmodum denotat sequens figura, quam nobis tribuit


buit Vitruuius libro primo de Architectura. Primus itaq, ventorum cardinalis est Auster, siue Notus Meridionalis, calidus & humidus, fulminosus, pluuialis, nebulosus & pestilens nec non agritudines multas generans. Collateralis eius à Meridie occiduo latine Austroaphricus, græcè vero Libonotus agritudines & pluuias facit, quemadmodum & Euroaster seu Euronotus à Meridie ortiuo. Porro Septentrio quem Græci Aparctian vocant cardinalis etiam & Austro oppositus, frigidus est & siccus, atque serenus, & licet flores noceat & fructus terra, humano tamen corpori sanissimus. Aquilo eius collateralis à Septentrione ortiuo tonitruosus est præ omnibus gelidus & siccus, ventosus niuosus, ex parte quoq, fulminosus, verum ab Ortui equinoctiali Subsolanus est seu Apheliotus cardinalis quoque calidus & siccus temperatus produciens flores & sanitatem corporum custodiens. Sed collaterales eius, ut Eururus & Hellepontius omnia desiccant. Sic ab Occidente equinoctiali Fauonius seu Zephyrus, frigidus & humidus pruinas soluens & frigus, tonitruosus & pluuialis quam quidem conditionem & collaterales eius habent scilicet Aphricus & Chorus. Sed ne quid nostræ institutioni desit aut desiderari possit, si scire desideras omnitempore, unde quiuus ventus flet, sequentem figuram in planum Horizontale auxilio compassi in Meridiana linea colloca atq, in eius centro gnomonem seu stilum ad angulos rectos erigas, à cuius summitate dependeat linum aut quippiam aliud quod à vento hinc inde circumagi queat. Quocunque illud autem spiralis aura vis excusserit, opposita semper venti sedes tibi commonstrabitur.





SEPTENTRIO:

DEXTRA POETARVM.



MERIDIES.

SINISTRA POETARVM.




Distributio ventorum secundum Vitruuium,

CAPVT




¶, S E P T E N T R I O.



¶. MERIDIES.

53. Distributio ventorum secundum Modernos. §50.




CAPVT XIII.

De Pericæscis, Antæcis, Antipodibus,
Amphiscijs & Periscijs.

QUATVOR à Geographis assignantur habitationes. Pro prima habitatione quilibet punctus Meridiani accipi potest. Secundam habitationem habent Pericæsci, id est, circumcolæ. Tertiam habitant Antæsci siue Anticolæ. Quartam Antichthones, quos Antipodas vocitamus, tenent. Pericæsci siue circumcolæ sunt hi, qui habitant sub eodem Meridiano atque sub eodem parallelo, qui habent hæc communia cum illis, ad quos sunt Pericæsci, scilicet quòd eandem Zonam incolant, ac paria anni tempora cum illis habent, scilicet æstatem & hyemem, autumnum, ver. Nostri Pericæsci hæc dicta nobiscum communia habent, sed in hoc à nobis differunt, nempe quòd noster occasus sit illorum ortus. Antæci siue Anticolæ dicuntur illi habitatores, qui nostro lateri astant sub eodem Meridiano, quorum latitudo tanta est ab Æquatore versus Meridiem, quanta nostra versus Septentrionem. Hoc illis nobiscum commune est, nempe quòd paria nobiscum agant tempora, sed non pariter: nam cum nobis hyems est, illi habent æstatem; & è contra. Antipodes sunt illi terræ habitatores, qui è diametro vestigia sua nobis obuertunt. Et sic Antæcorum nostrorum Pericæsci sunt nobis Antipodes. Et rursum Pericæsci nostri sunt Antæcorum nostrorum Antipodes. Et cum illis nihil commune habemus, sed omninò contraria, quia cum nobis Sol æstatem efficit, illos aspera & dura opprimit hyems. Quando nobis dies est, illis nox est. Quando nos diem agimus longissimum, apud illos nox longissima diesq; breuissima statuitur. Amphiscij sunt, qui in utranq; partem umbram mittunt. Fit enim bis in anno Sole ad verticem aduentante, ut Gnomones nullam umbram faciant in meridie. Cum verò Sol circa Cancrum versatur, Umbra illorum ad Austrum declinant; ad Septentrionem autem cum Sol ad Capricornum descendit: & tales sunt omnes inter duos Tropicos habitantes.

Periscij denique sunt, qui umbram in omnes Horizontis partes mittunt in circulum omni die; & sunt illi, qui in polis mundi habitant.



CAPVT XIII.

De nominibus Geographorum.

QUADRUPPLICIA sunt generalia Geographorum nomina. Prima maris, maritimorumq; locorum. Altera generalia partium terre nomina. Tertia agrorum nomina. Quarta fluuiorum, stagnorum & ceterorum aquosorum locorum generalia nomina, de quibus pauca ordine dicemus.

Maris, maritimorumq; locorum nomina.

MARE generaliter dicitur congregatio aquarum multarum. Oceanus est mare, quod uniuersam circuit terram, à velocitate dictus, eò quòd mira celeritate in maria interiora diffunditur per freta.

Sinus per translationem vocantur littora curua ad similitudinem sinus, & quasi brachijs mare amplectentia.

Fretum est mare angustum inter duas terras, ab undarum fremitu dictum, ut inquit Varro.

Æstus modò accipitur pro æstiuo tempore, modò pro fluctuatione & impetu maris propterea quod feruore quodam fiat.

Euripus est canalis per quem aqua confluit in vijs lapide stratis.

Bosphorus est transitus meabilis bouis propter angustias freti, & sunt duo. Alter iuxta Bizantium, qui Thracius dicitur, ostium Ponti per quod in Propontidem influit Pontus. Alter in introitu Mæotidos paludis, & per quem palus Mæotica in Pontum defluit, qui etiam Cimerius dicitur à Cimerijs populis.

Portus est locus conclusus iuxta mare, quo importantur merces.

Littus est terra quæ ab aquis tangitur & fluctibus oblimatur marinis.

Agger est propriè lapidum aut terræ coaceruatio quæ facta valle propius ponitur.

Ora est regionum, terrarumq; finis, in super maritime ipsæ regiones.

Chersonesus, id est, peninsula est quæ non planè insula est, neq; planè continens.

Isthmos est arcta terra inter duo maria.

Insula est terra quæ undique aquis clauditur.

Promontorium est præminens mons, significat enim montem in mari prominentem.

Generalia partium terræ nomina.

Continens dicitur omnis terra solida siue fixa, quæ nec insula, nec peninsula, nec Isthmus est, sed tota sibi constat & cohaeret, ut Pannonia, Saxonia, Bauaria, Austria, &c.

Terra in singulari totum elementum significat, sed in plurali terras aliquas significamus.

Territorium, propriè locus communis est circa oppidum, qui Colonis relinquitur, teste Pomponio de verborum significatione.

Regio terra est quæ à Rege regebatur. Nam priusquam prouincia fierem regiones sub Regibus erant, atque ab his regebantur.

Regnum dicitur tam regio ipsa subiecta, quæ à Rege possidetur, quàm ipse dominatus.

Prouincia propriè dictæ sunt regiones longe ab Italia bello acquisite, quod eas Romanus populus prouicerit, ait Festus.

Populus vnius ciuitatis multitudinem significat, iuris consensu & concordie communione sociata.

Plebs idem est quod vulgus, hoc est, vilior pars populi, in qua (auctore Gellio) gentes civium patritia non insunt.

Urbs est oppidum muro cinctum & continet adificia.

Civitas propriè est collecta civium multitudo, ad iure vivendum.

Oppidum est omnis urbs, præter Romam, quæ peculiari nomine urbs dicta fuit, ut cætera nominentur oppida.

Emporium est locus mercatus & nundinarum.

Castellum est parvus vicus muris circumdatus.

Vicus est pars urbis, qui ex multiplicatis domibus fit.

Pagus vocantur rusticana domus in unum congregata.

Villa est domus extra urbem.

Casa est domus à curvatione dicta. Nam antiqui cautas rupeis inhabitabant.

Tugurium est rustica habitatio tecta ex vlna palustri.

Agrorum nomina.

MONS est tumor terra altissimus, ab eminendo dictus.

Vallis est planities duobus lateribus seu montibus inclusa.

Collis est minor mons, & quasi monticulus.

Cliuus est locus molliter arduus, & pro colle interdum ponitur.

Rupes sunt præruptæ partes terre, aut saxi prægrandis, propter altitudinem, ac proclivitatem inaccessa.

Vertex appellatur quod in montibus eminentissimum est.

Jugum est propriè montis cacumen.

Cacumen est summitas montium.

Conuallis est planities ex omni parte comprehensa montibus collibusq; dicta (ut inquit Varro) quasi cauata vallis. (rius loci.

Fauces per translationem dicuntur stricti ingressus vallium seu alte-

Campus est grande atq; amplum spatium terra plana.

Ager significat partem quandam ipsius territorij urbis, quæ priuatim ab aliquo possidetur.

Aruum est ager aratus, nondum tamen satus.

Pratum est in quo ad fructum percipiendum falce dumtaxat opus est, ait Ulpianus de verborum significatione.

Pascua sunt illa loca in quibus pecudes pascuntur.

Sylua est nomen generale, non solum arborum, sed etiam herbarum.

Lucus est nemus arboribus densum & obscurum. (tatis.

Nemus est quod voluptatis causa comparatum est, & plenū amani-

Saltus est densior sylua, & in via, quod ibi arbores saliant, in quo pasci, & æstiuare pecudes solent.

Virgulta sunt multitudo virgarum pullulantium.
Spinetum est locus spinis confitus.

Fluuiorum, Stagnorum, & cæterorum aquosorum locorum generalia nomina.

FONS est, ubi de terra aqua manat, & se vsui præbet haurientibus.
 Riuis est locus depressus per longitudinem aqua currentis.
 Fluuius seu flumen est aqua continuè decurrens, & perennis, & est maior, quàm riuis & torrens.

Torrens est fluuius, qui non de fonte, neq; de viua aqua, sed à pluuijs, vel de montibus aquis hyemalibus in valles descendit, & æstate siccatur.

Fluentum est paruum flumen, siue decursus aqua.

Gurges est locus in flumine profundus, in quo aqua vertitur, licet quandoq; ponatur pro mari.

Amnis idem est quod fluuius, ab am circum, & natare fluere, quoniam flexuoso meatu labitur.

Fluctus est aqua mota in unum collecta.

Unda propriè est pars aqua in se collecta, & in unam partem tendens.

Ripa est extremitas terræ aqua vicina, & est propriè aquarum currentium, ut fontium & fluminum.

Ostium est fluuiorum patens aditus.

Alueus est fossa, per quam labitur flumen.

Vadum est fundum fluminis, lacus, maris, & cuiuscunq; aqua, per quod via datur.

Lacus est locus profundus cum aquis perpetuis ibidem natis, qui efficit riuos & flumina.

Stagnum est, quod temporalem ibi aquam stagnantem habet, quæ plerunque hyeme colligi solet, æstate siccari.

Palus est, ubi paululum aqua in altitudine, & palàm latiùs diffusa, quæ non fluit, & quandoq; siccatur.

Lacuna est aqua collectio, quæ alijs lamam, alijs lustram nominant.

Cisterna, est locus in quo colligitur aqua pluuiæ per euripos & caniculos sub stillicidio positos.

Piscina est, quæ in aqua dulci aut salsa inclusos habet pisces, ut ait Varro libro 3. de re rustica.

Therma sunt balnea seu loca illa, quæ calentibus aquis, lauandi vsibus sunt deputata.

CAPUT XV.

De Mensuris.

MENSURA est longitudo finita, quæ ignotam locorum distantiam sensibili experimento mensurat. Cuius partes sunt Granum hordei mensura minima. Digitus quatuor habens grana in latum posita. Palmus minor digitorum est quatuor à Gracis *παλμῆς*. Dichas habet duos Palmos minores. Maior Palmus digitorum est duodecim, Gracè *διχάσις* vocatus. Pes quatuor palmos minores habet. Cubitus verò triplex est, Parvus scilicet, siue Generalis, qui constat sesquipede. Medius, qui duobus pedibus integris constat, & Magnus, qui pedibus novem, id est, cubitis generalibus siue parvis sex. Gradus duos pedes habet. Passus simplex seu gressus duos pedes & semissem. Passus verò Geometricus quinque pedes. Orgia sex pedes. Pertica decem pedes. Stadium 125. passus: dicitur autem à stando, quia Hercules tantum currens postea stabat & respirabat. Plethrum centum pedes. Diaulos duo stadia. Leuca habet 1500. passus. Dolichos 12. stadia. Parasanga autem iuxta Budaum 30. stadia. Schœnum verò licet ex duobus & viginti stadijs, nonnulli ex triginta, varia opinione, constare dicant, & Herodotus lib. 2. sexaginta stadiorum scribat; tamen ex stadijs quadraginta, hoc est, passibus quinque millibus Schœnum verum confici, communi opinione, quæ longè præstantior fuit, receptum est. Stathmos tabellariorum siue veredariorum diversorium milliaria 28. & semis habet. Porro milliare nomen habet à mille passibus: continet autem stadia octo. Milliare Germanicum commune 400. passus continet, stadia verò 32. Milliare Germanicum magnum 500. passuum est. Sed quia singulas mensurarum species exequi longum esset, nec etiam nostri instituti est, ne pluribus morer de his hæcenus dixisse abundè fuerit. Illud tamen annotare succurrit, quod Latini mensurant terrestre spatium per milliaria; Graci per stadia. Galli atq; Hispani per Leucas, Ægyptij per Schanos, Persæ verò per Parasangas.

Dimidi-

Dimidium pedis antiqui ex Leonardo de Portis.

Digiti.
Palmi.

I	II	III	III	V	VI	VII	VIII
1				2			

CAPVT XVI.

De totius terræ mensura & eius

diametro inueniendo.




Dimidium pedis Romani ex Glareano.

V	6	7
III	5	6
III	4	5
II	3	4
I	2	3
I	1	2

Vncie sue pollices.

Digiti.



C LOBI terrestris ambitus seu circumferentia 360. gradus (quemadmodum circulus siue maximus, siue minimus) continere dicitur, & unicuique gradui 15. milliaria Germanica communia, vel 60. Italica respondere certissimis Mathematicorum demonstrationibus compertum habemus. Si igitur terra ambitum cognoscere velis, multiplica trecentos, sexaginta gradus, terra scilicet peripheriam per 15. & prouenit tibi ambitus terra in milliariibus Germanicis nimirum 5400. vel per 60. & 21600. milliaria Italica offendes. Tot enim milliaria Germanica vel Italica ambitus seu circumferentia terre euidentissimis rationibus continere probatur. In parallelis tamen discrimen est: nam quanto aequinoctiali propinquiores sunt, tanto maiores arcus habent, ac proinde maiorem collationem in gradibus, contra vero quanto polo propinquiores, tanto minores arcus habent, & proinde etiam minorem collationem in gradibus. Habito autem terra ambitu, si quis eius diametrum, quae quidem est linea recta, per centrum eius, ex utraque parte ad circumferentiam eiecta, quanta sit scire desideras, facile id per regulam dimetientem inuenies, multiplicando scilicet circumferentiam per 7. & productum diuidendo per 22. nascetur in quotiente solerti supputatione facta numerus

diametri terræ, nempe $1718\frac{2}{11}$ milliaria

Germanica, vel 6872 $\frac{8}{11}$

Italica.



CAPVT



CAPVT XVII.

 De modo quo Ptolomæus eiusque se-
quaces Orbem terrarum pinxerint.

DESCRIPTRVS autem terrarum Orbem, ut à Pto-
 mæo situs eius secundum longum & latum est deprahen-
 sus, describe parallelogramum rectangulum, veluti est
 A. B. C. D. cuius latus A. B. duplum sit ad latus A. C. di-
 uidaturq; in duo equalia per lineam E. F. quæ sua longitudine sub una
 rectitudine vsque ad G. protrahatur, & supponatur latus A. B. esse
 Septentrionale, C. D. Meridionale, B. D. Orientale, & A. C. Occi-
 dentale. Deinde extra parallelogramum trahas lineam rectam H. I.
 æqualem lineæ E. F. quæ vica quadrantis maximi circuli erit, & in
 90. partes æquales diuidas more solito. Quo factò accipe mediante cir-
 cino longitudinem huius lineæ H. I. extra signata, cui adponas etiam
 unam partem et 50. minuta, deinde circino inuariato, à puncto F. ver-
 sus G. fac signum K. & habebis centrum omnium parallelorum Lati-
 tudinis. Postea à puncto H. versus I. lineæ extra scriptæ, numera 16.
 partes & 25. minuta, hanc distantiam transferas inuariato circino in
 lineam E. F. parallelogrami, ponendo unum pedem circini in punctum
 E. alterum verò versus F. & facias signum L. cui immitte pedem cir-
 cini & reliquum extende in K. centrum à quo describe lineam à latere
 A. C. vsq; ad latus B. D. scilicet M. L. N. quæ erit lineæ Equinoctia-
 lis. Rursum recense 23. partes & 50. minuta lineæ H. I. extra scriptæ, de-
 inde immisso pede uno circini in puncto L. & altero extenso versus F.
 facias signum Q. à K. igitur ad Q. aperto circino pingere lineam R Q.


F

S. quæ

S. qui Tropicus Cancrī erit, seu parallelus per Syenen. Sed ut habeas parallelum oppositum ei qui est per Meroen, pone pedem unum circini in puncto K. alterum verò extendito usque ad E. & describe lineam O. E. P. Iterum ut habeas ultimum parallelum Septentrionem versus terra habitabilis ad tempora Ptolemai, ponito unum pedem circini in puncto H. linea extra scripta, & alterum extende versus I. usque ad 63. partem iam dicta linea, sic circino immoto à puncto L. Æquinoctialis versus F. fac signum T. deinde à K. ad T. ut prius dictum est describe curvam lineam, & habebis extremum parallelum transeuntem per Thylen, quem signabis literis V. T. X. Porro sciendum est, quòd tres paralleli nimirum per Thylen, per Syenen, et oppositus ei scilicet Meridionalior primum sunt describendi, eo quòd mediantibus illis omnes inscribuntur Mappæ Meridiani, & ut venias ad optatum, Accipe cum circino in linea H. I. extra diuisa distantiam duorum graduum & 15. minutorum, quam in parallelo per Thylen transeunte, incipiendo à linea E. F. utrinque decies & octies replicabis, notando puncta. Consimiliter ages recipiendo distantiam quatuor graduum & 35. minutorum in supra dicta linea scilicet H. I. & in parallelo per Syenen transeunte decies & octies replicando. Iterum recipe distantiam quatuor graduum & 50. minutorum in sepe iam dicta linea H. I. & in parallelo opposito per Meroen utrinque pinge 18. puncta. Quibus signatis, quare cum circino (secundum doctrinam sequentis capituli) centrum trium punctorum in his tribus parallelis à Meridiano recto E. F. æquidistantium, quo inuento duc arcum per hæc tria puncta. Sic ages cum omnibus trinis et trinis punctis. Deinde lineam Æquinoctialem in 180. secabis partes seu gradus æquales, & numeros graduum assignabis, ab Occasu versus Ortum, hoc est ab M. versus N. Similiter diuide omnia spatia Meridianorum in opposito parallelo Meroensi scilicet, & in illo qui currit per Thylen in quinque partes æquales. Vltimum verò Meridianum in latere parallelogrami A. C. qui est ille qui imaginatur transire per Insulas Fortunatas, ab M. versus V. in 63. partes siue gradus diuide æquales, Ab M. verò versus O. in 16. & 25. minuta. Postmodum describantur reliqui paralleli latitudinum distantes per quinos gradus et adijciantur numeri iuxta Meridianum iam dictum. Adijciantur et Climata, Venti, Paralleli distinctores horarum, & alia ad ornatum figuræ pertinentia, ut patet in sequenti figura. Quare cum volueris terram habitabilem inscribere charta, conficias tibi regulamentum ex aliqua materia tenui ad longitudinem lineæ E. K. cuius latitudo sit duorum ferè digitorum, & per eius medium ducatur
linea

linea recta, qua sit E. K. Eam divide à puncto L. usque ad punctum T. in 63. partes, & à puncto L. usque ad punctum E. in 16. partes & 25. minuta. Absoluta diuisione aufer mediam eius partem usque ad lineam E. K. iuxta formulam infra depictam. Postea annectes per clauum rotundum duo puncta scilicet K. regulamenti, & K. figura, ita ut regulamentum liberè hinc inde volui queat. Auxilio huius regulamenti dispesces terram habitabilem in tres partes, scilicet Europam, Africam & Asiam, dummodò habeas ex Ptolomai libris Geographicis octo Indicem, quo habito faciliè peruenies ad id, quod optas. Nam cum libuerit locum aliquem inscribere Mappa, numera gradus longitudinis illius loci à Meridiano, qui imaginatur transire per Insulas Fortunatas in Æquatore, id est, in linea M. L. N. & fac lineam occultam. Deinde numera gradus Latitudinis in regulamento ab L. versus T. si latitudo fuerit Septentrionalis, aut ab L. versus E. si fuerit Meridionalis, & fini fac similiter lineam occultam, & habebis quasitum. Nam in sectione illarum duarum linearum est verus locus, quem describere volebas. Exempli gratia. Volo inscribere Ingolstadium Superioris Boiariæ seu Vindeliæ oppidum munitissimum, & studio vniuersali multum decoratum, cuius longitudo est gradus 29. minut. 6. & Latitudo grad. 48. minut. 42. Numero igitur longitudinem à puncto M. versus L. & ad finem eorum graduum pono regulamentum mobile. Deinde numero in regulamento à puncto L. versus T. quia Latitudo est Septentrionalis 48. gradus 42. minut. & in fine facio notam, qua representabit mihi situm Ingolstadij in Mappa. Sed huius demonstrationis formulam in planum extendamus, ut faciliùs lector cuncta comprehendat.






Deartificiofa inuentione centri trium punctorum propositorum.

SI artificiosè & breuiter trium punctorum propositorum, non in linea recta positorum, centrum inuenire cupieris, vt sunt A. B. C. Siste pedem circini in vno horum trium punctorum scilicet A. et alio aliquo aliter extenso versus B. duc partem circumferentiæ occulta. Deinde pone eundem pedem circini sub eadem extensione in secundo puncto videlicet B. & iterum duc partem circumferentiæ occulta versus A. intersecantem priorem in duobus punctis, & trahere lineam rectam occultam per ambas intersectiones in continuum & directum versus hanc partem, ubi existimas fore centrum trium punctorum. Eodem modo fac duas intersectiones per circinum in tertio puncto scilicet C. nondum tacto & alio sibi proximo, siue hoc possit fieri sub eadem extentione sicut prius, siue sub alia maiore siue minore. Quia circinus semper hoc pacto debet extendi, quod possit causare duas intersectiones, siue inter duo puncta siue in distantia ab eis, qualitercunque hoc fiat. Habitis igitur talibus intersectionibus per secundum & tertium punctum repertis, duc per easdem lineam rectam subtilem in continuum & directum, quousque secet primam lineam rectam. Et ubi hæ lineæ sese intersecant, illic est centrum trium punctorum propositorum. Sed vt facilius hanc doctrinam capere seu intelligere possis, inspice figurationem sequentem.






CAPVT XIX.

De inducenda papyro in globum
eiusque pictura.

Si papyrum in globum inducere volueris, accipe mediante circino quadrantem cuiusq, maximi circuli, eumq, in tres (ut moris est) diuide partes aequales, deinde accipe papyrum, quam in planum immobilem imposito, ducq, in ea lineam longissimam, quam in 30. aequales quoq, secabis partes, quales in quadrante globi ternas inuenisti. Secta autem sic huiusmodi linea, ponito unum circini pedem in extremitate linea, & alterum extende usque in undecimum punctum, ita tamen, ut dena transmittas spatia, & duc arcus circulorum, hemiciclijs tamen minores procedendo de puncto in punctum. Conuerso postmodum circino duc arcus conuersos in alteram extremitatem linea, & habebis duodecim partes inuicem, aequales papyri in globum glutino inducendas. Sed exemplo res lucidior reddetur. Sit A.B. linea in 30. partes inuicem aequales diuisa, quales ut supradictum est, singuli quadrantes equinoctialis ternas habent. Ponito ergo

ro ergò circini pedem unum in punctum *A.* & alterum extendito ver-
 sus *B.* usque in punctum undecimum, sic enim dena transmittes spa-
 tia, & duc arcum *S.D. T.* Deinde ab *A.* promoue circinum uno pun-
 cto, & sic alter pes in *E.* veniet, atque ita deinceps, donec in *P.* deuen-
 tum fuerit. Deinde in marginem alterum transfer circinum, ita ut in
B. posito uno pede in *A.* alterum extendas, atque illic duc arcum *Q.*
O. R. & emerget duodecima pars superficiei quam quærebas quamq;
 globo aptè circumponere poteris, quanquam superne propter Sphæræ
 coarctationem, nonnihil superabit, verum à mediocriter exercitato
 haud magno negotio corrigi poterit quod superest. Quòd si iam glo-
 bum etiam depingere volueris, imprimis opus est, ut inquiras polos
 Mundi, & hoc vel motu vel circino fiet. Circinatio autem ex qua-
 drantibus potissimum constat. Deinde inuestigandus est *Æquinoctia-*
lis, quem eodem pacto, quo Polos utrosque inuestigare poteris, ita ta-
 men ut ab utrisque equaliter distet. Meridianos autem facies in Po-
 lo coeuntes, in *Æquinoctiali* verò denis vel quinis gradibus distantes,
 quorum centrum in *Æquinoctialis* peripharia semper est inquiren-
 dum. Parallelos quoque totidem gradibus discernere oportet, sed
 centrum illorum erit Polus Mundi. Tropicos verò & *Arcticos* iux-
 ta superius Capit. 5. traditam doctrinam facile describere potes. In
 pingendis autem terris opus est ut constituas Meridianum qui ima-
 ginatur transire per insulas Fortunatas post Hispanias, ut *Ptole-*
mao placet, & ab Hispania incipere, numerando in *Æquinoctiali*
 gradus longitudinis à Meridiano iam dicto Ortum versus computan-
 do, latitudinem verò ab eodem *Æquinoctiali* in iam Meridiano dicto
 vel versus Septentrionem vel Austrum. Ducendi quoq; sunt primùm
 termini littorum trium partium continentis Europa scilicet *Africa*,
 & *Asia*. Postea verò fluij & montes præcipui. Insula quoque & ma-
 ris sinus, Sylva, Climata & alia si qua sunt adiicienda ad ornatum
 globi quæ spatij tamen iniquitate non excludantur ex *Ptolemao*, diuer-
 sis Mappulis, Chartis Cosmographicis & tabulis facillimè haberi pos-
 sunt. Postquam autem ea ex Cosmographicis descriptionibus desumpta
 fuerint, paretur Meridianus è materia solida, qui in 360. partes equa-
 les diuidatur et numerus ab *Æquinoctiali* versus utrosq; Polos proce-
 dat, cuius Poli orbiculos habeant, sicut lineæ fiduciales, quorum centra
 erunt in punctis intersectionum Meridiani cum gradu nonagesimo ab
Æquinoctiali. Ipsis quoq; horum centris perforatis, Meridiani Poli Po-
 lis globi affigantur, ita tamen ut circa eos globus liberè voluatur. Po-
 stremo fiat sedes cū *HoriZonte*, qui circa Meridiem & Septentrionem
 canetur.



Prima pars de

cauetur, ita ut dimidius globus supra emineat. In Horizonte autem ad quatuor cœli plagas pingantur ventorū quatuor cardinaliū nomina et figura, ad Meridiē quidem *Austri*, ad Septentrionem *Aquilonis*, ad Ortū verò *Euri*, et ad Occasum *Zephiri*. Reliquos verò pro tuo arbitrio ad imitationem aliorū si volueris depingere, liberū esto. Verū ne in aliena doctrina ingeniosi esse videremur, quicquid hīc à me maiore ex parte dictū est, à D. Heinricho Glareano pia memoria preceptore meo quondā obseruādisimo, accepi, quod ideo indico, ne studiosa iuuentus cui hoc bonum debeat ignoret.

CAPVT XX.

De modo faciendi tabulas particulares.



Si volueris aliquam tabulam particularem conficere opus est, ut primum omnium habeas latitudinem eius Prouinciæ aut Regionis quam descripturus es. Talem inquam latitudinem facile acquires, si noueris principium, & finem propositæ prouinciæ, hoc est distantiam principij & finis eius ab Æquatore Septentrionalem, si fuerit Septentrionalis, sin minus Meridionalem, subtracto uno ab altero, residuū erit latitudo quesita. Ad hoc requiritur etiam differentia longitudinum. His habitis, trahas per mediū plani alicuius

lineam Meridionalē, quam diuidas in totidem partes æquales quot graduū est latitudo Regionis describenda, & ab extremitatibus huius lineæ, extendantur aliæ duæ lineæ æquidistantes. Ponas deinde extra vni harum partiū lineam æqualem quæ sit S.R. quā discrimines in 60. partes æquales, nam totidē partiū est unus gradus sub Æquatore. Deinde inuestiga in tabula conuersionū gradus extra Æquatorem in gradus Æquatoris, quot harū partium sit tum Meridionalioris tum Septen-

siona-

trionalioris paralleli unus gradus. His habitis, accipias circino numerum partium unius gradus paralleli meridionalioris ponendo alterum pedem super lineam extra scriptam in puncto S. reliquum verò extendas versus R. deinde differentiam illam transferas in parallelum iam dictum, faciendo tot notas versus ortum quot medietas differentie longitudinis habet, in cuius notitiâ peruenies eo modo quo venisti in notitiam differentie latitudinis, ac eadem ratione agas cum reliqua huius paralleli parte, & similiter, cum parallelo Septentrionali, nisi quod circinus comprimendus est in linea extra scripta ad numerum partium quæ debentur parallelo Septentrionali. Post quàm hos diuisisti parallelos, trahas ab ultimis punctis eorum lineas à meridionali parte ad Septentrionalem, quæ representabunt meridianos regionis describenda extremos, quæ diuidantur secundum diuisionem meridionalis lineæ, numeri quæ debiti tam longitudinis quàm latitudinis adijciantur. Postremò habeas duo fila cum suis perpendiculis, quorum longitudo excedat longitudinem & latitudinē plani propositi. Et cum uolueris inscribere aliquem locum quicumque is sit modo habeas eius longitudinem & latitudinem, ponas alterum filum super gradus longitudinis, alterum autem super gradus latitudinis, & ubi se fila secant, ibi facias signum pro eo loco, locique nomen adscribas. Sed Exemplo res lucidior fiet. En cupio extendere super aliquod planum Peloponnesum arcem totius Græciæ quondam, quæ nunc Morea dicitur, in mari mediterraneo sitam, cuius latitudo mihi inuenta est 4. graduum iuxta doctrinam iam traditam, & unus gradus paralleli meridionalioris est 49. minutorum & 45. secundorum. Septentrionalioris verò 47. minutorum & 17. secundorum, ut patet ex tabula conuersionum gradus extra Æquinoctialem in gradus Æquinoctialis. Ex quo hoc habui, traxi lineam occultam F. G. eamque diuisi in 4. partes, quarum unam posui extra lineam scilicet S. R. sectam in 60. partes & traxi ad punctum F. orthogonaliter lineam A. B. & ad punctum G. lineam Septentrionaliore C. D. deinde extendi circinum à puncto S. versus R. ad punctum 50. ferè, & cum hac extentione feci à puncto F. versus A. tres notas & versus B. totidē, quia longitudo Peloponnesi est 6. graduum. Hoc absoluto compressi circinum in linea S. R. ad punctum 47. & 17. minutum, & diuisi etiam lineam C. D. hinc inde à puncto G. in tres gradus, & coniunxi hos duos parallelos lineis A. C. & B. D. quas diuisi ad diuisionem lineæ F. G. & numeros graduum ubique adieci, plagasque mundi adscripsi, & impositurus urbem Corinthiorum (quos D. Paulus reuocauit ad veram fidem, & Euangelicā Sapientiam) cuius longitudo est 51. graduum 15. minutorum & latitudo 36. graduum 56. minutorum,

posui alterum filum in lineam A.C. & lineam B.D. quæ referunt meridianos extremos Peloponnesi super gradum 36. & 56. minutum, & similiter posui alterum filum super gradum 51. & minutum 15. linearum A.B. & C.D. & in communi sectione filorū feci signum & adieci nomen urbis: Non secus actum est cum reliquis tam urbibus, quàm fluminibus. Porro sciendum est, quod multum retulerit ad exactam fluuiorum & aliarum rerum descriptionem, ut aliquis Regionem quam descripturus est, aliquoties perlustrauerit.

Figura huius Descriptionis tibi hic ob oculos posita est.



Sequitur Tabula conuerfionum gradus
extra Æquinoctialem in gradus
Æquinoctialis.

Gratus Latitudo.	Minuta Æquinoctialis & secunda ad proportionē parallelorum.			Gratus Latitudo.	Minuta Æquinoctialis & secunda ad proportionē parallelorum.			Gratus Latitudo.	Minuta Æquinoctialis & secunda ad proportionē parallelorum.		
G	M	Z	G	M	Z	G	M	Z	G	M	Z
1	59	59	31	51	26	61	29	5			
2	59	57	32	50	53	62	28	10			
3	59	55	33	50	19	63	27	14			
4	59	51	34	49	45	64	26	18			
5	59	46	35	49	9	65	25	21			
6	59	40	36	48	32	66	24	24			
7	59	33	37	47	55	67	23	27			
8	59	25	38	47	17	68	22	29			
9	59	16	39	46	38	69	21	30			
10	59	5	40	45	58	70	20	31			
11	58	54	41	45	17	71	19	32			
12	58	41	42	44	35	72	18	32			
13	58	28	43	43	53	73	17	33			
14	58	13	44	43	10	74	16	32			
15	57	57	45	42	26	75	15	32			
16	57	41	46	41	41	76	14	31			
17	57	23	47	40	55	77	13	30			
18	57	4	48	40	9	78	12	28			
19	56	44	49	39	22	79	11	27			
20	56	23	50	38	34	80	10	25			
21	56	1	51	37	46	81	9	23			
22	55	38	52	36	56	82	8	21			
23	55	14	53	36	1	83	7	19			
24	54	49	54	35	16	84	6	16			
25	54	23	55	34	25	85	5	14			
26	53	56	56	33	33	86	4	11			
27	53	28	57	32	41	87	3	8			
28	52	29	58	31	48	88	2	6			
29	52	29	59	30	54	89	1	3			
30	51	58	60	30	0	90	0	0			

CAPVT XXI.


De alio modo describendæ regionis in

plano incognitis latitudine, longitu-
dine & distantia.



VM prouinciam vel regionem aliquam cum omnib^{us} suis vicis ac oppidis incognitis latitudine, longitudine & distantia describere volueris, præpares tibi ex ligno duro, solido ac firmo tabulam planam, quæ arte tornandi rotundetur. In facie verò tabulæ præparatæ quære centrum, super quo officio circini describe in limbo secundum tabulæ capacitatem circulum maiorem, ita tamen quòd extremitatem tabulæ non omnino tangat, qui in quatuor æquales diuidatur partes. Quo factò ex eodem centro duc alium circulum constrictò tamen circino paululum, qui tantum distet à priori, quantum sufficiat pro inscriptione singulari graduum, ita ut totus sit diuisus more solito in 360. gradus seu partes inuicem æquales. His inscriptis gradibus, iterum constringatur circinus, & describatur in eodem centro alius circulus, qui tantum sit remotus à circulis graduum, ut numeri conuenienter possint addi per quinque & quinque, scribeasq^{ue} plagas mundi, scilicet Septentrionem, Occasum, Meridiem & Ortum. Deinde fabrefac tabulam, cuius latitudo sit duorum ferè digitorum, longitudo autem contineat quantitatem instrumenti, per cuius medium ducatur linea recta G. E. F. quæ vocabitur linea Fiduciæ. Nam et in rebus Geometricis exercendis fidem habemus, & super medium dictæ lineæ scilicet punctum E. describatur circulus paruus secundum latitudinem eius, factò circulo abscindatur usque ad lineam E. G. pars una, & similiter ex altera parte E. F. pars opposita, & imponantur duo pinnacidia aqualia perforata, ita quòd longitudo eorum adæquetur circulo paruo ex centro descripto. Postremo, perforato etiam centro parui circuli, omnia conclaudentur uno clauo, ita tamen quòd hinc inde liberè volui queant, sicut in dorso Astrolabij, ut præsentì figura
facile poteris edoceri.






Hoc itaq; instrumento facto, ascende turrin alicuius oppidi altissi-
 mam, ex qua quasi ex specula circumspicere possis, omnia ferè loca regi-
 onis tibi describenda, sed opus erit etiam instrumento quadrangulare
 nautico (q; compassum appellamus) nam ab illo ferè tota res pendet,
 itaq; procedito. Pone instrumentũ primũ in plano, & super ipso com-
 passum, ita ut latus compassi adiaceat lineæ meridianæ instrumenti in-
 ferioris. Deinde verte instrumentum cum compasso, eo usq;, quo index
 compassi correspondeat sibi subscripto indici, & post hæc instrumento
 ita manente, compassum tanq; perfunctum suo officio remoue. Si nunc
 regionẽ aliquam hoc modo describere placet, volue indicem volubilem
 hinc inde, donec per pinnacidiorum eius foramina omnium circumia-
 centium locorum tibi describendorum situm seu potiùs deflectionem à
 meridie, ortu, septentrione, vel occasu secundum ipsius indicis remoti-
 onem ab eis videas. Quo facto trahè in plano alio papiraceo circulum
 occultum ex uno puncto posito ad libitum, eumq;, diuidas in 360. gra-
 dus, ut ipsum instrumentum, & supradictas deflectiones seu situs loco-
 rum ab instrumento in hunc mediante circino transferas, trahasq; à
 G 3 centro

centro iam dicti circuli ad circumferentiam ipsius, rectas lineas occultas. Post hac proficiscere ad aliud oppidum pro secunda statione, atque ibi similiter agito cum angulis positionum omnium circumiacentium locorum, quos ubi habueris, pone punctum istius Oppidi in praedicto plano papiraceo à priori puncto in quacunque velis distantia, super tamen sua linea positionis, atque ex hoc puncto trahere circulum occultum, & Meridianum distantem à priori Meridiano undique equaliter. Demum trahere ex hoc puncto lineas positionum locorum iam inuentas, & ubi tunc fit intersectio harum linearum cum prioribus primae stationis, ibi notula & nomina scribenda sunt pro talibus locis. Si verò contingat (ut nonnunquam usu venit) quod utraque vice locus quispiam venerit in medio inter duo loca principalia, siue primum nota, tunc necesse est tertia vice hunc locum ex transverso aspicere. Atque hoc modo non opus erit omnia prouincia describenda loca peragraré, sed tantum videre. Fluviorum verò & littorum facile descriptis Oppidis & Vicis secundum suas hinc distantias, ortus & exitus habebuntur. Quòd si post descriptam hac ratione Chartam, placeat etiam in certas dimetiri distantias milliaria, vide quot milliaria sint inter duas Stationes, ac spacium inter duo centra circulorum in tot diuide partes aequales, & habebis Scalam milliariaum quasitam. Sciendum tamen est si Regio describenda 60. 70. 80. vel etiam 100. milliaria non excefferit, hoc modo bene posse fieri: si quis autem totam Europam vel aliam Mundi partem sic describere voluerit, tunc totum negotium, mancum & imperfectum esse, quia nulla est cognatio plani ad rotunditatem & sphericam superficiem terrae. Sed ut experientia certa veritatem indagare possimus, placet addere exemplum. En volo describere aliquot loca Brisgoiae regionis in vino frumentoque fertilissima, & conféro me Friburgum, ubi ante annos aliquot non sine fructu, utilitate, & summa etiam oblectatione auditorum duo totius Germania lumina, hoc est, Hartungus & Glareanus faelicis recordationis praecipitores mei nunquam obliuiscendi, Gracas, Latinasque profitebantur literas, & ascendo turrim maioris adis, ponoque instrumentum auxilio compaßi secundum plagas Mundi, & video circumquaque quacunque possum loca, & video Krotzingen tendere à Meridie gradibus quasi 46. in Occidentem. Stauffen arcem & oppidum à Meridie gradibus 23. in Occidentem. Sultzberg à Meridie in Occidentem gradibus 10. KilchZart verò ab Oriente in Meridiem gradibus 5. Zeringen à Septentrione in Orientem gradibus 4. Waldkirch à Septentrione in Orientem gradibus 30. Hochperg à Septentrione in Orientem

tem gradibus 10. Kentzingen autem à Septentrione in Occidentē gradibus 20. & Brisacum ab Occidente in Meridiem gradibus 6. declinare. Quæ quidem loca licet visu conspici nequeant omnia, adiecimus tamē pro exemplo, quæ satis sint. His autē factis pono punctū in medio chartæ alicuius qui locum Friburgi significat, & duco circulum occultū quem diuido primum in quatuor & adscribo plagas Mundi, Orientē scilicet, Occidentem, Meridiem & Septentrionē. Quadrantem autem quemlibet in nonaginta partes seu gradus inuicem æquales, & mediante circino transfero supradictas lineas seu declinationes ab instrumento in hanc chartam, quam imperfectam cum lineis tantum relinquo, & recipio me cum instrumentis Brisacū Metropolitim Regionis, pro secunda statione, ubi iterū omnium quæ visu adsequi possum locorum lineas positionis quæro, inuenioq; Krotzingen à Meridie in Orientem declinare gradibus 26. Stauffen etiam à prædicta plaga gradibus 38. in Orientē, & Sultzberg oppidulū gradibus 35. KilchZart ab Oriente in Septentrionem 4. Zeringen ab Oriente in Septentrionē gradibus 20. Vualdkirch ab Oriente in Septentrionē gradib⁹ 30. Hochperg ab Oriente in Septentrionem gradibus 44. & Kentzingen à Septentrione Orientem versus gradibus 24. Inuentis igitur hoc modo atq; signatis locorum describendorū reflectionib⁹, quæro in charta incepta lineam Brisaci, in qua pono punctum distans à Friburgo quantum mihi placet, ex quo duco alium circulum occultū quem ut supra diuido in 360. gradus æquales adscriptis etiam quatuor plagis Mundi, ut iam ante cum Friburgensi prima scilicet statione feci, ita tamen quod Meridianus secundi circuli sit parallelus prioris circuli Meridiano. Deinde ex centro, quod iam Brisaciū significat, duco lineas positionum locorum præscriptorū, adiūciendo regulam centro & gradibus inuentis, ubi autem fit interseccio linearum cum priorib⁹ quæ ex Friburgo ducuntur, ibi singula loca signavi ac nomina eorum descripsi. Spacium porrò inter duas stationes Friburgum scilicet & Brisacum, diuisi etiam in duas partes inuicem æquales, & habeo duo milliaria Germanica, distantiam nempe viatoriam inter prædicta duo oppida, & sic per has diuisiones soleo dimetiri omnia loca in charta descripta. Sed hac & alia, exercitatio sedula, & usus omnium artium magister, tempore faciliora dabit, de qua re sume sequentem figuram quæ cuncta tibi ad oculum demonstrat.





Aperto circino cape quæsti loci distantiam, eamq; ad scalam hanc applica, mox numerus circini pedibus inclusus, miliaria indicabit. Quod si distantia inuenta maior scala ipsa sit, per partes rem expedire oportet.

CAP V T XXII.

De Distantijs inueniendis Arithmetica supputatione.

TEMPUS est, ut videamus quoque triplicem locorum differentiam. Quædam enim loca sola latitudine differunt, ut sunt loca, per quorum verticem idem imaginatur Meridianus, & sub diuersis parallelis iacent. Quædam verò sola longitudine, quemadmodum sunt loca sub diuersis Meridianis sita ac sub eodem parallelo. Quædam denique longitudine simul & latitudine, id est, iacent sub diuersis & Meridianis & parallelis. Si itaque latitudine tantum differunt, hoc est, si unus eorum sit altero aquilonior, & eorum mensuram terrestrem nosse desideras, subtrahere latitudinem unius à latitudine alterius, & videbis gradus, quos differentiam latitudinum nominamus. Hos multiplica per 15. milliaria Germanica, vel per 60. Italica, & apparebit eorundem locorum distantia. Sed Exemplo facilius forsitan accipies. En volo scire distantiam inter Lunneburgum & Saltzeburgum, longitudo Lunneburgi inuenta est mihi 35. graduum. Saltzeburgi quoque 35. graduum. Hæ duæ urbes in longitudine nihil differunt, sed æquantur; differunt tamen in latitudine, quia latitudo Lunneburgi est 54. graduum, Saltzeburgi verò 48. Demo igitur minorem à maiore latitudinem, & habeo 6. gradus differentie latitudinum, quos multiplico per 15. & habeo 90. milliaria Germanica, & per 60. & colligo 5400. Italica. Si verò gradibus differentie minuta aliquot adhauserint, diuide ea per 4. & quotientem adde priori numero milliarium, & habebis quæsitum. Cum enim unus gradus vel 60. minuta 15. milliaria constituent, sequitur 4. minuta efficere etiam unum milliare. Gratia Exempli. Roma & Rhacanatum conueniunt in longitudine. Est enim longitudo utriusque ciuitatis graduum 36. minu. 40. Differunt autem latitudine. Latitudo enim Roma est 41. grad. 40. minu. Rhacanati verò latitudo est 43. grad. 22. minu. Differentia latitudinis grad. 2. 18. minu. quæ constituunt milliaria Germanica 34. cum semisse, vel 138. Italica ferè.

Distantiam duorum locorum longitudine tantum differentium inuenire.

SIn autem longitudine differunt, & talium duorum locorum viatoriam distantiam scire volueris, considera primum eorum latitudinem, quæ si 18. graduum metam non exceßerit, pari lege, ut cum differentia latitudinum supra operatus es, & hic cum longitudi-

H

num.

num differentia, multiplicando eandem per 15. vel per 60. dignosces. Sed si horum locorum latitudo plus exceſſerit, quàm 18. gradus, minorem à maiori aufer longitudinem, & ingredi in tabulam conuerſionum graduum extra *Æquinoctialem* in gradus *Æquinoctialis* cum latitudine, & quot de minutis & ſecundis in linea minorum *Æquinoctialis* reperitur, multiplica cum differentia longitudinis, & productum per 60. partire, & exhibunt gradus *Æquinoctialis*, quos ſi per 15. aut per 60. multiplicaueris, habebis, quod quarebas. Sed exemplari calculo hæc clariora ſiant. En volo ſcire diſtantiã inter *Auguſtam*, *Vindelicorum* & *Tubingam*, longitudo *Auguſtæ* eſt 28. graduum, & longitudo *Tubingæ* 26. graduum. Differentia harũ longitudinum eſt 2. graduum. Latitudo verò harum ciuitatum eſt præciſè 48. graduum. Cum hac latitudine factus eſt ingreſſus ſupra in *Tabulam* conuerſionum, & oblata ſunt 40. minuta, 9. ſecunda: quibus ductis in 2. gradus productoque diuiſo per 60. (non curando de 9. ſecundis eis adiacentibus, uti nullius momenti exiſtentibus) productus eſt unus gradus, & 20. minuta. Duco itaque gradũ unum in 15. & produco milliaria *Germanica* communia 15. minuta quoque 20. diuido per 4. & exeunt milliaria 5. qua ſuperioribus accumulando, elicio milliaria 20. viatoriam ſcilicet elongationem inter *Auguſtam* & *Tubingam*.

Diſtantiã itinerariam duorum locorum, ſimul longitudine & latitudine differentium addiſcere.

Quando autẽ duæ vrbes aut duo loca fuerint ſub diuerſis Meridianis & parallelis, hoc eſt, differunt tam longitudine quàm latitudine, tunc operationem tuam ita inſtituas, ſcilicet aufer latitudinem à latitudine, & ſimiliter longitudinem vnã ab altera, & ſi non ultra 18. gradus ab *Æquatore* diſtiterint, reſoluto numeros in minimam denominationem: quo facto multiplica differentiam longitudinis in ſe, & ſimiliter latitudinis. Hæc duo producta adde, quibus additis iuxta penultimam primi *Euclidis* extrahe inde radicem quadratam, quam poſtmodum ducas in 15. & obtinebis quaſitum. Exempli gratia. Sint duo loca, quorum alterius longitudo eſt 48. grad. & latitudo 13. grad. Alterius verò latitudo 9. grad. & longitudo 37. facta ſubtractione iuxta regulam traditam prodiit differentia longitudinũ 11. grad. & latitudinum 4. grad. Quadratum differentis longitudinum eſt 121. grad. & quadratum latitudinum 16. grad. Hæc duo quadrata addita ſunt & productum, fuerunt 137. gradus, quorum radix quadrata, fuerunt 12. ferè gradus, quibus ductis in 15. prouenerunt 180. milliaria diſtantiã nimirum viatoria propoſitorum duorum locorum.

Si ve-

Si verò ultra dictos gradus 18. distiterint ab *Æquatore*, tunc iterum confugiendum est ad tabulam conuersionum graduum extra *Æquatorem* in gradus *Æquatoris*, hoc modo. Extrahe primum differentias latitudinum & longitudinum, quas seorsum serua, deinde de differentia latitudinum accipe medietatem, quam aut latitudini minori adde, vel (& idem est) à latitudine maiori subtrahc, & facta additione aut subtractione, quod prodierit, serua, quia latitudo media nuncupatur. Deinde cum hac latitudine media ingredi in tabulam conuersionum: & quot de minutis & secundis inueneris, multiplica in longitudinis differentiam, & emerget numerus graduum, minutorum & secundorum *Æquinoctialis*, correspondens gradibus differentie longitudinis extra *Æquinoctialem*, & vocetur differentia conuersa. Hoc peracto differentie longitudinum & latitudinum ducantur in seipsas, prouenietq; quadratus numerus. Hi deinde quadrati numeri coniungantur, & producti radix quadrata queratur. Radix inuenta, & per 15. multiplicata, milliaria Germanica in producto dabit, vel si sexagenario ductu rem prosecutus fueris, Italica extorquebis. Sed exemplari calculo res lucidior fiet, quàm multis verborum ambagibus. En volo scire distantiam inter *Neapolim* urbem *Italiae* clarissimam & *Coloniā Agrippinā*, ubi (ut fertur) trium Regum corpora in sancta requiescunt pace. Longitudo *Neapolis* (ut *Ptolomæus* asserit) est 40. graduum; Latitudo autem 41. Colonia verò *Agrippinae* longitudo est 28. grad. 40. minuto. & latitudo 51. grad. 30. minu. Subtraho igitur minorem à maiori longitudinem, & residuo 11. gradus & 20. minu. differentiam scilicet longitudinum. Similiter de mo latitudinem minorem à maiori, & habeo 10. gradus, 30. minuta differentiam latitudinum. Jam medietatem differentie latitudinis, scilicet 5. gradus, 15. minuta, *Neapolitanae* latitudini tanquàm minori addo, & colligo 46. gradus, 15. minuta: quæ latitudo media dicitur, cum qua iuxta iam traditam regulam intro in tabulam Conuersionum, & conuerto differentiam longitudinis in gradus & fractiones *Æquatoris*, & colligo 7. gradus, 30. minuta *Æquatoris*. Et ex quo in differentia longitudinum reducta, & etiam in differentia latitudinum habeo fractiones, scilicet semigradus, resoluo gradus integros ambarum differentiarum in consimilem denominationem, id est semigradus, & procreo ex differentia longitudinum conuersè 15. semigradus, & ex differentia latitudinum 21. multiplico igitur 15. in se, & produco 225. similiter 21. duco in se, & produco 441. iungo producta, & habeo 666. huius numeri radix quadrata est ferè 26. semigradus, qui ad integra redu-

Et, faciunt 13. gradus, quos tandem multiplico per 15. & produco 195. milliaria communia distantiam oppidorum in hoc exemplo propositorum. Et sic de reliquis.

SECVNTVR LONGITVDINES ET LATITVDINES QVARN-

*dam ciuitatum, quibus adolescentes uti poterunt,
ad exercendam doctrinam de locorum
distantijs inueniendis.*

¶ EVROPÆ LOCA. ¶

HISPANIÆ CIVITATES.

	Longitudo.	Latitudo.
	G: M:	G: M:
Compostella	6. 0	44. 20
Portogalla	5. 48	41. 35
Lisibona	5. 10	39. 38
Hispalis	6. 36	37. 0
Corduba	8. 0	37. 30
Salmantica	8. 32	40. 15
Barfalona	10. 0	41. 35
Pintia	10. 10	40. 0

GALLIÆ CIVITATES.

Burdigalia	18. 30	46. 0
Aurelia	22. 35	47. 15
Bizantium	28. 20	47. 36
Lugdunum	21. 25	45. 10
Parisijs	23. 20	47. 55
Marsilia	25. 15	43. 6
Monspessulanus	24. 56	42. 5
Tolosa	21. 15	43. 30

GERMANIÆ MAGNÆ CIVITATES.

Moguntia	30. 32	50. 8
Argentina	30. 4	48. 45
Basilea	29. 50	47. 40
Constantia	30. 30	47. 30
Spira	31. 4	49. 20
Vormatia	30. 43	49. 44

Vlma

Vlma	32. 0	47. 22
Ratispona	33. 30	49. 24

ITALIÆ CIVITATES.

Tridentum	30. 30	45. 18
Papia	28. 22	44. 50
Mantua	33. 0	44. 28
Venetia	34. 30	44. 50
Florentia	34. 30	43. 4
Mediolanum	32. 0	44. 30
Genua	33. 30	43. 50
Bononia	33. 5	43. 54

GRÆCIÆ CIVITATES.

Adrianopolis	52. 30	42. 45
Dirachium	45. 0	40. 55
Constantinopolis	55. 30	43. 0
Stridona.	43. 30	44. 30
Athenæ	52. 45	37. 15
Ambracia	48. 0	28. 20
Thebæ	51. 10	38. 30
Megara.	52. 0	37. 30

AFRICÆ CIVITATES.

Hippon	30. 30	32. 15
Thunetum	33. 0	32. 30
Cartago	34. 40	32. 40
Alexandria	60. 30	31. 0
Vtica	32. 0	32. 45
Meroe insula	61. 30	16. 25
Tanis	62. 45	30. 50
Syene.	62. 0	25. 50

ASIÆ CIVITATES.

Nicomedia	57. 30	42. 30
Ephesus	67. 40	37. 40
Smyrna	58. 25	38. 25
Antiochia	70. 15	37. 20
Damascus	69. 0	33. 0
Hierosolyma	66. 0	31. 40
Sidon	67. 0	33. 30
Tyrus	67. 0	32. 20

CAPVT XXIII.

De distantia duorum locorum inuenienda

ratione Geometrica, per globum Geographicum.

SI distantiam duorum locorum quocunque modo differentium, Geometricè dimetiri desideras. Accipe globum Geographicum, & unius loci latitudinem ab *Æquinoctiali* circulo, polum versus, in Meridiano mobili numera: qua numerata, circumuolue globum, donec iste gradus *Æquinoctialis* (qui longitudinis gradum in presentiarum tenet) directè sit sub Meridiano isto mobili. Quo factò, in globo circa latitudinis gradum, fac signaturam, quæ situm dicti oppidi manifestum reddit. Hoc modo & pari lege alterius oppidi situm, & aliorum omnium inuenies. Deinde excipe circino intercapedinem dictorum locorum, transferq; illam (inuariato tamen circino) super circulum *Æquinoctialem*, & videbis quot gradibus *Æquinoctialis* oblata loca à se inuicem distant. Resolutis autem gradibus in milliaria Italica vel Germanica, habebis distantiam milliariorum. Sed Exemplo res lucidior fiet, ut rectius me intelligas. En volo scire distantiam inter Basileam & Hierosolymam, & Basileæ quidem longitudinem inuenio graduum 28. minu. 0. Latitudinem verò grad. 47. minu. 10. Hierosolymæ verò Longitudinem 66. grad. minu. 0. Latitudinem autem graduum 31. minutorum 40. Excipio itaque circino distantiam earum, applicoq; circinum sic expansum circulo *Æquinoctiali*, & inuenio 32. gradus & 52. minuta. Hos itaque gradus multiplico per 15. & emergunt milliaria Germanica, quæ sunt à Basilea ad Hierosolymam circiter quingenta. Vel per 60. & 2500. milliaria Italica eliciuntur.

CAPVT XXIII.

De modo, quo recta linea sit in quotlibet

æquales partes diuidenda.

PLACVIT ultimo loco huic priori parti adijcere modum, cuius ductu illicò lineam rectam in quocunque volueris partes æquales diuidere absque fastidio possis, præsertim cum haud parùm Geometricis Geographicisq; conducat disciplinis. Nam frequentiusculè in huiusmodi demonstrationibus expetitur talis sectio & diuisio. Si igitur lineam rectam quamcunque in cer-

in certas aliquot partes aquas diuidere cupis, fac duas lineas equedistantes cuiuscunque volueris longitudinis, uno, duobus vel tribus ab inuicem distantes granis, digitis vel palmis, & ob signa primam literis A. B. & alteram literis C. D. Quo facto, trahere lineam rectam & ad angulos rectos concurrentem ab A. ad C. quæ duas iam factas lineas coniungat, & sit A. C. Eodem modo trahes lineam à B. ad D. quæ ad angulos quoque rectos contingat lineas A. B. & C. D. hoc est, æquedistans sit linea A. C. constituentq; quatuor hæ lineæ quadratum rectangulum, æquilaterum vel non æquilaterum, non refert, modo opposita latera sint equalia. Postea diuide lineam A. B. in 20. aut 30. aut 40. aquas portiones, iuxta quod illa longa aut brevis fuerit. Similiter ages cum linea C. D. Tandem contrahes singula puncta correlativa per lineas æquedistantes, & habebis instrumentum diuisionis linearum. Adscribendi tamen sunt numeri transuersis & æquedistantibus lineis, incipiendo à linea, quæ mox sequitur lineam B. D. Sed placet addere Exemplum, ut res faciliatur. Offertur tibi linea E. F. quam diuidere cupis in 11. æquales partes, nec vacat aut libet circinum toties expandere & comprimere, donec iustam undecimam portionem deprahendas? age igitur sic. Accipe cum circino longitudinem oblata lineæ, & circino inuariato pone unum eius pedem in punctum B. alium verò sic extensum pone super 11. lineam, & ubicunque pes ille vagus tetigerit eam lineam, ibi facias punctum G. Deinde trahere ex puncto B. ad punctum iam in 11. linea factum G. videlicet, lineam occultam vel apertam, & videbis eam diuisam per transuersas lineas in 11. aquas partes. Quod si alia quoque linea videlicet H. I. in 17. partes diuidenda tibi oblata fuerit, accipe circino illius longitudinem, deinde pone circini pedem unum in punctum D. alterum verò extende in lineam decimam septimam, & fac signum K. & inuenies eam in 17. partes inuicem æquales diuisam. Nec secus ages cum alijs. Quod si lineas aliquas habueris minores, quàm ut eas diuidere possis in hac figura, oportebit te pro 10. lineis transuersis seu parallelis fingere viginti transuersas, & pro viginti lineis signatis accipere 40. in minoribus scilicet lineis partiendis; pro maioribus autem seu longioribus necesse est, ut maius pares diuisorium instrumentum. Hoc autem totum intelligendum est de diuisione numerorum, qui nullam habent suæ integritatis mensuram, hoc est, qui non habent medietatem, nec tertiam partem metientem, nec quartam, quintam, sextam, aut septimam, quales sunt 11. 13. 17. 19. 23. 29. &c. quia res est tediousa & val-

dè mo-


dè molesta, toties comprimere & expandere circinum quousque ad optatam peruenias expansionem, cuius mensura præcisè metiatur oblata lineæ longitudinem. Quando autem diuisionis numerus in aliquotas potest secerni partes, ut si linea aliqua in sexaginta æquales partes fuerit distribuenda, ut diuides eam officio circini primo in tres æquales partes, quarum rursus quamlibet in viginti discrimina-
bis. Sic triginta primò taxantur in tres decimas, & item 27. habent pro primis aliquotis partibus tres nonas, nona autem una habet tres tertias, & una tertia tres unitates, in huiusmodi inquam diuisione non est magna difficultas, quando quis mediocriter exercitatus absq; tali instrumento, mediante tamen circino, oblata lineas facillimè diuidere potest. Atque hæc de lineis æqualiter diuidendis in quocunque partes volueris, adiecto schemate optimè descripto, dixisse sufficiat, ut sit quoque desideratus finis huius prioris partis. Deo optimo maximoq; sit gloria sempiterna.

AMEN.



INSTRV.

INSTRUMENTVM DIVISORIUM
linearum.




AD PIVM ET CANDIDVM
LECTOREM.

DIE & candide Lector, ne mihi infidelitatis vitium obijciatur ut quibusdam, qui in huiusmodi artibus, quas demonstratione addiscere oportet, malunt apud harum imperitos in admiratione haberi: quàm artem vel usum eius alijs candidè impartiri, opera precium me facturum existimaui, quomodo tabula Geographica in prospectum nostrum sint applicanda, coronidis tandem vice, demonstrare. Nam quemadmodum orbes cælestes nec manibus tractare, nec oculis videre possumus, sed tantum sedula imaginatione apprehendere solemus, sic in Geographia eas terrestris machinæ partes, partiumq; regiones, prouincias, maria, montes, flumina, urbes ac multa alia, quæ nostros (propter nimiam distantiam)

riam sensus fugiunt, tantum imaginando deprehendere oportet. Et sicut in cœlestibus plurimum refert, quomodo quis instrumenta ad prospectum suum ordinet; applicetq; sic in Geographia primum Mappa, ut vocant, diligenter ad quatuor plagas mundi ordinanda sunt, ita, ut Ortus Ortum, Occasus Occasum exprimat ac demonstret. Quamvis igitur Geographia Studiosi, contemplaturi Mappas, faciem ad Septentrionem vertere à nonnullis precipiantur, tamen cum incipientibus levia quaque facile obstaculo esse soleant, non inconsultum videtur, ut vertant faciem ad austrum, Mappasq; inuertant, & imaginentur se ex Europa Mediterraneum mare, & ultra id Africam videre, quæ incipit à dextra, & progreditur in sinistram. Id quod etiam plus semel ab Erasmo Osvaldo Schreckenfuchsio præceptore meo in Mathematicis, dum Friburgi Brisacorum operam Philosophia nauarem, audiui. DEVS Opt. Max. ei retributor omnium bonorum retribuat ei, ac omnibus, qui bonarum literarum studia prouehunt, eternam in regno suo quietem. Quam nobis etiam donare dignetur idem ipse DEVS, qui est benedictus & super exaltatus in secula, Amen.

Finis primæ Partis huius opusculi.





ORBIS



COGIMVR È TABVLA PICT

DESCRIPTIO



RPJCB



SECUNDA PARS HV- IVS OPVSCVLI DE PARTICV- LARI ORBIS DESCRIPTIONE.

CAPVT PRIMVM.

De Europa eiusq̃ue partibus maioribus.




*Q*UAMVIS Europa unde nomen acceperit, aut quis eius author fuerit, à nemine mortaliū sciri potuit, ut author est Herodotus libro quarto, tamen ut multi asserunt ab Agenoris regis Phenicum filia, quam Iuppiter forma bouis aut vituli ex Africa raptam abduxit in Cretam, appellata est. Habet terminos ab oriente Tanaim, et Mæotida, ac Hellespontum, à meridie verò mare mediterraneum, quod etiam nostrum dicitur, ab occidente Atlanticum mare & Gaditanum fretum, à Septentrione Britannicum oceanum, ac Germanicum. Est terra eximie fertilis, habens naturalem temperiem, cælumq̃ satis clemens, frugum, vini & arborum copia nullis posthabenda, sed optimis terris comparanda. Est adeò amena, pulcherrimisq̃ urbibus, castris, vicis et pagis exornata, virtute deniq̃ populorum tam prestans, ut longè superet Asiam aut Africam, quantumlibet illa terra sint maiores. Est tota habitabilis, praterquàm in exigua parte, propter frigoris vim inhabitabilis, quæ finitima Tanaidis & Mæotidis incolis Borysthenensibusq̃, in curribus more vagorum Arabum degentibus. Habitabilis autem regionis id, quod est algidum & montanum natura, laboriosè habitatur. Sed quod in plano est & naturalem habet temperiem, multum iuuat ea loca, quæ asperiora sunt, quandoquidem id, quod est in felici regione, pacificum omne est, & quod in tristi, pugnax, accipiuntq̃ hæ gentes aliqua inter se beneficia, dum aliæ opem armis ferunt, aliæ fructibus & artibus morumq̃ doctrina.

doctrina. Habet enim Europa multitudinem pugnacem, habet & quæ agros colat, quæq; urbes contineat. Affert fructus optimos vitæ necessarios, & metalla quæcunque vsui necessaria sunt. Odores verò ad sacrificia, nec non multi sumptus lapillos extrinsecus petit. Similiter pecudum mitium exhibet copiam, at bestiarum ferarumq; habet raritatem. Regiones in ea iuxta Ptolomaum sunt 34. quarum prima est Hybernia, insula Britannica, Albion similiter insula Britannica, Hispania Bethyca, Hispania Lusitania, Hispania Tarraconensis, Gallia Aquitania, Gallia Lugdunensis, Gallia Belgica, Gallia Narbonensis, Germania magna, Rhetia, Vindelicia, Noricum, Pannonia superior, Pannonia inferior, Illyris & Dalmatia, Italia, Cynus, Sardinia, Sicilia, Sarmatia in Europa, Thaurica Chersonesus, Iazyges Metanasta, Dacia, Mysia superior, Mysia inferior, Thracia, Chersonesus, Macedonia, Epyrus, Achaia, Peloponnesus, & Creta insula. De quibus paucula quedam Laconica breuitate, quæ studiosis non inutilia fore existimamus, partim ex Ptolomæo, partim ex recentioribus cum Geographis tum Hydrographis secundum ordinem dicemus, & primum de Regionibus, quæ libris secundo ac tertio apud Ptolomaum continentur.

CAPVT SECVNDVM.

De Insulis Britannicis.



HYBERNIA Insula non procul ab Anglia, vulgo Hirlandia nuncupata, dimidior minor (ut existimatur) quam Britannia, sed pari spatio transmissus, atque ex Gallia in Britanniam. Habet nomen ab Hybero Hispano, qui congregauit magnam hominum multitudinem, eoq; commigravit, vel ab hyberno tempore (ut quidam putant) propter hyemis magnitudinem. Hæc itaque à Septentrione Hyperboreo alluitur Oceano, ab occasu occidentali, à meridie vergiuo, & ab ortu Hybernico. Forma eius oblonga est ouo non dissimilis, atq; in Regiones quatuor diuisa. Pars enim quæ ad orientem est Angliæ proxima, Laginia dicitur, quæ Gallicum prospicit littus Momonia, occidentalem partem Connaciam Septentrionalem, Hultoniam vocant. Laginiam à Momonia separat Suerus flumen, ab Hultonia Boandus, Momoniam à Connacia discriminat Sineus. Maximam insulæ partem tenet Anglus, reliqua à Regulis

gulis gubernatur. Episcopatus habet 50. quorum primas est Armacanus. In hac quoque ferunt esse purgatorium Diui Patricij, atque miram cœli temperiem, nihil venenatum gignit, nec aliunde importatum nutrit. Gens moribus incultior, bello, latrocinij, et musica gaudet. Porro Hybernia superiacent quinque insulae Ebudæ dictæ, quarum incolæ (ut scribit Solinus) lacte solum et piscibus vitam agunt.

Anglia, quæ Britannia ab eruditis dicitur, insula insignis in Oceano, quæ undique à circumfuso mari complexa est nusquam iuncta continenti, sed ab omni orbe nostro diuisa, quæ quondam ab albis rupibus, quas mare undique abluit, Albion dicebatur. Hanc primum Troës incoluerunt, qui Troia disiecta fugerunt, excisam patriam, Palladisque oraculo classe in hanc insulam migrauerunt, atque gigantes tunc insulam tenentes multis victos præliis expugnaverunt. Hanc postmodum longo temporum tractu, Saxones illustriores Alemannia populi oppressere, agrosque et opes inter legatos Saxonum Regina Angela diuisit. Atque ut lingua pariter et gentis memoria in deuicta insula sempiterna foret, ab Angela, cuius ductu victa est, Angliam tellurem illam vocauit. Quanquam plerique Angliam veluti nostri orbis angulum prædicent dictam. Situs ipsius est, ut contra aspectum Gallia et Hispania sita sit. Eius ambitus quadragesies octies, et septuaginta quinque millibus passuum constat. Diuiditur hæc Insula in duo Regna; pars enim australior, quæ et fertilior est, et urbibus frequentior, et moribus ciuilior, Anglia dicitur: quæ autem Septentrionalior, montibus aspera, et ob intentissimum frigus infertilior, Scotia nuncupatur. Dirimitur Anglia à Scotia, ad orientem Tueda, ad occidentem Solueo fluminibus, Mediterranea, mons Chenuota discriminat. Habet Anglia Episcopatus 22. quorum decem et octo Cantuariensi Primati parent, duo autem Eboracensi Archipræsuli. Gymnasia item celebria duo, Oxonium et Cantabrigiam: Conuentus, quos et comitatus vocant 39. In Scotia autem Episcopatus sunt 13. quorum nouem S. Andrea Archiepiscopo Primati, duo Archiepiscopo Glacuenensi subsunt. Comitatus habet 22. Abundat Anglia, stagno, plumbo, ferro, lana optima, pecore, et frumento. Scoti piscibus, pecore et lana. Lupos non habet Anglia. Scotia permultos. Diuidunt Angliam in tres veluti Regionem, tria ingentia flumina, Tamesis, Sabrina, Humbrus. Scotiam item tria. Claudia, Forthea, Taus. Regia Angliæ est Londinum. Scotia Edinburgus. Legibus utuntur Angli municipalibus tantum, ciuilibus Scoti. Eadem utrique genti in bello ferocia, sagittis Angli, hasta longa Scoti in acie præualent. Rara inter eos pax,
dum

dum illi propagare, isti retinere imperium student. Obiacent Scotia ad occidentem in Hibernico mari, insula 43. Ebonia, siue Hebrides dicta. Harum prima, & Episcopali sede, & antiquissima Druidum memoria, Mona erat, nostro autem seculo Anglo paret. Ad Septentrionem sunt Orchades insula 30. hordeo, piscibus, cuniculis, abundantissima, inter has primas tenet Pomonia, & magnitudine ceteras vincens, & Episcopali sede, & regio castro ornata. Vltima omnium in ditione Scoti est Thyle: polum habens eleuatum gradibus 63. in qua cum Sol Cancrū occupat, tenebrae aut nulla, aut per breues. Hæc hodie Cambria dicitur, à qua unius diei navigatione, ut ait Plinius, mare Cronium, in quo Islandia est, ad quam etiam nunc mercatores Angli pisces emendi causa in singulos annos æstate commeant.

CAPVT TERTIVM.

De Hispania.



HISPANIA maxima Europa regio et prima pars continentis, à montibus Pyrenæis incipit, & per columnas Herculis circuiens, usq; in Borealem Oceanum protenditur, ita ut omnia in eo circuitu ad Hispaniam spectent. Decem millibus stadijs (ut Apianus scribit) eius latitudo commensuratur. Longitudo prorsus eadem esse videtur. Terra frumenti, vini, olei, auri, gemmarum, metallorumq; ferax. Ex qua etiam bellicosissimi viri, ac Oceani navigationibus ad incompertas regiones toto orbe sunt clarissimi. Refert Varro in Hispanijs equas ex vento concipere, quod cursu tam veloces existant, ut meritò ex ventis concepti equi ferantur. Plinius lib. 3. Italia confert, quod pulchritudine regionis, ingeniorum, fecunditate, fructuū magnitudine facile ceteras regiones antecellat, tum quia in vicino Fortunata insula adsunt, tum etiam quia quarto Clima subest, quod optimam ad omnia temperiem præstat. Est in Hispania principum virorum, ducum, marchionum, comitum, et baronum ingens numerus. Cardinalatus habet octo, Archiepiscopatus nouem et Episcopatus 46. Sunt præterea in ea ordinis equitū magni magistri, ut Sancti Iacobi Alcantara, Calatraua, S. Ioannis, Montense, equitum quos vocant de CHRISTVS, & alij cognomento Davis. Hispania olim in tres fuit distincta partes, Bæticam scilicet, Lusitaniā & Tarraconensem. Et secundū Berosum primus Rex eius fuit Tubal, Nohe nepos, qui videns terrā aptam pro pecoribus nutriendis, studuit in ea propa-

propagare rem pecuariam. Vnde & terram hinc vocatam putant, Tarraconam, quasi תרראן חין id est, bonum possessio. Hinc successit Iberus, à quo fluius Iberus denominatus est, & regio, quam perlabitur Celtiberia. Sextum regem asserunt fuisse Bætum, à quo Bætica regio nomen accepit. Decimus rex fuit Hispanus, aut secundum alios Hispalus, qui toti regioni Hispania nomen reliquit. Duodecimus fuit Hesperus, à quo etiam Hispania Hesperia appellata est. Decimus septimus fuit Lusius, à quo Lusitania, quæ hodiè est Portugallia, denominata est. Et cum Romani rebus in Hispania potirentur, diuisa est regio in duas prouincias, Bæticam scilicet & Tarraconensem, durauitq; hæc diuisio vsque ad tempora Athila, qui aliam in regione illa fecit prouinciarum diuisionem. Posteris verò temporibus diuisa fuit in quinque regna, Galliciam, Nauarram, Castiliam seu Legionum regnum, Cathaloniam, quæ & Arrogonia est, Portugalliam & Granatam. Gallicia regnum amisso legitimo herede Tarraconensi incorporatum est, & ideo in numerum non venit. Adiacent Hispania insula in extremo quidem Oceano Gades, Herculi sacra, & Londobris. In Cantabrico verò Oceano, quæ nominantur Trileuci scopuli tres. In occidentali autem Oceano insula decem Cassiterites à plumbi stagniq; copia, quod κασσιτερος dicitur, dicta. Præterea Deorum insula dua. In Iberico etiam pelago alia dua Ebyssus & Ophiusa. In Balearico quoque pelago similiter dua, Olim Gymnesia dicta, quod Bæoti ex naufragio eò nudi euaserint. Postea verò à telis fundeq; iactu (quod Græcè βάκρυ dicimus) Baleares sunt appellatæ, vel à Baleo Herculis committe ibi relicto. Hæc vulgus Maioricam & Minoricam appellat.

CAPVT QVARTVM.

De Gallia.

GALLIA post Pyrenæos montes sequitur, inter Hispaniam Germaniamq; & duo maria, Oceanum et mare nostrum sita. Hæc à Galate rege, filio Herculis, qui cōdita vrbe Alexia, quæ posteris temporibus Iulius Cæsar fregit, in Burgundia sedem collocauit, regio ipsa Galatia nūcupata fuit. Romani autem dementes vnā syllabam pro Galatia Galliam appellauerunt. Alij verò putant Galliam deriuari à lacteo & candido colore populi: γὰρ enim lac latine dicitur, quod Galli candidiores essent Hispanis. Nam montes & rigor cæli ab ea parte Solis ardorem excludunt, ut
eorum

eorum corpora non colorentur. Francia etiam à Francis Germania populis, à quibus olim ferè tota subacta est, vocatur. Est autem triplex Gallia, Tonsa scilicet siue Togata, quæ etiam (ut Plinius ait libro tertio) Cisalpina dicitur, Italia finibus inclusa. Comata cognominatur omnis Transalpina Gallia, quam in tres provincias à tribus populorum generibus Historici diuiserunt, Belgicam videlicet, Celticam, & Aquitanicam, quæ etiam Aremonica olim vocabatur: terminos illarum ita statuentes, ut à Scalde ad Sequanam Belgica sit dicta, mox Celtica ab eo ad Garumnam, inde ad Pyrenæi excursus Aquitanica. Augustus autem Cæsar Celticam in Galliam Lugdunensem & Narbonensem, quæ etiam Braccata à genere vestium dicta est, diuisit, quam diuisionem omnes posteriores sequuti sunt Geographi, & præcipuè Ptolemæus. Quamuis Amianus in multiusque provincias eam diuisit, utpote, qui primam & secundam Lugdunensem, & primam & secundam Aquitanicam faciat. Habet Gallia Cardinalatus octo, Archiepiscopatus duodecim, & Episcopatus 96. Est Gallis multa religio in templis, in religione sanctitas sacrorumque, Antistitum maiestas, in Clero dignitas & veneratio multa, frequens in cereмония cantus, & ob eam rem Musicæ studium his propemodum peculiare. Liberales quoque artes illis curæ esse, & imprimis diuinarum literarum studia, testis est Parisiensis Academia, post ipsam Tolosana iuris peritorum mater, & aliæ plurimæ; sed omnium, quæ in orbe sunt clarissima Parisiensis. Ad quam vniuersi ex Europa ferè Christiani ad Theologiam, Philosophiam, ac liberales ceteras disciplinas ediscendas concurrunt. Sed si mores hominum nosse quoque cupis, ignea mens illis, mobile pectus, rerum sitibundi nouarum, lati, alacres, & in conuiuia prони. Causidicorum nomen apud Iuuenalem obtinuere Galli, hodieque tenent, ut qui forensia litigia pro re interim minima concitent. Quod Germani & Hispani nunquam nisi coacti faciunt. Vnde affirmare ausim, plures esse aduocatos, procuratores, et tabelliones in vna Gallia, quam in decem Germaniis ac Hispaniis. Senatorum ordines, Parlamenta, vocant, in aliquot urbibus pulchrè sunt instituti, ut Parisiis, Rothomagi, Tolosa, Burdegalia, & Gracinopoli. Quatuor cuique præsides, & consiliarij plurimi. Hi quasi Druidum concilij successores de rebus magnis & appellatione remota sententiam ferunt. Arresta vocant, quæ deinceps pro lege seruantur. Cæterum Baptista Mantuanus lib. 2. in Dionysio suo, de Gallia, est (inquit.)

Terra hominum, frugumque ferax, armenta, gregesque;
Vberibus pascens glebis, non languida ceclo

Tabifico,

Tabifico, non mortiferis infesta venenis,
Vt Libyæ, non perpetuis adoperta pruinis,
Sicut Hyperborei montes, non torrida ab æstu,
Qui faciat steriles, vt decolor India, campos.
Non etiam noctis pallens semestribus umbris,
Quale sub Arcturo positum mare, & vltima Thyle.
Sed me vt Ægyptus, qua fusa palustribus vndis,
Sed cœlo & tenerræ fecunda vligine terræ.

Porrò Narbonensi Gallia adiacent insula in mari Gallico, Agatha, Blascon, & Stychades numero quinq, & Lerona sub Varo fluuio.

CAPVT QVINTVM.

De Germania.

GERMANIA, cognomento magna, terra virorum diues
& populis (Solino teste) numerosis frequens, à Gallis olim
Rheni flumine diuisa fuit, à Rhetis & Pannonibus Da-
nubio, à Sarmatis Dacijsq, metu mutuo ac montibus se-
parata, cetera ambiebat Oceanus, latos sinus & insularum immensa
spatia complectens. Rhenus Reticarum Alpium inaccessio, & precipi-
ti vortice ortus, modico flexu in occidentem versus, Septentrionali O-
ceano miscetur. Danubius molli & clementer edito montis Arbonæ u-
go effusus, plures populos adit, donec in Ponticum mare sex meatibus e-
rumpit, septimū os paludibus hauritur. Germania hodiè extra hos e-
numeratos fines, Rhetiam, Vindeliciam, Noricū & superiorē Panno-
niam, Alpes, partemq, Illyridis, & vsque ad Tridentina claustra obti-
net. Belgarum quoque ferè tota natio Gallici quondam iuris, omnisq,
Rhenus in Germania nomen, linguamq, concessit, vt iam se Gallos dici
nesciant; si audiant, indignentur. Heluetij quoque in Germania no-
men & linguam, labente tempore, transièrunt. Itaque magnam Gallia
Transalpina partē ipsa Germania sibi vendicauit. Pruthenos in super,
ferocissimam gentem, & idolis deditam intra tricentesimum annum,
ex infidelium manibus milites Teutonici vi & armis rapuerunt, vbi
& lingua Teutonica introducta est, & CHRISTI cultus genti im-
peratus. Vnde habita ad primauos illius terminos cōsideratione, vide-
bitur certè illa sibi ferè plus soli extra v'surpasse, quàm intus prius con-
tinebat. Nam Germani omnes regiones & populos, qui lingua vtun-
tur Teutonica, sibi asserunt, quantumuis varia sit huius linguae dia-
lectus. Caterum Germania nomen non tam vetustum est, vt Teuto-
nia. Nam scribit Berosus, Ianum, qui & Noë, Tuisconem filium suum

in Europā misisse, et illi tradidisse regnū à Tanai ad Rhenum usq̃, à quo Germani diu ab Italis et Gallis Tuisce vocati sunt, quod nomē adhuc in omniū Germanorū ore versatur videlicet die Teutschen. Vocati sunt et Teutones, à Teutone nono Rege; et Alemanni, à Manno Tuisconis filio. Germani verò longo post tempore ab exteris nationibus præsertim Gallis et Italis dicti sunt. Cuius nominis rationē esse putant, quòd belli tempore fraterno animo cōmunia cū illis tulerint pericula & successus. Est tamen et alia nominis Etymologia. Nā German, significat propriē & Germanicē, qui auct viro congregi, quasi gert des Manns / unde Germania vocabulū exortum esse putat Ioannes Auentinus vir sanē non solum singulari eruditione præditus, sed etiam rerū antiquarū sagacissimus indagator. Diuiditur autē velut ab initio tota Germania in Superiorem & Inferiorem mediante fluuio Mogono. Inferior habet hac nostra etate Lotharingiam, Brabantiam, Flandriam, Gelrbiam, Selandiam, Holandiam, Phrysiā, Westphaliā, Hassiam, Saxoniam, Daniam, Pomeraniam, Liuoniam, Prussiam, Silesiam, Morauiam, Bohemiam, Mysniam, Marchiam-Brandenburgensem & Thuringiam. Superior verò habet Franconiam, Austriam, Styriam, Bauariā, Athesim, Sueuiam, Rhetiam, Heluetiam, Alsatiam, et omnes provincias ad Rhenum sitas, usq̃, quo Mogonus in Rhenum influit. Inferior eo tempore, quo Roma floruit, cultior fuit superiori. Nam scribit Cornelius Tacitus, Germaniam olim fuisse horridam syluis & paludibus infacundam, frugiferarumq̃ arborum & omnis cultura impatientem, id quod non de tota Germania, sed de ea, quam Rhenus & Danubius includunt, dixisse accipiendum est. Obducebatur enim tunc ferē tota Sueuia, inferior Bauaria & Franconia, Hercynia sylua. Nunc verò tota colitur, adeò ut Hercynia sylua nullæ reliquie supersint, præterquā in locis montosis, ut est in Nigra sylua, in Ottonica, Speshartica et Bohemica sylua. Sed nec loca illa, quantumlibet horrendā præ se ferant faciem, carent habitatoribus, ciuitatibus, arcibus, monasterijs & villis, præsertim cū ex conuallibus insignes undiq̃ amnes procurrant, & cuncti in Rhenum & Danubium ruant, & mirum in modū per eos populus unus alteri ferat opem, adducatq̃ ea, quæ apud se abundant & alibi desiderantur qualia sunt ligna adificijs apta, metalla, picearum arborum liquor, casei & butyrum, quæ ex montosis locis in magna copia in terram planam euehuntur, & pro eis frumentum & vinum reportantur. Quā celebres vrbes intra quadringentos annos in Superiori & antiqua Germania exortæ sint, nemo est, qui id ignorat, nisi qui nō vidit Nurinbergam, Vlmam, Herbipolim, Bambergam, Vratislauam,

tislauiam, Ambergam, Norlingam, Heltprunnam, Heidelbergam, Stuckgardiam, Thubingam, Friburgum, & alia penè infinita oppida, quæ intra Rhenum et Danubiũ post translatum in Germanos imperium sunt extructa. Dici nequit, quantũ ista superior Germania in oppidis, castellis, & vicis, arcibus, monasterijs & pagis creuerit post memoratũ tempus, ut vix satis loci fuerit tot Ducibus, Lantgrauijs, Marggrauijs, seu Marchionibus, Burggrauijs, Palatinis comitibus, Comitibus Liberis, Baronibus, Nobilibus, Episcopis, Abbatibus et Præpositis, in quos tota Germania, exceptis imperialibus ciuitatibus, quæ Imperatorem dominum agnoscunt, est distributa & exornata. Multa sunt profectò, quæ de Germania clarissima natione hic occurrerent scribenda, sed temporis angustia cogit nos abbreviare sermonem, ideo quantũ ad terræ naturam et fertilitatem attinet, nec Italia, nec Gallia, neq; deniq; Hispania cedere videtur. Habet enim cælum satis clemens, campi fertilitatem optandam, frumentorũ abundantiam, vitiferos montes, colles apricos, opaca nemora, amnes piscosos, quibus facile cũ fertilissimis prouincijs certare possit. Sunt fontes aquæ dulcis, sunt therma calidae, sunt aqua, quæ vini saporem referunt, sunt minera salis plurima. Metallorum autem copia, nullis vnquam cessura est regnis. Quin etiam urbanitas, & ciuilitas morum, rei militaris peritia, apparatusq; bellorum, et nobilitas nullibi, reor, maiori in precio sunt, atq; apud Germanos. Sunt etiam Germanis, quod nemo negare queat, ingenia nouis inueniendis disciplinis prompta, & felicia. Nam machina illa bellica, quam bombardam vocant, nonne Germanorum inuentum est? Inuentum Germanorum est Calcographia, quo nihil vnquam utilius vidit humanus oculus. Quòd hodie tam florent litera Latina, Græca et Hebraica, cui acceptum referemus? nonne Germanis? præterea in Architectura, itemq; in pictura, nullis vnquam gentibus inferiores inuenti sunt Germani. Porro vestitus Germanorum indies mutatur, sanguinarijs militibus semper aliquid noui ex bellis afferentibus, unde illis etiam increbuit & incruduit, potandi, iurandi, lacerandi vestes, ociandi & ludendi pessima consuetudo.

Quam si bellipotens Germania tolleret, hercle,

Clarius hac nusquam natio gente foret.

Insula Germanica adiacent iuxta Albis fluuij ostia tres, Saxonum appellata. Supra autem Cimbricam Chersonesum alia tres Alocia dicta. Ab orientali parte Chersonesi quatuor Scandia nuncupata, tres quidem parua, una verò magna, de qua postea Capite 19. latius dicetur.

De Rhetia, Vindelicia, Norico, Pan- nonijs duabus, Illyri, & Dalmatia.

RHETIA (vt ait Volaterranus auctoritate Trogi) à Rhe-
to duce Hetruscorū dicta, qui expulsus à Gallis ab Italia,
eam occupauit, ab occasu Heluetijs seiunctis ab ea monte
Adula, qui ab Alpibus in Boreā extenditur, deinde linea,
quæ coniungit fontes duorum amnium Danubiū videlicet & Rheni, ab
ortu Lyco fluuio, qui in Danubiū exit, à Septentrione Danubio, à Me-
ridie Alpibus terminatur supra Galliam Cisalpinā. Hæc nunc cū parte
aliqua Vindelicia Sueuia dicitur, quæ etiam ultra Danubiū protendi-
tur, terra partim plana, partim mōtosa. Ager fertilis, cuius nulla pars
inculta iacet, præterquā aut lacus, aut montes vel syluæ occupant. Ne-
mora in ea multa, & ob id genti venatio frequens, aucupiū peculiare,
frumentorū abundantia, pecorum magna vis. Conualles plurimæ pe-
rennibus riuis clarissimæ, undiq; amnes procurrunt, qui se vniuersi in
Rhenū et Danubium exonerant. Tota insuper prouincia salubritate
gaudens, celebratissimis urbibus, vicis & castellis referta. Arces excel-
sæ, natura et arte munitæ, et quod ad Christianam religionē pertinet,
pulcherrimis atq; ditissimis templis, collegijs, monasterijs variorū Or-
dinū sexus utriusq; basilicis, parochialibusq; ecclesiis est exornata. Cir-
ca montes ferrū, argentum, & metalla procreat. Gens populosa, fortis,
audax, & bellicosa, procera corpore, flauo crine, venusta facie, & deco-
ra, ingenio singulari prædita, præstantissima Germanorū à Plutarcho
dicta. Cuius gloria eo vsque creuisse memoratur, vt virtute & armis
Imperiū orbis meruerit, illudq; ultra vnius sæculi spacium magnificen-
tissimè tenuit. Sed viduata postea suis principibus, nescio qua fortuna
iniquitate dicā aut ignauia, mox substitit, quasi non extet, qua famam
suam extendere, aut quod minus est, tueri possit. Post Rhetiam versus
orientem, sequitur Vindelicia, sicuti à Ptolomæo libro 2. scribitur, cu-
ius nomen ab Vndeinlec, seu Vmdenlec, Germanico vocabulo, quod in-
fra Lycum declarat, commutatis, additisq; litteris (sicut consuetudo
scriptorum est) detortū esse existimat Ioannes Auentinus. Est autem
inter Rhetiam, quam habet ab occasu, & Noricum ab oriente. Eam
Lycus amnis disternit à Rhetia. Enos fluuius diuidit à Norico.
A Septentrione Danubio terminatur, à Meridie Alpibus supra Ita-
liam extensis. Hæc Rhetia secunda, à quibusdam vocatur, et propemo-
dum

dum tota ditioni Illustrissimi vereq³ pientissimi Principis Wilhelmi, Comitis Palatini Rheni, ac utriusq³ Bauaria Ducis hodiè subdita est, frequens cultissimis oppidis, & vicis, sed recentibus, præterea fertilis agri, nisi quòd vini nusquam (quod sciam) est ferax. Pars, quæ Alpibus attollitur, argenti salisq³ fodinis nobilis. Qui habitant Boiorum genus & Marcomannorum existimatur, qui è proxima Germania quondam, collapsis imperij Romani viribus, hanc prouinciam migratione facta, sint ingressi. Eius ciuitas insignis est Augusta Vindelicorum ad Lycum amnem. Vindelicos vicit quondam Drusus, in cuius laudem cecinit Horatius libro 4. Ode. 4.

Videre Rheti bella sub Alpibus

Drusum gerentem, & Vindelici.

Noricum amplissima prouincia, à Norico primogenito Herculis Alemanni filio nomen habens, ut lib. 2. scribit Ptolomæus, limites habet ab occasu Enus fluium, qui medius est inter Vindelicos & Noricos, à Septentrione Danubium, ab ortu Solis montem Cæciū, qui ab accolis Mons caluus vulgò Calenberg dicitur, qui Pannoniam Superiorem disternat à Norico, à Meridie montem Caruancam, qui est super Istriam. Eam nunc regionem pleriq³ Bauariam appellant. Terra in vniuersum satis ferax, & diues venis, auri, argenti, ferri, chalybis, & salis fontibus inexhausta. Præterea frumento, pecore, piscibus, feris (in summa) omnibus, quæ ad victum, cultū, et vsum vitæ spectant, satis superq³ abundat. Sues insuper glandibus syluestribusue pomis credo tanta copia nutrit, ut veluti Vngaria boues, ita hæc sues cæteris Europa nationibus largè suppetet. Nulla profectò Germania prouincia pluribus cultioribus urbibus illustratur. Clarissima urbs Saltzeburgum, à Saltza amne interfluo Germanis vocata, quæ Iuuania esse creditur, Metropolis est. Monachiū Ducalis sedes hodiè, olim Reginoburgiū seu Ratisbona fuit. Beatus Lucius Britannia Rex, deinde S. Rupertus, ultimo Bonifacius Moguntinus Archiepiscopus Christianam fidem edocuit. Vnde Christianæ pietatis obseruandissimi sunt, & illorum multi ad externa augustiora templa turmatim peregrinantur. Aquis granum præcipuè, duo etiam prouincia loca, virginem Mariam Ottingæ, & beatum Wolffgangum. Conueniunt etiam singularum septimanarum sexto die in Canobio Schirensi, ubi pars salutifera crucis Christi monstratur. Et ut fama constantissima manet, quicumque hanc sacrosanctæ Crucis partem, dum monstratur, conspiciatus non fuerit, aut crimini flagitioso obnoxium esse, aut eodem anno procul dubio moriturum, id quod probatum non semel esse, sunt qui dicant.

Sed de Bavaria ad necessitatem rei satis dictum est, nunc uti res postulat ad Pannonias transeamus.

Pannonia prima seu Superior, hodiè Austria, Regio non inammana, quia fertilis in vino et frumento, fontium insuper, pisciū, ac lignorū copia nobilitata. Item pars eius Stiria ferri dives, atq, etiam argenti fodinis non penitus orbatā, ab occasu limites habet montē Caciū, qui medius est inter Noricū et ipsam Pannoniā. Ab ortu autē habet Pannoniā Inferiorem, cui iuncta est, à Septentrione Danubio terminatur, et à Meridie Illyri usq, ad Bebios montes. Urbū, quas habet, hodiè cultissima & ornatisima est Vienna, Ptolomæo Iuliobona, quam Sabellus vult dictam Flavianum, Austriæ Metropolis atq, Imperialis sedes, quæ à Solymanno acriter obsessa fuit anno 1529. qui tamen Dei auxilio et Christianorū præclara & memoratu digna victoria profligatus est.

Pannonia secunda, quam Ptolomæus lib. 2. Inferiorem vocat, à Septentrione Danubiū habet et Germaniam, ab occasu Pannoniam Superiorem, à Meridie Illyrim, et ab ortu Iazygas Metanastas. Oppidorum memoratissimū est, quod accolæ Budam vocant, haud dubiè vetus & statiuorum Romana militiæ aliquando, ac Regum Vngariæ sedes: quo nomine ante appellata sit, haud facile est coniungere, nunc Offen vocant, sub Turcarum dominio. Ager regionis, quatenus colitur, tritico et vino fertilis, nec minus auro & argento dives. Homines feroces, & bello exercitati, equestri tamen prælio, magis quàm pedestri, idonei. Cataphracti equite in bello utuntur, & levi armatura. Nulla gens, quæ Christo nomen dederit, Turcarum arma magis exercuit, nec ulla ab his rursus magis exercitata est, tam æquo Marte: tam vario euentu est semper utrinque bellatum.

Illyris, quæ eadem Liburnia à plerisq, indifferenter vocitatur, Epyro contermina, & propinqua Italia, ab Illyrio (ut Apianus inquit) Poliphemī filio, siue (ut Eustathio placet) Cadmi filio denominata, cuius Gens literarū monumentis mirū in modum celebrata, neq, etiam obscura armorum gloria, quippe quæ & Romanis negotium fecerit bellis Punicis, quū Tenta Regina in illis locis rerū potiretur, terminatur à Septentrionali plaga utraq, Pannonia, ab occasu Istria, ab ortu Dalmatia, à meridie verò mari Hadriatico, q, Golphus Venetiæ appellatur.

Dalmatia verò, quam seorsum versus meridiem & ortum describendam censet Glareanus præceptor meus quondam observandissimus, à Delminio, quem Scipio Nasica Cons. deuicit, denominata, nunc Sclauonia dicitur, in qua aurum inuentum est principatum Neronis, tanta quidem copia, ut quinquagenas quotidie libras effunderet: regio est
fertilis

fertilis & populoſa, hodieq; præclaris oppidis habitata, quanquam florentiſſimam quondã et innumeris ciuitatibus cultam Augustus Cæſar graui bello illato fregit, vaſtauitq; multis oppidis dirutis. Dein Gotthi per Pannonias ingreſſi haud minore clade affecere. Poſtremò et à Turcarum acerrimis incurſionibus vexata, afflictaq; eſt: terminatur à Septentrione Sano fluuiò, ab occaſu Illyri ſeu Liburnia, à meridie mari Hadriatico, & ab ortu Myſia Superiore. Tota hac natio hodiè Germanis Wendenland vocatur. Oppida notiora ac celebriora in Illyri ſeu Liburnia ſunt Iadera vulgò Zara, et Stridona, D. Hieronymi natiuitate clariſſima, & licet interierit, tamen ob tanti viri memoriam etiam vaſtatum, deleri atque interire nequit. In Dalmatia verò Sibenicum, et Epidaurus vulgò Ragusia. Inſulæ autem adiacent Liburniæ Apſorrus, Curicta, et Scardona, hodiè Malconſeglio. Dalmatia verò Iſſa, Tragurium, Pharia, Corcyra nigra, & Meligene, quam nos Meliten vocamus, unde Meliteos catulos vocari, ait Callimachus, annotante etiam Plinio libro 3. cap. 26. Quamuis Strabo grauis quidem autor, nonnulliq; alij à Melita vulgò Malta inſula minoris Africa appellari exiſtimarunt.

CAPVT SEPTIMUM.

De Italia, Corſica, Sardinia & Sicilia.

ITALIA omnium regionum celeberrima, ab occidente Alpium iugis terminatur, ad Varũ uſq; flumen, & Tyrreno pelago, quod etiam mare Tuſcum & Inferum dicitur, à Septentrionali plaga alteris Alpium iugis, quæ Rhetie, atq; alijs ſequentibus nationibus imminet, ab oriente Hadriatico mari, quod nunc Venetũ vocant, olim à Romanis Superũ vocabatur, deniq; à meridie mari Siculo. Hac prius Heſperia ab Heſpero Atlantis fratre, qui à fratre pulſus, & Hiſpaniæ, & Italia dedit nomen, ſiue (ut Macrobius inquit) ab Heſpero Stella, quòd illius occaſui eſt ſubiecta, nomen ſortita eſt. Inde Oenotria, vel à bonitate vini, quod in Italia naſcitur (nam Græci οἶνον vinum dicunt) vel ab Oenotrio Lycaonis filio & Sabinorum Rege, qui ex Arcadia in Italiam venit, eſt appellata. A Saturno, ut ait Troguſ, Saturnia, ab Italo tandem Siculorum Rege, qui agriculturam Italos docuit, & leges poſuit, Italia. Nam ad eam partem venit, in qua poſtea Turnus regnauit, & à ſuo nomine appellauit, ut Vergilius libro 3. Æneidos probat dicens.

Eſt locus, Heſperiam Graij cognomine dicunt,
Terra antiqua, potens armis, atque vberè glebæ;

Oenotrij

Oenotrij coluere viri: nunc fama, minores
 Italiam dixisse, ducis de nomine gentem.

Aulus Gellius verò libro ii. ex *Tymæo*, & *M. Varrone*, à Greco vocabulo ἰταλῶν quod boues significat (quorum ibi copia fuit) dictam esse affirmat. Latium ubi Tyberina ostia dicta, Ausonia deniq; , teste *Aristotele* Philosophorū patre, ubi Thyrrhenum aspicit, cognominata. Estq; in forma cruris inter Hadriaticū & Tuscum mare, & à iugis Alpiū, dorsoq; Apennini porrecta, se paulatim attollens vsq; ad Rhegynū verticem, & littora Brutiorum extenditur. In ultimo sui scinditur in duo cornua, quorum alterum Ionium spectat mare, alterum Siculum, in extremitate Rhegyum oppidum habens. Eius longitudo ab Augusta prætoria, quæ in Alpino fine sita est, et per Romam Capuamq; porrigitur, vsque in oppidum Rhegyum, *Solino* teste, decies centena & viginti millia passuum colligitur. Latitudo verò ubi plurimum, quadringenta decem; ubi minimum, centū triginta sex millia. Arcetissima est ad portum, quem Hannibalis castra dicunt. Neq; enim excedit quadraginta millia: umbilicum, ut *M. Varro* tradit, in agro Rheatino habet. At in solidum spatium circuitus vniuersi vicies quadragies nouies centena sunt. Est autem Regio nulli soli posthabenda, quia est metallis grauida, & ubiq; vitalis & perennis salubritas, eximia cæli temperies, campi fertiles, aprici colles, innoxij saltus, opaca nemora, munifica sylvarum genera, mira frugum vitium & olearum fertilitas, nobilia pecori vellera, optima tauris colla, perspicui & piscosi lacus, flumina fontesq; saluberrimi, portus plurimi, ipsa auide ad mortales iuandos in maria procurrrens, ut verè dicta sit à quibusdam terrarū omnium alumna atq; eadem parens, cælestium providentia electa, quæ sparsa congregaret imperia, molliretq; efferatarum gentium ritus, discordes ad colloquia linguas munere literarum latinoq; sermone congregaret. Veterum memoria mille centum & nonaginta septem urbibus Italiam præditam atq; ornatam fuisse tradit *Ælianus* libro 4. ex quibus 264. esse Episcopales ait *Blondus*. Celebriores autem in ea sunt, Roma olim terrarum caput et domina, atque sedes Sum: Pontificum. Mediolanum quod licet magnitudine & potentia celebre sit, longè tamen celeberrimum facit *D. Ambrosii* memoria, qui ibidem in Episcopum electus est anno domini circiter 380. *Valentiniano* Cesare adhortante. Ticinum vulgo Pavia ubi Rex Christianissimus post strenuum conflictum, à Cesarianis captus est anno 1525. Venetiæ emporium vulgatissimum, cultu, legibus, institutis, ciuilitate, potentia, non urbibus modò libera conditionis multis, sed & regnis aliquot præferen-

preferenda, quandoquidem regna possidet ipsa & moderatur. Canusium, ubi Romani ab Hannibale deleti. Neapolis, prius Parthenope, ubi scripsit Vergilius optimus poetarum Georgicorum libros. Sulmo patria Ovidij poeta ingeniosissimi, & Caieta media inter fortissimas Italiae ciuitates, nomen habens à nutrice Aeneae ibidem sepulta, ut Ovidius libro 14. τῶν μεταμορφώσεων, & Vergilius in 7. Aeneidos testantur. Per mediam autem Italiam mons Apenninus tendit non secus ac spina per tergum hominis, hinc omnes alij oriuntur, quorum est Garganus in Apulia D. Michaëlis miraculo celeberrimus. Vesuvius mons ignivomus Campania, eiusdem est & Phalernus mons vini fertilitate clarissimus & amoenissimus. Fluviorum Italiae licet infinitus sit numerus, celebriores tamen sunt Padus siue Eridanus maximus totius Italiae, qui triginta fluminibus auctus, ex Alpibus per septem ostia in sinum Hadriaticum egreditur, in quem Phaëtona cecidisse fabulantur. Cremera apud quem 306. Fabij pugnantēs à Veientibus occisi sunt. Tyberis ex Apennino per Romam in mare Thyrrenum defluens, & Arnus insignis copia & bonitate piscium, per Florentiam in Thyrrenum quoque decurrens. Caterum Italis color & statura panē diuersa est, in Cisalpina Gallia, Venetoq; recessu, color vulgo candidus, cultus & sermo accuratior. Contra in Hetruria tractu, Latio, Campania, Lucania, & Brutijs, capillus niger, breuior statura & macilentia, sermo & cultus simplex. Omnia similia in Piceno, & his qui Superi maris oram accolunt in magnam Graciam usque, nisi quod in Apulis, Calabris, & ijs, qui extremam tenent Italiam, victus & sermo cum Gracis promiscuus durat. Italiam circa adiacent insulae in Ligustico quidem pelago Gorgona, Aethala, Capraria, quam Graci αἰγύλαον dicunt, & ferri atq; chalybis ferax Vilba vulgo Elba, in qua ciuitas munitissima Cosmopolis, quam superioribus annis Cosmus Medices Florentinorum Dux magnanimus condidit. In Tyrrheno autē pelago Planasia equalis freto ideoq; nauigijs fallax, Pontia, Pandataria, Parthenope, Prochyta, Pithecusa hodie Ischia, Caprea, & Syrenusa. In Ionio verò mari sunt, quae Diomedea dicuntur, vulgo Tremiti.

Corfica, quae & Cyrnus dicitur, ad quam olim non concedebatur nauigantibus accessus propter continuas pradaiones & pyratarum latrocinia, insula est in mari Ligustico. Dicta autem Cyrnus (ut Fabio Pictori placet) à Cyrno Herculis filio & Rege huius insulae, & Corfica à Corfica muliere, cuius taurus, quum ex continenti in insulam tranasset, nomen quod habebat retulit, cum antea Teranne nominaretur à Theranneis populis Thessaliae ibidem habitantibus. Est longa

L

passuum

passuum centum quinquaginta millia, lata maiore ex parte quinquaginta, circuitu trecentorum viginti duorum millium, distans à vadis Volaterranis sexaginta duobus millibus passuum. Uniuersa fermè montibus tollitur, ideò multis in locis inaccessibilis. Est tamen vinetis cultissima, nec ignotum Italia Germaniæq; vinum eius, quod vulgò *Cursicum* vocant. In ea sunt *Castella Blesini, Carax, Emicone, & Vapones*. Hanc Romanis Mauri abstulere, quam postea *Ademarcus* in classe *Genuensi* imperator recepit.

Sardinia insula est in *Tyrrheno* seu *Ligustico* mari, à *Sardo Herculis* filio (sicut *Strabo* & *Solinus* scribunt) qui è *Libya* veniens, cum multitudine *Colonorum*, insulam occupauit, quum antea *Sandaliotis* appellaretur, ab effigie soleæ, quam *Graci* *Sandalion* vocant, & *Ich-nusa*, à similitudine vestigiū, quod *Gracè* dicitur *ἰχνη*. Huius latitudo est millium passuum nonaginta octo, longitudo ducentorum viginti, quanquam alij stadia multa adijciant. Mirum, in ea insula neque lupum gigni, neq; serpentem reperiri, sed *Solifugam* tantum animal exiguum, hominibus perniciosum. Creditum etiam est in ea herbam nasci, qua qui vescitur, ridendo pereat, ut inde *Adagio* locus factus sit, *Sardonius risus*, de quo in *Chiliadibus* *Paramiographus Erasmus*. Habet & fontes calidos infirmis medelam præbentes, furibus verò cecitatem, si sacramento dato, oculos aquæ eius tetigerint. Habet ciuitates multas, sed omnium præclarissima *Calaris* est, ubi coraliorum piscatio est. In qua *Diui Augustini* ossa tandiu conquieuere, quoad ab *Heliprando Rege* *Papiam* translata sunt. Hæc ciuitas *Jole* à *priscis* appellabatur, ab *Jole* illa, quam *Hercules* perditissimè amauit. Insulam *Pæni* occupauere, sed à Romanis expulsi tandem primo bello *Punico* amisere. Caterum *Sicilia* regno ab *Hispanis* recepto, haud agrè in ditionem horum & *Sardinia* concessit, hodieq; paret *Philippo Regi Hispaniarum Catholico* ac potentissimo. Insule circa *Sardiniam* sunt *Phinton, Ilua, Nymphaea, Herculis, Diabate, Hieracum, Plumbea, Ficaria, & Hermæ*.

Sicilia Italia insula, à *Siculo* *Neptuni* filio dicta; vel *Sicilia*, quasi *Sicilita*, hoc est, execta. Nam olim agro *Brutio* annexa, mox interfuso mari *Siculo* auulsa. Ob hoc *Graci* *Rhegyo* nomen dedere, quasi auulso, unde *Vergilius* libro 3.

Hæc loca vi quondam, & vasta conuulsa ruina,
(Tantum æui longinqua valet mutare vetustas)
Disiluisse ferunt; quum protinus vtræque tellus
Vna foret,

Eam Græci Siceliā dixerunt. Olim Trinacria appellata est, quod tria acra, hoc est, tria cacumina habeat. Nam tribus promontorijs in diuersa procurrit. Vel Triquetra, quod triangularem figuram habeat huiusmodi \triangle Triquetram enim figuram triangularem dixerunt. Quorum unus angulus, qui in Meridiem vergit, à crassitudine aëris, Pachynus dicitur, vulgò Capo Passaro. Alter, qui ad Septentrionem spectat, & ab Italia mille quingentis passibus distat, Pelorus, nunc la torre del Farro. Tertius, qui Carthaginem maximè spectare videtur, & ab Africa littoribus 120. millibus passuum distare prodiderunt, Lilybæus, nunc Capo Bæo, à quo quidam Siculus Strabo nomine, naues à Carthaginensium portu soluentes videre ac numerare poterat, neque ullam prætermitteret, tradunt authores. Porro hæc ab Oriente, & Occidente, Septentrioneq; Tyrrheno mari, à Meridie Africæ alluitur. Patet in longitudine à Peloro usque ad Pachynum, millia passuum centum octoginta septem, in latitudine centum octoginta nouem. Sicania præterea Thucydidi dicta est, à Sicanis Hispania populis, qui duce Sicano primum in Italiam venisse feruntur. Hæc à principio, ut Justinus scribit, Cyclopium patria fuit, quibus extinctis, Æolus regnum insulæ occupauit, unde Vergilius lib. 3.

Ignariq; viæ Cyclopium allabimur oris. Et illud

Exulat, Ætnæos vidit Cyclopias Vlysses.

De hac Diodorus sic scribit, Sicilia optima insularum omnium, antiquitate rerum ceteras antecellit. Nec enim alia est, quod quidem sciam, toto orbe insula, quam ex æquo Græci & Latini scriptores partim nobilitate insulæ, partim autem occasione rerum gestarum celebriorem reddiderint. Unde etiam M. Cato sapiens, cellam penariam, reipublicæ nutricemq; plebis Romana, eam nominauit. Sed celebritate & vbertate eius factum est, ut quemadmodum vetustis gentibus populisq; ita haud multis retrò sæculis, nostris quoque magnarum dissensionum seminarium fuerit. Tenuere enim eam multis annis & iustissimis causis, Sueuorum Duces, & malum sibi, ut Cæcias (quod dicitur) nubes attrexerunt, motis videlicet bellis, quibus magna sese partes miscuerant, nec cessatum aut armis aut odijs fuit, donec ne nomen quidem reliquum esset Sueuici sanguinis. Sanè & ab Anglis & Lotharingijs petita inuisaq; est, illo maximè tempore, quo in Syriam & Saracenos expeditiones sumebantur. Postremò in Regum Aragonum Hispania manus peruenit, hodieq; auspicijs Philippi Regis Catholici obsequitur, cuius itidem ditionis & Regnum Neapolitanum & Brutius ager, & Calaber est. In ea sunt Panormus, Catha-

nia, in quam cum incendia *Ætna* se protulissent, iuvenes duo sublatos humeris parentes euexerunt inter flammam illam ignibus. *Syracusa*, undecima Olympiade condita, *Theocrito* vetustissimo Poëta insignes. Præterea *Messana*, & *Leontium*, *Gorgia* Rhetoris patria. Ibi etiam *Arethusa* fons, in quo visuntur iacta in *Alpheum* amnem *Elidis*, & *Ætna* mons incendio quondam memorabilis. Cuius fundus est de lapide toto nigro & poroso, quo in balneis utimur, vulgò *Mongibello*. Obiacent insula iuxta *Siciliam*, quæ *Æolia*, siue *Vulcania* Græcis *Ἡφαιστία* dicta, *Didyme*, *Nicosia*, *Ericusa*, nunc *Alicudi* seu *Alicur*. *Phœnicodes*, nunc *Felicudi* seu *Felicur* perpetuo igne ardens. *Vulcanus* insula igniuoma. *Lipara*, cui nomen dedit Rex *Liparus*, qui eam post *Æolum* ventorum regem rexit, cum antea *Milogonis* vocaretur, in ea quoque fuisse fertur officinam *Vulcani* & *Cyclopum*. *Euonimos*, nunc *Vulcanelo*. *Strongyte* perpetuis atque liquidioribus flammis notissima, ex cuius fumo, quinam flaturi sint venti, in triduum prædicere incolæ traduntur. *Ustica*, *Osteodes*, nunc *li Porcelli*. *Phorban-tia*, nunc *Leuanzo*. *Ægusa*, nunc *Fauagliana*. *Hiera Therasia* prius, nunc *Maretamo* plurimum colle eminentissimo, olim *Vulcano* sacra. *Pacouia*, & *Æoli* insula.

CAPVT OCTAVVM.

De Sarmatia Europæ, Taurica Chersoneso,

Iazigibus Metanastis, Dacia, duabus
Mysijs, & Thracia.

SARMATIA Europa, ut ait *Ptolomeus* lib. 3. à Septentrione oceano Sarmatico terminatur, ab occasu *Vistula* fluuio & *Germania*, à Meridie Iazigibus *Metanastis*, *Dacia* ac *Mysia* inferiore, ab ortu *Sarmatia Asiatica*, fluuio *Tanai*, *Maorideq;* palude. Est regio vasta & plana frumenti ferax & piscibus abundans. Est nemorosa & pascuis idonea, quibus armenta satis pascuntur, atq; venatione diues. Habet enim equos syluestres cicuratis quidem similes, sed molle habentes dorsum, & ob id oneri ferendo inepti, nec cicurari possunt, quorum caro equidem ab incolis comeditur. Habet & boues feros seu bisontes, quos *Romani* vros vocant, & vulgus bubalos, alces etiam cervis haud difformes, nisi quod habent protensam carneam promuscidem & paulò sublimiora crura, quos vulgò helendos vocant. Habet & rara magnitudinis vrsos, aliq; id genus animalia, quorum alicubi *Cæsar*, *Plinius*, & *Solinus* memi-
nere.

nère. Habet insuper & mellis copiam tam ingentem, ut non satis loci supersit, quibus illa recondantur. Arbores namque omnes & sylva nigricant aluearibus. Habet & salis maximam copiam, quod maximum toti regioni præstat emolumentum. Nam sub terra exciduntur ingentia salis saxa, & supra terram aliud sal ex aqua decoquitur. Verum ex omnibus metallis plumbum duntaxat fodiunt incolæ. Est autem genus in uniuersum prudens, multaque comitate in hospites, sed bibacissimum genus hominum totius Septentrionis, quamuis rarus vini usus, ignotusque genti omnis vinearum cultus. Factitia tamen ex tritico aliisque generibus seminum potio in usu est. Metropolis totius regionis est Cracouia in Germanico solo sita, ad fluvium Vistulam, quam aiunt denominatam & constructam anno quinquagesimo post Christum natum à Cracou primo regionis Duce, cum arce elegantissima, quam inclytus Rex Sigismundus proximis annis magnificis structuris instaurauit. Est in hac regione Borysthenes satis celebre flumen. Hodie diuisa est regio in Poloniam, Russiam, Prussiam, Lituaniam, Liuoniam, Podoliam, & Moscouiam. Utuntur autem omnes ferè Sclauonica lingua. Sed Sacrorum ritus, partim Romanus, partim Græcus.

Taurica Chersonesus seu peninsula, prouincia est Europa, ut docet Ptolomæus lib. 3. cuius fines sunt Isthmus, Palus Mæotis Pontis, & Cimmerius Bosphorus. Ibi ciuitates sitæ sunt, Eupatoria & Theodosia, nunc Capha, aliquando sub Genuensibus. Eius ambitus septuaginta millia passuum complectitur, & à Mæotidis populis, qui margines ipsius habitant, nomen assumpsit. Hodie minor Tartaria dicta. Nam Præcopitæ Tartari ei dominantur, Turcis similes, ait Paulus Iouius.

ſaxiges Metanastæ, sicut Ptolomæus scribit lib. 3. ab oriente habent Daciam, ab occasu & austro Germania partem & Pannoniam inferiorem, à Septentrione Sarmatiam Europa. Hodie Septem Castra dicuntur, vulgò Sibenbürg, à septem castellis ibidem sitis, quorum incolæ, olim ex Saxonia per Carolum Magnum in eum locum fuerunt destinati, ideò in hunc usque diem in medio Sclauonica & Vngarica lingua loquuntur Germanicè, sicut Bohemi inter Germanos loquuntur Sclauonicè.

Dacia, quam quidam Thraciæ partem, quidam conterminam dicunt, Alij prouinciàm citra & ultra Istrum esse autumant, à Septentrione parte Sarmatiæ, à Meridie Danubio & Mysia superiore terminatur, ab ortu Mysia inferiore & Danubio, & ab occasu ſaxigibus Metanastis. Hanc nonnulli Dalachiam magnam esse voluerunt, cuius populi Daci & Dace dicuntur, qui olim, Strabone teste,

Davi appellati sunt. Ex quo apud Athenienses *Danorum* nomina seruilia, plurimum abundabant. Hinc factum est, ut in Comædys serui introducantur *Davi* nominati, qui alio nomine *Geta* dicti sunt. Habet regio solum satis fecundum, iuxta oppidum *Medunisch* crescit vinum in magna copia, unde & ager ille vocatur *Weinlande*, id est, vinifera regio. Juxta oppidum *Clausenburg* & *Saltzburg*, atq; in *Ceculia* foditur sal. Haud procul ab oppidis *Schlotten* & *Altenburg* effoditur aurum, sicut prope oppidum *Tsenberg* ferrum. Alluunt regionem multi amnes, sed præcipui sunt *Rhabon* & *Altus*, quem *Ptolomæus* vocat *Allutam*, uterq; nauigabilis. *Dacia* hodiè diuisa est in *Transylvaniam*, *Zypserland*, & *Bulgariam*.

Mysia superior, quæ *Bosna*, *Rascia*, & *Serua* dicitur, ubi etiam est *Dardania*, à Septentrione habet *Daciam*, ab Occidente *Dalmatiam*, ab Oriente *Thraciam*, & à Meridie *Macedoniam*. Est regio eximiè fertilis, ac satis superq; opulentissima, quod patrum nostrorum memoria regibus paruit, nec amisit nomen, hodièq; *Bosnia* regnum vocatur. Oppida autem in ea licet permulta sint, unum tamen nomine potius, quàm magnitudine celebrius, memoratur nempe *Taurunum* seu *Belgradum* dictum, quod *Vngari* semel mirabili opera *Joannis Capistrani* *Franciscani* seruatum ferunt. Quod tamen anno Domini 1521. ingentibus copijs terra atque undis obsessum *Selinus Turcarum* Imperator expugnauit.

Mysia inferior, quæ à Romano duce *Flacco*, qui eam expugnauit, primùm *Flaccia* appellata est, deinde successu temporis *Flaccia* degenerauit in *Falachiam*, quam vocem Germani mutauerunt in *Walachiam*: terminatur ab occasu *Dacia*, à Septentrione *Sarmatia* *Europæa*, à Meridie *Thracia* & *Æmo* monte, ab Oriente verò *Ponto Euxino*, ubi *Danubius* sex ostijs se exonerat. Licet autem regio ipsa cælum non admodum clemens habeat, ac nulla sit ibi frugum fertilitas, accolentibus tamen plurimus ex piscatione est questus. Captos etenim magno numero euiscerant, & salitos dolijs prægrandibus indunt, *Pannonijsq;* ac *Sarmatis* ea inuehentes. Adiacent autem *Mysia* inferiori iuxta *Pontum* insulae duæ, quarum una *Borysthenis*, altera verò *Achillis* insula nuncupatur.

Thracia hodiè *Romania* dicta, inter partes *Scythia* posita, *Macedoniam* sequens, à Septentrione *Istrum* habet, ab Oriente *Pontum*, à Meridie *Ægaum* mare. Olim *Scyton*, postea *Thracia*, à *Thrace* *Martis* filio, seu ab asperitate dicta, *Gracè* enim *ῥαχὶ* asperum dicitur. Est enim regio (ut *Pomponius* scribit) nec cælo, nec solo tractabilis, & (nisi

Et (nisi quàm mari propior est) infœcunda, frigidaq̃. Habet feros homines, aspero cultu. In ea sunt vrbes celebriores Apollonia, Ænos, Nicopolis, Bizantium, quæ postea à Constantino Constantinopolis dicta est, Et facta Imperij sedes, totiusq̃ Orientis caput, nunc autē Turci nephandissimi asylum, Perinthos, ac Lysimachia. Amnes verò insigniores sunt Hebrus, Et Nestos, Montes Æmus, Cathena mundi dictus, Et Rhodope, Sabellico Valiza. Adhæret Thracia pars, quæ propriè Chersonesus dicitur, in qua est vrbs Galipolis, Et Sestus patria Herus puella, quam adamavit Leander, de qua Musæus,

Littore multiuago, prope claræ moenia Sesti.

Hodiè ibi Et ex altera parte Hellesponti, ubi olim Abydus fuit, arces sunt à Turcis BogaZ, Asar dictæ: ea enim voce appellant ipsi oppida Et castella in maris faucibus sita. Insula adiacent Thraciæ, sub Bosphoro quidem, quæ occidentalis est Cyaneorum, quæ Symplegades Plinio vocantur. In Propontide autem Præconnesus. In Ægeo verò mari, Thalasía, olim Acria, Imbros, Et Samos, quæ ab initio Leucania vocata est, eo quòd alberet. Deinde Thracibus in ea cōsidentibus, Thracia. Qui cum septingentis annis post eam reliquissent, Samij è sua regione extorres eam occupauerunt, Et Samothraciam vocauerunt. Abundat autem luto fictilibus conficiendis aptissimo.

CAPVT NONVM.

De Macedonia, Epyro, Achaia, Euboiæ,

Peloponneso, & Creta insula.

MACEDONIA inter duo ingentia maria, Ægeum ab oriente, Ionium ab occasu, in Septentrionem ad Dalmatiam superioremq̃ Mysiam extenditur, ad Meridiem Epyro clauditur. Præterea duobus cornibus in Orientem excurret, in quorum altero Athos mons ingentia iuga in Septentrionem attollit: Alterum cornu Meridionale Pellenem Et Cassandriam vrbes oculis offert. Chrestomathia Author, quisquis ille fuit, vir planè doctus Et diligens, Macedoniam ad Drilonem fluium, Plinius ad Strimonem usque procurrere tradit, hunc Orientis; Occidentis illum ab authoribus celebratum amnem. Meridionale latus Thessalia terminabit. Plinius cum superioribus congruit, qui Macedoniam ad Epyroticas gentes recedere; Septentrionalem verò partem ad Pæoniam Pelagoniamq̃, longè lateq̃, exporrigi scribit. Macedoniam

Stepha-

Stephanus dictam esse scribit à Macedone Osiridis Jovis & Thyæ filio. Olim à rege Ematho, Emathia vocabatur. Plinius libro 4. hanc summis laudibus extollit, olim scilicet centum & quinquaginta populis nobilem. In qua una die septuaginta duas urbes Paulum Æmylium diripuisse, atque vendidisse, inter alia tradit Polybius gravis & diligens historicus. Amurates autem, quem Mahometi primi filium fuisse nonnulli prodidère, Macedoniam liberam regionem, suo more suisque legibus viventem, Græcia, Asia, atque ferè India quondam dominam, suo imperio ad Pæoniam usque subiecit. Quemadmodum & reliquam totam Græciam sequentes Turcici imperatores, aucta potestate & immensa dominandi libidine, occupârunt, non sine pudendo Christiani nominis dedecore. Montibus hac regio maximis circumvallata est, ex quibus flumina & fama & natura ingentia oriuntur. Quorum omnium pulcherrimus est Axius, qui ex Scardo monte profusus, longissimo cursu, non longè à Pella urbe, Alexandri illius Magni patria, in Thermaicum sinum deolvitur. Urbibus præterea multis atque insignibus ornata, quarum omnium clarissima fuit Thessalonica, Thalia Volaterano vocata, & Dyrrachium Epidamnus aliquando dicta. Quam anno Domini 1499. Baiazetes Turcarum imperator, Veneta reipublica iure belli abstulit. Insulae autem adjacent Macedoniam in Jonio mari, Saso. In Ægeo verò pelago Lemnos, in qua nutritus est Vulcanus, cuius etiam fœmina una nocte facta conspiratione omnes maritos à bello reuersos occiderunt, Scyatos, Peparethos, Scopelos, & Scyros.

Epyrus à Ceraunijs incipit montibus, ut in 4. memorat Plinius. Ab oriente Ambracium sinum & Acherontem fluuium: ab occasu Thesprotas, à septentrione Cassiopaos, à meridie Jonium pelagus attingit. Sunt autem Ceraunijs montes omnium excelsissimi, ita ab assiduo fulminum impetu nuncupati. Solent enim summa petere dextra, fulmina missa, Jovis. Quoniam autem ingenti capite in Jonium mare prominent, Acroceraunia dicere consueverunt, authores, quod ^{ἀκρὰ} angustia promontorium significet Græcis. Theopompus Epyro XIII. gentes attribuit, quarum clarissimi fuere Chaones atque Molossi, quod scilicet ab his Epyrus initium ac nomen accipiat. Ex tot urbibus Epyri, unam ab authoribus singulari studio celebratam, inuenio, Dodonam scilicet. Eustathius docet in Dodone Dodonæi Jovis quercum fuisse, qua sciscitantibus futura responderit, quam Sophocles πολύγλωσσον, hoc est, loquaculam appellavit. Quemadmodum & Dodonaum as: de quo plurima Paramiographus Erasmus, ex veterum monumentis diligentissime collegit.

collegit. Epyro adiacent insula, Corcyra quæ hodiè Corphu dicitur, sub Venetis. Olim Pheacum sedes, ad quos Vlysses naufragium passus, ap- pulit. Cephalenia, Ericusa, Scopulus, Echinades, Ithaca, Lotoa, & Zacynthus hodiè Zantus.

Achaia, quæ prefatis coniungitur regionibus usque ad Isthmum, Peloponnesi, quam item Hellada appellant, ab Hellene rege, filio Deu- calionis, regis Thessalia, limites habet ab occasu Epyrum, à Septentri- one Macedoniam, ab ortu mare Ægaum, à Meridie Hadriaticum & Creticum pelagus. In hac fuerunt Athenæ, ciuitas quondam totius Græciæ clarissima, à Cecrope rege condita, cui Minerva nomen impo- suit, quam Græci Athenam vocant. Fuit autem hæc vrbs omnium bonarum artium inuentrix, Philosophorum & Oratorum mater, & Poëtarum alumna. Inde orta sunt infinita propè commoda ad usum vitæ humanæ. Nam primi omnium Athenienses, lanificij, olei, vini, & agricultura usum docuere. Aneas Syluius Athenas hodiè parui oppi- duli speciem gerere dicit, cuius munitissimam adhuc arcem, patrum nostrorū memoria, Florentinus quidam ex Aciaiolum familia, quū sæpè multumq; Latinorum auxilia implorasset nec impetraret, Ma- hometi Turcarum imperatori pacto interueniente contradidit.

Achaia Eubæa ingens adiacet insula, ab Asopi filia denominata, deinde Macris à Macride Junonis nutrice, hodiè Nigropontus, quæ inuisa captaq; à Turcis est, imperante Friderico tertio, anno à nato Christo 1470. urbium eius clarissima sunt Chalcis iuxta Euripum ex morte Aristotelis nota, & Carystus marmore nobilitata. Juxta autem Atticam & sub Eubæa insula hæ sunt, quæ ab situ (quia in orbem col- lata) nomē traxere Cyclades, Thera, Cia, Irochy, Polyegos, Gyaros, ad quam relegabantur noxij, cuius etiam incolæ à muribus sunt fugati, Therasia, Delos à mercatu & templo Apollinis celebrata, omniumq; Cycladum longè nobilissima, ubi primum ignem repertum esse author est Plinius, Olyarus, Seryphus, ubi mittebantur nocentes, Phelocun- der, Sicinus, Cythnus, Rhena, Myconus, Andros, Tenos, quæ propter aquæ copiam Hydrusa ab Aristotele dicta fuit, Scyrus, Naxus, in qua aqua, ut ait Propertius libro 3. vini saporem referunt, Syphnus, & Parus, in qua lapis candidissimus nascitur, qui dicitur Parius. Supra- dictæ autem insula in mari natæ solitæ erant: quas Apollo colligauit & stabiles fecit.

Peloponnesus (ut inquit Plinius) peninsula est, haud ulli terra- rum nobilitate postferenda, quam Strabo ἀκρόπολις, hoc est, totius Græ- ciæ arcem appellat. Hæc olim dicta fuit Ægialia, ab Ægialeo Inachi

Argiuorum fluminis, & Meliæ Oceanitidis filio. Deinde Apia, ab Apide Phoronei, vel, ut Pausanias refert, ab Api Telchinis filio, cuius opes atque potentia adeò tum creuere, ut à nomine suo Ægialeam Apiam cognominârit. Quanquam Atheneus libro 14. à pirorum prouentu, Apiam vocatam asserat. In qua etiam sententia Stephanum fuisse video. Theocriti interpres, ni fallor, in diuersa fuit opinione, qui Ἀπίης, hoc est pira, à Peloponneso nomen accepisse putat, quod in ea primum insula hic fructus apparuerit. Cum autem ex Phrygia Pelops Tantalii filius in hac loca venisset, rerumq; in Apia potiretur, à se Peloponnesum, veluti Πέλοπος νῆσος nominauit. Strabo ex Ephoro refert, hanc insulam etiam Pelasgiam nuncupari, quod ante Danaï aduentum Pelasgi Peloponnesum tenuerint. Hodie Morea dicitur. Peloponnesum ab Oriente respicit mare Creticum: ab occasu Ionium, siue Hadriaticū: à Septentrione, Corinthiacus sinus, vnà cum Isthmo: à Meridie mediterraneum pelagus, quod irruptione apud Gades in terras facta, Europam ab Africa longissimo cursu discriminat. Græci Latiniq; authores Peloponnesum platani folio similem esse tradiderunt, quod hac insula multos angulosos habeat recessus, ut Plinius inquit. Quam rem Dionysius Apher duobus propemodum versibus elegantissimè expressit.

πέλοπος δ' ὡς ἰκσθ' ὀπιδεῖ,
εἰδομένη πλατάνου μνηρίονα πετῆλῳ.

Quos sic reddidit Rhemnius Fannius latinè.

—— Sequitur Pelopis post insula lata.

Consimilis folio platani, quod muris acutam

Æquiparat caudam. ——

Præcipue ciuitates in Peloponneso sunt, Argos, ubi præcipuis honoribus colebatur Juno, Micena, Lacedamon, Patra, S. Andrea martyrio nominata, & Corinthus, Romana Colonia, adeò quondam celebris, ut M. Cicero pro Pompeio totius eam Græciæ lumen appellauerit. Hanc Sisyphus latro, Æoli filius, fertur condidisse, & Corcyram primò nominasse: postea verò Ephyre, & ad extremum Corinthus à Corintho Marathonis, ut Pausanias ait, filio vocata est. Stephanus in libro de urbibus à Corintho conditore dictam asserit. quemadmodum & aliæ multæ urbes conditorum nomina retinuerunt. Clariuit etiam ære laudatissimo, quo vasa fiebant admodum præciosa, Adiacent Peloponneso insula Strophades, ubi Harpyæ morabantur, Plotæ prius dictæ. Prima, Sphragia, Thiganusa, Cythera, Epla, Salamis & Ægina.

Creta

Creta insula in medio ponto, centum urbium fama clara, qua (ut scribit Strabo) à Septentrione Egæo alluitur simul & Cretico pelago, ab austro Afro, ad Occidentem Egilam & Cytheram spectat, ad Orientem Carpathum. Habet in longitudine ducenta septuaginta millia passuum, in latitudine quinquaginta millia. Circuitus eius quingenta octoginta nouem millia passuum complectitur. Insignes in ea urbes sunt Cortina, Cydonia, Gnosso & Minois regia, & Strabonis Cosmographi prima. Nullum in Creta animal noxium est. Capris & pascuis copiosa, fecunda frugum ubertate, optimiq; vini fertilissima. Ab hac traxit nomen illa tenax terra, qua fullones in abluendis maculis uti consueuerunt. Creta scilicet, quia in hac reperitur omnium prestantissima. In hac quoq; insula ferunt Cyclopes ministros Vulcani fabricam ferrariam primum reperisse. De hac Vergilius libro 3. ait:

*Creta Iouis magni medio iacet insula ponto,
Mons Idæus vbi, & gentis cunabula nostræ
Centum vrbes habitant magnas vberima regna.*

Hac ante, ut ait Crates, Aëria dicta fuit. Deinde Curetæ ab habitatoribus Curetibus, & per syncopam Creta. Anaximander verò dictam à Crete Jouis & Idææ Nymphæ filio Curetum rege existimat. Sed Dosiades à Crete Nymphæ Hesperidis filia. Præterea ob eximiam cæli clementiâ Macaron, siue ut Solinus & Martianus vocant μακρόν & appellata. Hodie Candia vocatur, & sub Venetis est, qui eam ingenti pecunia coemptam suæ ditioni adiecerunt, & iam plus trecentis annis possident. Insule autem adiacent Creta Glaucus nunc Gozo, ad quam D. Paulus appulit, Act: 27. Letoa, Dia, Cimoles, & Melos. Atque hæcenus de Regionibus, quæ libris secundo ac tertio apud Ptolomæum continentur.





DE AFRICA ET EIVS PARTIBVS.

Ac primùm de Mauritanjs duabus, Numidia,
ac Africa minore.

CAPVT DECIMVM.



AFRICA secunda orbis pars, quam quidam inde existimant appellatam, quasi apricam, quod sit aperta cælo vel Soli, & sine horrore frigoris: nonnulli verò ab uno ex posteris Abrahæ de Cetura, qui vocatus est Afer. Terminatur ab Occidente mari Atlantico, à Meridie oceano Æthiopico, ab Oriente mari Rubro, & à Septentrione mari mediterraneo, quod ex oceano apud Columnas Herculeas tenui riuo & non nisi decem millibus passuum patenti ingreditur terram. Regio est eximia & prope modum portentosa fertilitatis, utpotè quæ locis quibusdam centesimo fenore reddat cultoribus messem. Habet & vites, quarum duorum hominum complexus capere non potest vuarum racemos cubitales. Staphilini, Hippomaratri & carduorum scapos duodenum cubitorum enormi crassitudine, calami Indicis similes, quorum nodi octo capiunt modiolos. Asparagos adhuc videri haud minus notabili magnitudine. Arbores insuper circa Atlantem proceritate insigni enodi, nitore & folio cupressi: sed omnium nobilissima citrus Romanis olim delitijs inserta. Alit etiam Africa Elefantos & dracones, qui ipsis beluis insidiantur suoque complexu enecant, leones, bubalos, pardos, capreas, simias, cecropithecus, Cynocephalos, Camelopardales, Rhizetauris similes, Onagros insuper, Tygrides, Rhinocerotes, Lynces, Camelos, Hyenas, Histrices, agrestes arietes, Pantheras, Pigardos, Sthrutios, Formicas ad formam canis maximi, Lycaones, Tarandos, Pegafos, Tragopas, Hyppopotamos, & præter multa serpentum genera ut Dipsas, Hypnales, Cerastes & Aspidem, cui pesti Icnemonem minimum animal opposuit natura. Crocodilum etiam, Scorpionem, Basiliscum & Catoblepam, quæ visu hominem interimunt. Cornutos quoque asinos ibi nasci author est Herodotus, & Thoas ex hyena & lupo genitas. Crocutas ex hyena & læna, Leopardos ex læna & pardo, & alia multa animalia ex diuersis commixta, unde vulgare

Græcis

Græcis dictum emanauerit. Semper aliquid noui Africam afferre. Tradit enim Plinius, inopia aquarum fieri, ut ad paucos annes animalia innumera congregentur, inter quæ quum variè fœminis cuiusq̃ generis mares aut vi aut voluptate misceantur, ex varia & diuersa seminum mixtura, multiformes inde partus constare. Cum autem familiaris sit incolis eorum partus, idè illis non tam prodigiosi, ut nobis habentur. Profectò (inquit Joachimus Vadianus) gratiam aliquam illi regioni varietas animalium conciliaret, etiam monstrosa, si ex illis nulla noxia aderentur, & isto malo in totum Africa careret. Quia Salustius grauis quidem author plures mortalium in Africa bestijs, quàm morbis interire scriptum reliquit. Habet autem Africa regiones, ut Ptolomæus libro quarto scribit, duodecim, Mauritanias duas, Tingitanam scilicet ac Cæsariensem, Numidiam nouam, Africam propriè, Cyrenen, Marmaricam, Libyam, Egyptũ inferiorem, Thebaida, Libyam inferiorem, Æthiopiam supra Egyptum, & Æthiopiam omnibus his australem.

Mauritania (regnum magnum & ditissimum) à Mauris vetusta gente nominata, diuiditur in Tingitanã & Cæsariensem. Tingitana, quæ antea Sitiphensis ab perueteri oppido Sitiphi, post autem Tingitana ab oppido Tingi (ab Antæo quondam conditum) appellata est, habet ab Oriente Mauritaniam Cæsariensem, à Septentrione mare nostrũ usq̃ ad fretum Herculis seu Gaditanum, nunc el Strecho de Gibratrat siue de Seuilla, q̃ inter Abylenæ & Calpis duobus promontorijs coartatur, ab Occidente oceanum Occidentalem & Atlanticum, à Meridie Libyam interiorem. In hac Ptolomæus duos Atlantes constituit, maiorem scilicet & minorem. Insigniora autem oppida in ea sunt Phuth, à Phuth Noë nepote, qui Phuthæos Mauritanie populos produxit & Zilia, Zelis Straboni. Arzilla hodiè, à Lusitanis capta. Insula etiam sunt ab occasu prouinciæ in exteriori mari, Pæna, & Eythia siue Gerionis insula.

Cæsariensis verò Mauritania ab occasu habet Mauritaniam Tingitanam, à Meridie Libyam, ab ortu Numidiam, à Septentrione mare Sardoum. Sumpsit autem nomen à Cæsaria ciuitate insigni, cui adiacet insula, quæ Tulia Cæsarea, in qua ciuitas etiam eodem nomine dicitur. Oppida celeberrima in ea sunt Vuiça, Oran hodiè sub Hispanorum imperio, & Salda colonia Algier hodiè, Regnum quondam Barbarossa. Non tacendum autem hoc loco, ambas Mauritanias D. Augustini atate, & ante eum D. Cypriani celeberrimas ecclesias piosq̃ & eruditos viros Episcopos habuisse, id quod non uno in

loco ipsemet etiam innuit D. Augustinus. Hæ regiones nigros homines, ferasq; producunt simias, dracones & strutiones, ibi etiam spontè nascuntur omnia genera fructuum, producunt quoq; arbores odoriferas cupresso similes, & Euforbium in magna copia.

Numidia ab incolis passim vagantibus sic est vocata, quod nullam certam haberent sedem, nam linguâ eorum incerta sedes & vaga Numidia dicuntur. Habet ab Oriente minorem Africam, à Septentrione mare, quod tendit in Sardiniam, ab occasu Mauritaniæ Casariensem, à Meridie Libyam. Hæc licet spatium angustior sit, quàm Mauritania ipsa, magis tamen culta & ditior est, teste Pomponio Mela, eximio etiam marmore & equorum nobilitate memorabilis à multis predicatur. Inter oppida autem præcipuè sunt celebria Carthenna, Arsenaria, & Cirta opulentissima quondam, & duorum regum Syphacis & Iuba, ut Mela tradit, domus: quorum prior tertio bello Punico à Scipione captus, & (si Polubio credimus) in triumpho ductus, alter in Caesaris Dictatoris bello civili, quia se partibus socium præbuisset, extinctus est.

Africa minor deinde sequitur, à Numidia usque ad Philenorum aras, seu Cyrenaicam regionem extensa, quæ quoniam cultissima est, & clarissimis quondam frequens urbibus, lacubus etiam amœna & irrigua magnis fluminibus, Africa nomen propriè sibi usurpauit. Punica bella eam, post deuictam Carthaginem attriuerant. Ceterum ubi Romanorum Colonia facta est, iterum creuerunt opes, & veteris gloriæ atque potentiæ vestigia quadam relicta sunt. Omnes autem harum regionum incolas vulgus mercatorum ac pyratum, Barbaros, & ipsas regiones Barbariam vocat. Urbium verò, quas memorare operæ precium est in ea, est Hippon regia, ubi D. Augustinus vir de religione Christiana benè meritus fuit Episcopus. Hæc ciuitas ob aquarum irrigua vocatur à Græcis Catharitum. Est & Carthago caput olim totius Africæ septuaginta duobus annis condita ante Romanam. Hæc habuit reges potentissimos, qui usque adeò imperium dilatauerant, ut etiam inter quatuor principalia regna à quibusdam poneretur. Insule autem adjacent Africæ iuxta continentem hæ. Hydras, Calathe nunc vulgò Golettam vocant, Dracontinus, Ægymnus, quæ vulgò Zerbas nominant, Larunesia dua, Lopadusa, Æthusa, Cercinna, Lotophagites, Mysinus, Pontia, & Caia. Pelagia verò insula Africæ hæ sunt, Cossira vulgò Pantalaria, Glauconis insula, & Galos vulgò Gozo, cuius terram enecare in Africa scorpiones, Plinius est author.

Est &

Est & Melite nunc Malta D. Pauli naufragio & appulsu percelebris, patria mea dulcissima. Hæc post amissam Rhodon, intercedente Philippo de Villers Lisladamo Magistro magno, ab Imperatore Carolo ad inhabitandum concessa est auratis Hierosolymitana militie equitibus, anno Domini 1530. 4. nonas Octobris, ne prorsus mutata conditione mari exuerentur, quam adhuc contra Turcarum impetus, cum ingenti sustinent gloria.

Notandum autem hoc in loco Junonis templum & Herculis non esse insulas, ut quibusdam videtur, sed loca Melite insula, quorum adhuc Herculani templi immensa reliquia patent circuitu in passus ter mille & ultra, in eo insula angulo quem ab argumento loci, patria lingua Euriportum nominant. Sic & Junonis templi ruina sparsa medio ferè loco inter oppidum & castellum apparet in multa iugera, fundamentis & substructionibus templi bonam portus eius partem occupantibus, quod ideo indico, ne, cum quid, harum rerum studiosis scitu fuerit necessarium, aliunde sit mendicandum.

CAPUT XI.

De Cyrenaica, ac reliquis nationibus Africæ.

CYRENAICA regio, celebrata Ammonis oraculo, Pentapolis etiam dicta, habet quinque ciuitates egregias Berenice, Arsinoën, Ptolomaidam, Apolloniam & Cyrenem maximam octoginta stadiorum, in campo iacentem adito, ut in mari videri possit. Hæc ab Aristeo condita putatur, qui filius regis Theramenis insula in Africam nauigans, montem Cyram propter amœnitatem loci & fontis Solis ubertatem occupauit. Gignit bestias plurimas, inter quas leones principatum tenent, onagros insuper, serpentes & basiliscos procreat, copia etiam ibidem illustrium simiarum. Habet autem hæc regio ab occasu Syrtim magnam & Africam, à Septentrione Libycum seu Punicum mare, ab ortu Marmaricam, & à Meridie desertam Libyam interioris.

Marmarica, quæ hodiè Barcha dicitur, regio est aspera, & ferè homines, in quibusdam tamen & certis locis frugifera. Nam ligna preciosa, cupressum, Sandalum, & muscatum producit. Habet & leones, psittacos, Syraffiones & Plemelilas. Habet autem ab Oriente sola terminos Libyam, à Septentrione mare Libycum seu Punicum, ab Occidente Cyrenaicam regionem, & à meridie Libyam interiorem.

Libya

Libya, in qua est Hammon oraculo Jovis clara ciuitas, habet ab ortu solis montem Punicum Herodoto, qui sunt Libyci montes Ptolomæo, & Ægyptum, à Septentrione mare Ægyptiacum, ab occasu Marmaricam, & à Meridie deserta Libya interioris & partem Æthiopie sub Ægypto. Hac Jacobo Zieglero hodiè Gadames regio censetur, dactylorum prouentu diues, sed ob frumenti inopiam incolæ cum Nigritis negotiantur.

Ægyptus illa omnium Regionum vetustissima, quam Nilus fluviorum maximus mediam secatur, terminos habens ab Oriente Africa solitudines, ab occidente sinum Persicum, à Septentrione mare Mediterraneum, à Meridie Æthiopiam sub Ægypto cognominatam, diuiditur in Inferiorem, ob formæ similitudinem etiam Delta vocatam (quæ nunc in duas partes distinguitur, in Errif nempe, quæ Alexandriam, & Bechriam, quæ Damiatam olim Pelusium versus vergit) & Superiorem, siue Thebaidem, hodiè Sahid nominatam, cuius fertilitatem celebre illud vetustatis præconium indicat eam publicum orbis terrarum horreum nuncupans. Inexhaustas verò eius opes tot immensa omnem temporis superantes iniuriam, ac in hunc usque diem integra illasque permanentes Pyramidum moles, tot stupenda altitudinis ex solido marmore Obelisci, tot Colossi, Sphynxes, Statuæ: illa inquam operum stupenda, omnibusque seculis decantata miracula, quæ plura quam alia omnes Regionem, teste Herodoto oculato, sola exhibet, quibus ipsis urbs Roma, etiam quum maximè florebat, sese decorare non erubuit, satis declarant. Variè verò gubernata fuit: primò enim suis Regibus (qui Pharaones dicti) deinde Æthiopibus: quibus eiectis, iterum suis Regibus usque ad Alexandri Magni tempora paruit. Postea Ptolomæos habuit Reges, sub quibus Romani ea potiti sunt, atque in Prouincia formam redegere, donec Heraclio imperante Saraceni eam occuparunt, qui illi Reges Sultanos dictos dedere, quos tandem Patrum nostrorum memoria, Anno 1517. Turcæ, duce Zelimo, expulerunt, qui eam adhuc hodiè possident. Insula autem Libya & Ægypto, quæ adiacent in Ægyptio quidem pelago sunt, Ædonis insula, Tyndarij scopuli tres, Ænesippa, Phocusa duæ, Pedonia, Didyma duæ & Pharos à nauclero Menelai ibidem sepulto nuncupata, in qua Ptolomæum Regem Ægypti ferunt fecisse turrin altissimam talentis 800. non ad alium usum, quàm nocturnos ignes nautarum cursui ostendendos, cuius operis architectus fuit Sostratus ait, Lucanus libro 9. In Arabico verò sinu, Saspirene, Aphrodites, & Agathonis insula.

Libya interior terminos habet à Septentrione duas Mauritanias, Africam

Africam atq; Cyrenen, ab oriente Æthiopiam, quæ supra Ægyptum est, ab occidente Oceanum Occidentalem, à Meridie Æthiopiam omnibus his australiorem. Sunt ibi magna solitudines & deserta, in quibus sunt leones, pardi, Tigrides, elephantes, leopardi, Syraffiones, strues, papagalli, serpentes & formica miræ magnitudinis, ibi auri copia, ac gentes partim omnino nigri, dicti Zilofi, partim fusi, atq; subcinericij coloris. Populi in hac celebres sunt Getuli, quos Gartheas Athenodorus appellat, & Garamantes incertè & permixtim vxoribus vtentes. Insula autem adiacent Libya in Oceano Occidentali Cerne, Autolaa, & Fortunata, quæ Canaria (ob ingentes canes, quorum ibi copia est) hodiè dicuntur. Sunt tamen septentrionaliores quàm Ptolomæus tradit. Ha anno circiter 1405. à Gallo nomine Betanchor, ex concessione regine Catharina, regis Ioannis filij sui, dū infans esset, tutricis, reperta forte fortuna fuerunt. Longa namq; annorū curricula incognitas iam obliuioni tradiderant. Numerantur autem, vt quidam aiunt, decem, è quibus tres incultæ sunt, reliquæ verò cultæ, quarum nomina sunt, Grancanaria, Teneriffa, Palma, Lancelotum, Forteuentura, Gomeræ, & Ferrum, ab Hispanis Ferrea dicta, in qua nulla est alia potabilis aqua, praterquàm ex rore de arbore unica, in Insula supremo dorso stillante assidue, & in lacunam manu factam cadente. Sunt & Hesperides insula, hodiè insula Capitis viridis, sub dominio regis Portugallia.

Æthiopia, quæ supra Ægyptum est, regio ingens & diues, prius Ætheria & Atlantia dicta, nunc verò Bugia et regnū Nubia dicitur, cuius populi olim primi coluere Deos: legibusq; vsi sunt, iam verò rudes alij Christum, alij Maometha sectantur, definitur à Septentrione latere Marmarica, Libya & Ægypti, ab occasu parte interioris Libya, à Meridie exteriori Æthiopia, ab ortu verò Solis reliqua Arabici sinus parte, et deinde mari Rubro, ac Barbarico pelago. Huic regioni præfuit tempore Augusti Candace Regina, quæ mouit bellum contra Romanos, quorum præsidium apud Philas oppressit. Eunuchus ille, qui in Actis Apostolorum celebratur, huius fuit Regina præfectus. In hac regione est etiam illa Meroë insula inter Nili amplexus contenta, Elsaba hodiè dicta, in qua D. Matheum Euangelium prædicasse ferunt. Hac Iosepho teste, est illa Saba, unde ad Salomonem profecta est Regina. Ab hac versus ortum Pratoianes, quem illi Giam, id est potentem vocant, suum obtinet imperium, quod etiam longè ultra Nilum, & vsque ad littora maris Indici, & Erithrai seu Rubri extenditur. Non est autem sacerdos, nec ullis sacris initiatus, sed potentissimus Rex, utpote qui duobus & sexaginta alijs regibus imperitare

N

prædi-

pradicetur. Principes atque alios maioris dignitatis Antistites, quum in apertum exeunt, crux praeceat, & aureum vas terra refertum, ut hoc inspectum euntem sua admoneat mortalitatis, illa dominica passionis. Sacerdotes procreationis causa (Græcorum more) ducunt uxorem, quam si morte amiserint, nefas est aliam superducere. Insulae autem iuxta Æthiopiam, quae sub Ægypto est, haec sunt. In Arabico quidem sinu, Astarte, Ara Palladis, Gypsitis insula topasii ferax, Gomadeorum duae, Myronis Insula, Cathatra, quae etiam Chelonitides dicuntur, Insula duae, Thrisitides duae, Magorum insula, Daphnine, Acanthine, Macaria, Orneon, Banchi & Antibacchi, Panis, Diodori, & Isidis. In sinu autem Aualite Mondii insula, Post Aromata verò Emporium et promontoriū Amici insula, Menan insula duae et Myrsiace. Ab oriente harum insularum pelagus Hyppadis vocatur, cui coniungitur ab ortu Solis mare Indicum usque orientem.

Æthiopia omnibus his australior, quae etiam interior & maior appellatur, terminatur à Septentrione Libya interiore & Æthiopia supra Ægyptum, ab occasu verò & Meridie terra incognita Ptolomæo, hodie tamen ab Hispanis & Portugallensibus illustrata usque ad caput bonae Spei, ab ortu autem et Raptio promontorio Barbarico sinu, qui dicitur Asperū mare, propter aestus usque ad Prassum promontoriū, ubi Melinde Regnum. Circumbitant autem hanc Regionem à quorum occidentali parte pertingunt montes Luna, ex quibus Nili paludes originem trahunt, Æthiopes antropophagi, idolo latra ac sarcophagi. Ad occidentem verò sunt Ichthiophagi, quondam Alexandri Magni victi armis, ubi Regnum Gambræ, ubi Zebetum reperitur & varia genera Simiarum. Adhuc autem versus ortum & austrum, ubi terra psittacorum à Neotericis constituitur, Regio magna Cinnamomifera Æthiopum est, in qua elephantes albi gignuntur, Rhinocerores, Tigridesque, & Mamonetum animal de genere simiarum. Atque hætenus, quae Ptolomæus libro quarto meminit.



DE ASIA EIVSQUE

PARTIBVS.

CAPVT XII.

ASI A tertia terra pars est maxima, appellata ab Asia Oceani et Thethyos filia, Iapeti uxore ac Promathei matre: siue ut alij volunt, ab Asio Manai Lydi filio, est ab Europa Tanai fluuio, palude Maotidis, Ponto, mariq; Aegeo, ab Africa verò sinu Arabico, deinde linea, quæ hinc in mare mediterraneum ducitur, discretæ. Tàm latum autem et patens dicunt esse, quicquid terra Asia nomine continetur, ut Europa et Africa reliquæ duæ partes non magis complectantur, quàm hæc sola. Cælo temperato est, solo fertili, et propterea omnium animantium genere cultissima. Prouincias siue Regiones multas habet, quas autem recenset Ptolomeus libro quinto sunt hæc. Pontus ac Bithynia, quæ propriè Asia dicitur, Phrygia magna, Lycia, Galatia, Paphlagonia, Pamphylia, Cappadocia, Armenia minor, Cilicia, Sarmatia Asiatica, Colchis, Iberia, Albania, Armenia maior, Cyprus Insula, Syria caua, Phænice, Palestina, Iudæa, Arabia petraea, Mesopotamia, Arabia deserta, et Babylonia. In sexto verò libro Regiones sunt hæc, Assyria, Susiana, Media, Persis, Parthia, Carmania deserta, Carmania altera, Arabia felix, Hircania, Margiana, Bactriana, Sogdiana, Sace, Scythia intra Imaum montem, Scythia extra Imaum montem, Serica, Aria, Paropamisus, Drangiana, Arachosia, et Gedrosia. In septimo deniq; libro sunt, India intra Gangem fluuium, India extra Gangem, Sinarum Regio, et Taprobane insula.

CAPVT XIII.

De Ponto ac Bithynia, Asia propriè, Ly-

cia, Galatia, ac Paphlagonia, Pamphylia, Cappadocia, Armenia minore, & Cilicia.

PONTVS et Bithynia, à Bithyno rege nominata, terminantur ab occasu ore Ponti, Bosphoro Thracio, et parte Propontidis, à Septentrione parte Euxini Ponti, ab ortu Galatia, et à Meridie, quæ Asia propriè dicitur regione. Sunt autem Regiones diuites et opulenta rerum. Habent enim planiciem, semper roscidam et herbidam. Tantam præterea agrestium pomorum et ultrò nascentiū copiam afferunt, vuarum, prunorum, malorum, ac

nucum, ut quocumq; anni tempore in sylvas exierint, ijs abundant, cum interdum adhuc fructus in arboribus pendeant, interdum lapsa in terram sub folijs iaceant. Vnde & multa etiam ferarum omnis generis in ijs venatio, propter alimonie copiam. Vrbes in ijs praeclarae sunt, Nicomedia, Apamia, Heraclea, Libyssa Hannibalis interitu celebris, Claudio-polis, ubi scripsit D. Lucas Euangelista Euangelium & Acta Apost: Nycea, ubi conciliū Nycenum celebratū est, & Prusa penes Olympum montem Bursa hodie ac Asiatici Imperij caput. Insulae autem adiacent regionibus Cyaneum, Thyrias, & Erithinus scopulus.

Sequitur Asia proprie, quae terminatur à Septentrione Bithynia, ab occasu reliqua Propontidis parte, & Hellesponto, Aegaeoq; pelago ac Icario, Myrtoq; à Meridie Rhodiensi pelago, ab oriente autē Lycia, Pamphylia & Galatia. Hae praeter quod valde celebris est multitudine doctissimorum virorum in omnium disciplinarum genere, habuit etiam templum Dianae in Epheso vrbe celeberrima, eximium Amazonum opus, cui etiam Xerxes pepercit, quod tamen Herostratus, ut nominis sui memoriam perpetuam acquireret, incendit, hocq; scelus sua sponte fassus est. Comprahendit autem Asia haec, Phrygias duas maiorem, & minorem, & hanc quidem Troiadem dici, in qua fluvium & Ida mons, Paridis iudicio memorabilis, Cariam, Mysias item duas, maiorem & minorem, Lydiam, Meoniam, Eolidem, Ioniam, ac Doridem regiones, quae quidem omnes cum adiacentibus magna Turchia dicitur, quae populosa est, & variarum Sectarum, nimirum Turcorum, Graecorum, Iacobitarum, & Armeniorum. Praecipuae civitates in ea sunt, Colophon Homeri patria, Sardis quarum ecclesiam inter septem illas Asiae praecipuas Ioannes Apocalyp. 2. censuit, Philadelphia Lydorum vrbs clarissima, quam proximè tempore D. Pauli terramotus affluxit, commune Asiae malum, & Phiscus, ubi Latona matris Apollinis & Dianae lucus, sub Ioannitarum ante Turcas imperio. Insula verò adiacent Asiae apud Hellespontum Tenedos, à Tenede puella nomen habens, in qua latuerunt Graeci, cum insidias struere tentauerunt Troianis. In Aegaeo autem pelago Lesbos, etiam Mytilene dicta, D. Pauli actis clara, & laudabilis vini feracissima. In Icario verò pelago, Icaria, quae mari nomen dedit, Myndus, Chios, ubi Dianae facies erat in sublimi posita, cuius vultus introeuntibus tristis, exeuntibus verò hilaris videbatur. Vbi etiam mastichen è lentisco manare Dioscorides & Plinius testantur, adeò laudatam medicis, ut nec Indica nec Arabica antecedit, neque quae à Gracia & Ponto aduehitur, melior sit. Pathmos, in qua D. Ioannes Euangelista exulans

lans Apocalypsim scripsit. Samos clara nomine Iunonis, abundans luto fictilibus conficiendis aptissimo. In Myrtoo autem pelago, Arcesina, Begialis. Mynia, Astipalea. In Rhodiaco autem & Carpathio pelago, Syme, Cesus, Cos Hyppocratis medici natale solum, ubi etiam Pamphila Platis filia, prima docuit vestes bombyceas texere ex filis, quæ ex bombycijs sunt. Carpathus clara, & adeo celebris quondam & potens, ut mari etiam nomen dederit. Est & Rhodius sic dicta, eo quod ῥόδον, hoc est, rosa, inter iaciendum fundamenta urbis Rhodi sit inuenta. Hac à sacris Hierosolymitana militie equitibus sub Fulcone de Villaretto magistro magno, è manibus Saracenorum iure belli erepta est anno Domini 1308. die 15. mensis Augusti. Nunc iterum ob Regum & principum inter se sævas discordias, & intestina bella cum summa ignominia & detrimento nominis Christiani à Turcis (toties antea frustra petita & obfessa) occupata anno 1522. Cum eam equites illi ducentis & quatuordecim plus minus annis tenuissent.

Lycia à Lyco rege Pandionis filio cognominata, clarissima quondam Asia regionum, & septuaginta oppida complexa, terminatur ab occasu & Septentrione Asia minore, ab ortu verò parte Pamphylia, quæ à fine est Asia usque ad mare, per Masicytum montem, à Meridie autem mari Lycio. Non tacendum autem Lyciorum quondam florentissimam rempublicam fuisse, & ad Italiam usque dominatu marino pertigisse. Sunt in ea Patera & Myra urbes insignes, illa ortu, hæc episcopatu D. Nicolai. Est Chymera mons, qui continuis noctibus & diebus ignem exhalare ac totus flagrare dicitur. Huius montis ignis aqua incenditur, & terra ac ferro extinguatur. Habet in cacumine leones, in medio pascua, & in imo multitudinem serpentum. Inde in vulgum data est fabula triformis monstri, quod habeat pectus leonis, caprinum ventrem, crura serpentis & flammæ enomat. Insule adiacent Lycia, Maxima, Dolichiste, & Chelidonia scopuli quinque.

Galatia regio sanè ingens fertilis ac diues, quam etiam Turcarum imperator sua adiecit ditioni, limites habet, ab occasu Bithyniam, & partem Asia, à Meridie Pamphylia, ab ortu verò partem Cappadocia usque ad Pontum, & à Septentrionibus partem Ponti. Galatia autem à Gallis est denominata. Hi cum essent nimis multiplicati, recesserunt è Gallia ad querendas novas sedes, venientesque ad Graciam à rege Bithynia in subsidium suscepti contra hostes, nactaque victoria, dedit eis partem regni sui, quæ vocata est Gallogracia deinde Galatia. Huius regionis populi prius Gomorita dicti sunt à Gomor filio Iaphet, ut refert

Iosephus libro primo. Ad hos etiam scripsit D. Paulus Apostolus. Ciuitates insignes in ea sunt, Sinope Mithridatis regis Ponti patria & sepulchrum, Germanopolis caput prouinciae Turcarum. Gordinus, cuius templum ingressus Alexander, nodum Gordium, quum manu explicare non posset, gladio secuit, ceu lib. 3. tradit Curtius. Pompeiopolis à Pompeio condita, & Ancyra, ubi Synodus Ancyrana post tempora Marcellini Papa celebrata fuit, de qua meminit Gratianus in Decretis.

Pamphylia, Mopsopia cognominata, terminatur ab occasu Lyciae & parte Asiae, à Septentrione Galatia, ab oriente Cilicia et parte Cappadociae, à Meridie verò ipso Pamphyliae pelago, ubi Cymonis Atheniensium ducis aduersus Phonicas et Persas naualis pugna atq; victoria fuit. Vrbes in ea celebres sunt inprimis Attalia ab Attalo cognomine Philadelpho dicta, si Straboni credimus, Sida à Cumanis Asiae condita, Perga ob Fanum Dianae, quae inde Pergea dicta est, Aspendus ab Aspendo conditore, et Phaselis à Mopso condita, finis Phamphyliae. Insula autem adiacent Pamphyliae Crambusa et Apelbusa Insula, Attalebusa Plinio.

Cappadocia, quam à Cappadoce amne Plinius dici putat, gentium uniuersarum, quae Pontum accolunt, praecipue introrsus recedit. Terminatur ab occasu Galatia, & parte Pamphyliae, à Meridie Cilicia & parte Syriae, ab oriente Armenia magna, & à septentrionibus parte Ponti Euxini. Est terra diues clarorum praesulum, quae ne sic quidem tot memorijs onusta reliquae Asiae conferri queat. Perfunditur etiam claris amnibus, quorum memoratissimus Halys, Cerasi aliquando regnorum ab ortu terminus, ut testis est Herodotus. Est & altrix equorum, & prouentui equino accommodatissima. Urbium autem dignarum memoratu, maximè clarum est, Caesarea, ubi praesules Basilus & Gregorius Nazianzenus, viri non doctrina solum, sed pietate etiam conspicui, Tyana, ubi Tyanensis quondam Synodus habita, cuius Sozomenus meminit. Amasia Strabonis patria, & Trapezus Metropolis prouinciae Turcarum.

Armenia minor, quae olim Leucosyria, ut ait Procopius, appellata est, terminatur à Septentrione et occasu Cappadocia, ab ortu Euphrate, et à Meridie Cilicia et monte Amanus. Est regio non infrequens, et Asiaticis opibus atq; commercijs splendens. Huius regionis incolae Christiani quidem sunt, sed dissident à Romana Ecclesia. Habent enim suum Primatem, quem vocant Catholicum. Vrbes celebres in ea sunt, Nicopolis, cuius conditor Pompeius fuit, clarissimis quondam illis in locis contra Mithridatem et Tigranem victorijs potitus, unde et urbi nomen datum, et Sebastia sanctorum Quadraginta Martyrum passione clarissima, teste Basilio Magno Hom. 20.

Cilicia

Cilicia, quæ auctore Curtio propemodum tota, nisi ubi pelagus est, montibus includitur, à Septentrione Cappadocia ac minore Armenia, ab ortu Amanò monte ac Syria, ab occasu Pamphylia, & à Meridie mari Isico siue Cilicio terminatur. Hæc regio quondam, teste Solino, usq; ad Pelusium Ægypti pertinebat, ac Lydijs, Medis, Armenijs, Pamphylia, ac Cappadocia imperitabat. Regio est fertilis, & ut ait Marcellinus, bonis omnibus diues. Vrbes celebres habet quã plurimas, quarum omnium Metropolis fuit Tarsus, quam Romani incolumi etiamnum imperio, propter dignitatẽ et vetustatem, liberam esse voluerunt, patria D. Pauli. Est & Solos oppidum antiquum patria Chrysippi Stoica sapientiæ potentissimi, quod Pompeius, Piratiko bello confecto, & plus mille trecentis nauibus combustis, Pompeiopolin de se vocauit, captiuus ex pugna, quos vita dignos iudicasset, eò deductis, & Seleucia aspera Trachiotis cognomita Plinio.

CAPVT XIII.

De Sarmatia in Asia, Colchide, Iberia, Albania, & Armenia maiore.

SARMATIA Asiatica terminatur ab ortu Scythia & parte Caspij maris, ab austro Albania, Iberia, Colchide, & parte Euxini Ponti, ab occasu Palude Mæotide, Sarmatia Europa, ac Cimmerico Bosporo, ab Arctis terra incognita Ptolomæo. Est regio nemorosa & plurimum paludinea, pluribus & maximis fluminibus irrigua, piscibus ob id & feris varijs abundans. Nutrit & vrsos, alces, atq; magnos & nigros lupos, nostris truculentiores. Insigniores in ea vrbes sunt, Hermoneffa Madaq; hodiè, Oenanthia hodiè. S. Sophia, Tana, Nauaris, & Mosca Regia vrbs magna & populosa, duplo maior, quàm Praga Bohemia.

Colchis, auri & metallorũ diues, xtima est occasum versus, & nobis proxima, regio nõ historia modò celebrata, sed & fabula, Medea scilicet et Iasonis, & aurei illius velleris fama, quæ unde locũ habuerit, & unde Poëtis nugandi occasio data sit, abundè explicuit libr. 11. Strabo. Terminatur autem à Septentrione parte Sarmatia Asiatica, ab occasu Ponti Euxini parte, à Meridie sinu Cappadocio & Armenia maiore, et ab ortu Iberia. Ex oppidis inter mediterranea, Surium, maxime clarũ est, è maritimis autem Dioscurias Emporium adeò celebre quondam, ut Plinius libr. 6. cap. 5. tradat Romanos 130. interpretibus negotia Dioscuriade gessisse, ob gentium, quæ illò confluxissent, linguas tam dissonas.

Iberia

Iberia Caucasus & Moschicis montibus, quæ Tauri pars sunt, velut septis quibusdam inclusa, terminatur à Septentrione Sarmatia, ab occasu Colchide, à Meridie parte maioris Armenia, & ab oriente Albania. Hæc autem regio, quò angustior est, hòc frequentius habitatur, sed minus tamen memorabili rerum prouentu. Urbium eius, celeberrima est Armaëtica, quæ Harmastis, Plinio, & Harmosice dicitur Straboni.

Albania superfusa montibus Caucasus adusque Cyrum amnem, ubi Armenia & Iberia confinium est, descendit, clarisq; amnibus à Canaso venientibus perfunditur. Terminatur à Septentrionibus Canaso venientibus perfunditur. Terminatur à Septentrionibus Sarmatia, ab occasu Iberia, à Meridie parte maioris Armenia, & ab ortu mari Caspio siue Hyrcano. Est terra non aëris solum salubris & sereni, sed eximia etiam fertilitatis. Nam multis in locis semel sata bis teruè fructum reddunt, nouella vites in bimatu feraces cernuntur, adulta ferè tantum reddunt, ut pars maxima in palmitibus relinquatur, sicut libro undecimo scribit Strabo. Oppida eius regionis plura, sed ex veteribus memoratum, Chabala, Cabalaca Plinio. Insula autem adiacent Albania dua palustres.

Armenia maior terminatur à Septentrionibus parte Colchidis, Iberia & Albania, ab occasu minore Armenia ac Euphrate, parte etiam Cappadocia, ab oriente parte Hyrcani maris & Media, & à Meridie, Mesopotamia, atq; Assyria. Regio hæc intus ferè montibus et collibus exasperatur, & innumeris conuallibus ceu lacinijs quibusdam diuiditur, quarum quidem eximia est fertilitas, nisi quòd vitem loca quædam respuunt. Gignit & equos tam præstantes, ut cum Parthicis Medisq; & Albanis nobilitate certent. Sed & reliquo pecore propter agri bonitatem abundat. In vertice Gordei montis Armenia post diluuium arcam Noë consedissee ferunt, Boccatius & Haitthonus. Urbium autem Armenia duntaxat vetustarum, quarum recepti Scriptores meminerint, præcipue sunt iuxta Tigrim, Tigranocerta adito & munito loco, iuxta Araxem autem Artaxata, ab Hannibale, quum ab Antiocho in has terras discessisset condita. Est & Nicopolis extructa à Pompeio inter Euphratis & Araxis initia, cum contra

Mithridatem Lucullo successisset. Memoratur & Albanopolis Sophronio, D. Bartholomai Apostoli tumulo clara.

CAPVT

CAPUT XV.

De Cypro Insula, Syria, atq; eius partibus,

Phænice, Caua Syria, Palestina Iudæa, Arabia petreæa,
Mesopotamia, Arabiæ deserta, ac Babylonia.

CYPRVS Insula, quam Iaphet Noë filius primum inhabitauit, nouem aliquando, ut Pomponins Mela tradit, regnorū sedes, media inter Ciliciæ Syriaq; littora iacet, longitudine ab occasu in ortum ducta, & à borea Cilicio, ab occasu Pamphilyo, à Meridie Phænicio & Ægyptiaco, ab ortu Syrio mari clausa, abundat vino, saccharo, sale & oleo, frumenti quoque satis habet. Abundat etiam æris metallis, in quibus vitreolum & rubigo æris nascitur, ad medicinæ usum idonea. Regia sedes fuit in Nicosia, à qua octo Germanicis miliaribus distat Famagusta alia insignis urbs. Hæc insula sub Venetorum dominio erat, sed iam peccatis nostris summi Dei in nos grauissimam iram concitantibus, per Turcas expugnata cum magna Christianorum profligatione anno 1571. Insula verò penes ipsam sunt, quæ appellantur Clides, & Carpasias.

Syria regio sacris litteris multum celebrata terminatur ab occasu mari Syriaco & monte Aman, à Septentrione Cilicia & parte Cappadociæ, à Meridie Iudæa Palestina, intercedente Carmelo monte, & ab ortu Arabia deserta, Mesopotamia, ac flumine Euphrate. Est autem tota regio variarum opum diues, frugum fertilis, & balsamis optima. Vnde multi ex diuersis regionibus potentia & diuitijs pollentes, eum locum sibi ad inhabitandum elegerunt, ciuitatesq; & oppida sibi condiderunt. Sub ea Phænice comprehenditur & Syria Caua. Porro Phænices primi mercandi usum excitârunt, cæli insuper & stellarum cursum, omniumq; superiorum motum ingenij magnitudine inueniunt. Litteras etiam & litterarum operas, aliasq; artes, maria nauibus adire, classe configere, imperitare gentibus, regnū præliumq; commenti. Clarissimarum urbium in Caua Syria ea prima & præcipua est Damascus, qua vetustior in tota Asia vix est, cum fuerit extructa ante Abrahamæ tempora, ubi S. Paulus baptismum suscepit, et propè eam in terram prostratus fuit luce cælesti, dum persequeretur Christianos. Est etiam Antiochia, rerum aduectitiarum copia celebris à Seleuco illo primo Syrorū rege, ut existimatur condita, dein ampliata ab Antiocho, unde & nomen eius retinuit. Est et Palmyra Hebraicè Thamor à Solomone constructa, de qua inter Parthos & Romanos diu

de imperio est certatum, postea ab Hadriano Hadrianopolis est dicta, teste Stephano. Nec pratermittenda est & Tyrus urbs olim Phanicis maxima, Sidoniorum Colonia, negotiatio maris, emporium totius orbis, olim quidē insula, sed ab Alexandro Magno propter expugnationem multis in breui freto comportatis aggeribus, terra continens facta est. Adiacet Syria Aradus insula à continente 20. stadia semota.

Palestina Iudæa particularis Syriae prouincia primū terra Chanaan, deinde terra Israël & Iudæa dicta fuit, ac propter Philistym seu Palestinorum cohabitationem, Palestina. Clauditur mari mediterraneo, Iordane fluuio, monte Libano & termino Ægypti. Metropolis eius est urbs illa toto orbe memorabilis Hierusalem, princeps prouinciarum, possessio Patriarcharum, Prophetarum et Apostolorū mater, iniciatrix fidei & gloria populi Christiani, sita in terra optima, quæ olim habitatoribus suis lac & mel fluens, nunc verò uniuerso orbi remedia salutis & vitæ porrigit alimenta. De Sion enim egressa est lex, et verbum domini de Hierusalem. Hanc dominus ab initio singulari supra alias terras fauore prosequi dignatus fuit. Cum habitatores eius essent recti & optimi, terra quoque ipsa variarum opum fuit diues, frugibus fertilis, aquis illustris, opima balsamo & omni rerum genere abundans. Quando verò Dei obliti in vitia proruebant colebantque idola, nulli non fuit pesti obnoxia. Bestijs malis patebat introitus, lepra passim omnia corripiebat, nedum corpora hominum, verum & habitacula atque vestes eorum hostilis gladius undique habitatoribus imminebat, fames, sitis, clausura cæli, multiplexque illa maledictio, quæ Deut: 27. describitur, fines eius peruagabatur, ut iam non terra optima sed infelicissima, inculta, sterilis, omni dulcedine carens, suos habitatores deuorans, anea, dura & tota horrida esse diceretur, qualis et in hunc usque diem esse deprehenditur ab ijs, qui eam peregre accedunt. Caterum Iordanis efficit nonnullos lacus in terra, præsertim eum quem vocant mare Galilee, Lacum Samachonitem, qui æstate siccatur in paludes; & sylua, quæ obducitur, infesta est leonibus. Porro lacus Asphaltis, quinque urbium subuersione memorabilis, fumosus est, & nullum corpus animantis recipit, sed tauri & cameli in eo fluitant, etiam homines nandi imperiti, ubi ad ilia usque in eum processerint, attolluntur. Vallis syluestris est & plena salinis, quam Asphaltis lacus inundauit, antiquitus verò cultissima erat, adeo ut ob felicitatem paradiso Dei conferretur. Mansit eius species apud Iericho & Engadi, ubi adhuc palmeta sunt & horti balsami.

Arabia Petraa terminos habet ab occasu Ægyptum, à Septentrione

trione Palestinam Iudeam, à Meridie interiorem sinum Arabicum, & ab ortu Arabiam Felicem ac Desertam. Hæc veteribus ob squalorem & sterilitatem, parùm quidem laudata, nobis verò rerum verè diuinarum memoria ita frequens & celebris existit, ut multis nominibus odorifera illi & diuiti ac felici, quam gentes extollunt, præferri & anteponi debeat. Nam ut summas tantùm rerum attingamus, Israël sicco pede Rubrũ mare transgressum, prima omnium hospitali benignitate excepit, nec minùs quadraginta annis tenuit. Est etiam in ea terra Madian, quæ Moſen aduenam, cum coniuge & charis liberis quadraginta annis aluit. Est & mons Sina, priùs Moſi uocatione per angelum in flammeo rubi incendio, mox & legis diuina eodem in monte data, stupenda reuelatione nobilitatus, ubi etiam corpus beatæ Catharinæ virginis sepultum est per angelos. Inter oppida minimè obscura in ea, præcipuum est Petra, regia quondam gentis, & quæ proximè aduentum Seruatoris nostri potentissimum regem Aretam habuit, cuius sæpiusculè Iosephus meminit.

Mesopotamia regio, quòd inter duos amnes Tygrim & Euphratem media sit, *μεσοποταμία* dicta est, terminatur à Septentrione Armenia maiore, ab occasu Euphrate fluuiò ac Syria, ab ortu Assyria per amnem Tygrim, & à Meridie reliqua parte Euphratis iuxta desertam Arabiam usq; ad finem. Est autem tanta fertilitatis, ut exiles agri quinquagesimum, cultiores verò centesimum fœnus reddant, teste Plinio. Causa autem tantæ fertilitatis est humor, qui ex utroque amne manat, toto ferè solo per venas aquarum redundante, ait Curtius. Fert & pascua ad pascenda pecora, latissima, fert quæ semper virent arbores, & aromata, alitq; leones. Oppida habet plurima, sed omnium, quæ meminisse referat, Carræ præcipuum, ubi Abraham habitauit, ubi & M. Crassus uirges auaritiæ, cum Ro: exercitu cæsus est. Item Edessa Abagari quondam regis ciuitas.

Arabia deserta, spaciòsa quidem est, nec paruis solitudinibus, ubi serpentes & bestię immanes morantur, vasta, qua de re nomen ei esse putandum est, cum alioqui non paucis oppidis & numerosa bellicosaq; gente habitetur. Habet à Septentrione Mesopotamiam, ab oriente Babyloniam, à Meridie Felicem Arabiam, & ab occasu partibus Syria, & Arabia Petræ. Celebre inter oppida aliquando fuit Tapsacum Euphratis impositum ripæ.

Babylonia, quæ & Chaldæa etiam à quibusdam dicitur, terminatur à Septentrionibus Armenia magna parte, ab occidente Mesopotamia, à Meridie Susiana, ab oriente autem Media. In ea, præter sum-

mam fertilitatem, est etiam Babylon urbs grandis atque Metropolis, tanta celebritatis, ut tota Chaldaea, Mesopotamia & Assyria, Babylonia sit appellata, sexaginta millia passuum amplexa, muris ducenos pedes altis, quinquagenos latis, in singulos pedes ternis digitis mensura ampliore, quam nostra, interfluo Euphrate, mirabili opere utroque. Habuit et hortos pensiles, quos siue Semiramis, siue Assyria Rex Cyrus fecerit, non satis constat. Pensiles autem dicti sunt, quod supra adificia facti vel columnas, erecti pendebant, inter septem mundi miracula celebratissima. Atque haec tenus de regionibus, quas Ptolomaeus libr. 5. recenset.

CAPUT XVI.

De Assyria, Media, Susiana, Perside,

Parthia, Carmania deserta, Arabia Felix,
Carmania altera, ac Hyrcania.



ASSYRIA terminatur à Septentrionibus Armenia magna parte, ab occasu autem Mesopotamia, à Meridie verò Susiana, & ab oriente parte Media. In hac autem regione raro pluit, sed fluminis irrigatione & accolarum labore magna frumenti ubertas paratur. Palmis vescuntur, ex quibus mel et vinum conficiunt. Urbes in ea celebres sunt Ninive, quae Iona Propheta praedicationem audiuit, nunc vastata tota est, ut tradit Haithonus libr. de Tartaris. cap. 11. Est et Arbela, ubi Darius vicit Alexander.

Media à Medo Meda et Aegai Atheniensium Regis filio, vel ut Iosephus ait à Medeo Iaphet filio appellata, terminatur à Septentrione mari Hyrcano, ab occasu maiori Armenia et Assyria, à Meridie Perside, & ab oriente Hyrcania ac Parthia, quae montibus excluditur. Sterilis regio, qua ad Septentrionem obuersa est: quo fit, ut ex malis in hunc usum exiccatis ac contusis massam conficiant, ex tostis amygdalis panem, ex herbarum radicibus vinum, ferinis carnibus plurimum victitantes. Sagittandi equitandique studium genti praeipuum ac penè peculiare. Ecbatanis caput esse regionis, ab Arphaxat condita, ut in libro Iudith habetur.

Susiana à Suso flumine, siue à Susis Assueri ciuitate magna, quae Metropolis regionis est, speciale nomen sortita, terminatur à Septentrione Assyria, ab occasu Babylonia, à Meridie verò sinu Persico, & ab ortu Perside. Porro Susa hodiè Baldach dicitur, in qua agit Pontifex magnus Saracenorum, quem Caliphum vocant teste M. Paulo Veneto libr. 1. cap. 16. & Haithono Cap. 15. Insula verò adiacet Susiana, Taxiana nomine.

Persis

Persis, quæ & Persia, à Persæ Iouis & Danaës filio dicta, terminatur à Septentrione Media, ab occasu Susiana, à Meridie Persico sinu, & ab ortu solis Carmanijs duabus. Est regio fertilis & salubris temperatum habens cælum, multisq; vicis & urbibus frequens & culta, regno quoq; quondam omnium Asia maximo & potentissimo, nobilitata. Persepolis regionis est Metropolis, & totius orientalis Imperij olim caput, in quâ à multis Regibus immensa gaza congesta erat, quâ Alexander Magnus, orbis terrarum pavor, diuitijs refertam cepit & diruit, multis auri talentorum millibus receptis. Insula autem Persidi adiacent, Tabiana, Sophtha & Aracia.

Parthiam montibus undique cinctam, Parthi Scytharum exules à se vocauerunt, terram videlicet furto occupatam, definitur ab occasu Media, à Septentrione Hyrcania, ab oriente Aria, & à Meridie deserta Carmania. Est regio nemorosa & montana, inopsq; frugum, vini tamen ferax, & ut ait Strabo, apes in arboribus mellificare solent. Gens ipsa primum fuit obscura, postea Macedonibus seruiuit, sed procedente tempore tantum in virtute creuerunt, ut non tantum finitimis imperarent, sed à Romanis bello petiti, eos magnis cladibus vicerint. Inter urbes regia est Hecatompylon, id est, centum habens portas, de qua meminit Apollodorus.

Carmania deserta terminatur ab occasu parte Persidis, à Septentrionibus Parthia, ab oriente parte Aria, & à Meridie altera Carmania. Qui hanc inhabitant, sine veste ac fruge, sine pecore ac sedibus esse, & piscium cute se velare tradit Pomponius libr. 3. cap. 8. D. Hieronymus quoque contra Iouianum libr. 2. scribit, super petras solis calore feruentes, pisces assare, & hoc solo alimento victitare.

Arabia tertia, quæ propter fertilitatem & fructuum copiam Felix nominatur, terminatur à Septentrionibus lateribus Meridionalibus Petrae, & deserta Arabia, & parte australiori Persici sinus, ab occasu sinu Arabico, à Meridie mari Rubro, & ab ortu sinu Persico & mari Rubro. Producit autem Calamum, myrrham, thus, & casiam, cinnamomum, ligna odorifera, & resinam suauissimi odoris, ut etiam mira fragrantia ex illa regione spiret ad eos, qui in mare à longè adueniunt. Urbes in ea celebres sunt Badeo regia Mecha hodiè, ibi Mahometis sepulchrum à Turcis summa deuotione visitatur, peregrinisq; ibidè nihil aliud ostenditur, quàm deauratus calcens Mahometis in testudine templi pendens, teste Bartholomæo Georgenitæ Hungaro, & Methath, ubi Mahometus Alchoranū, legem Turcarū et Saraceno-rū Anno 624. conscripsit. Sed harū omnium celeberrima est Saba re-

gia, sedes quondam Gasparis Magi, qui de auro Aurabico dona ferebat puero IESV. Insulae autem regioni adiacent iuxta sinum Arabicum, Ani, Timagenis, Zigana, Daemonii, Polybii, Ieracum, Socratis, Cardamina, Ara, Combusta, Meliachi duae, et Adani duae. In Rubro vero mari Agathoclis duae, Cocconati tres. Dioscoridis, Tritaë. Et iuxta Sachalitem sinum Zenobii septem, Organa, quae Ormus nunc dicitur, in qua Christiani quidem, licet Mauris pareant, et Serapiadis. In sinu denique Persico Apphana, Ichara, Tharro, Tylus, et Aradus.

Carmania altera, quae hodie Magolista dicitur, terra non tam auro, ferro, et are laudatissimo, sed opibus marinis quoque celebris, terminatur à Septentrione Carmania deserta, ab oriente Gedrosia, à Meridie mari Indico, et ab occasu Perside et sinu Persico. Carmanis predicatione D. Thomae Christum innotuisse, author est Sophronius: hodie vero sub imperio Persarum est. Urbes habet praeclaras Arcinum emporialem, Carmanam Metropolim, et Oram Bisnagar, hodie triplici circumdatam muro, ubi Rex potentissimus Narfindus. Insulae autem adiacent Carmaniae in Persico quidem sinu Sogdana, in qua Miltus, et Vorrochtha. In Indico autem mari Polla, Carminna, et Liba.

Hyrkania dicta à sylva Hyrcana, quae Scythiae subiacet, terminos habet à Septentrione Hyrcanum pelagus, ab occasu Mediam, à Meridie Parthiam, et ab oriente Margianam. Est autem sylvis aspera, copiosa immanibus feris, tigridibus, pantherisque et pardis, Est in ea uberissimum gignendis vis solum. Frequens arbor in ea quercus, cuius folia ante ortum solis multò melle tinguntur, sed orto sole modico tempore succus extinguitur. Civitates in ea feruntur celebres Hyrcania Metropolis, Adrupsa, et Saca. Adiacet regioni unica insula nomine Talca.

CAP V T XVII.

De Margiana, Bactriana, Sogdiana, Saxis, duabus Scythijs, ac Serica.



MARGIANA amenis montibus undique inclusa, terminatur ab occasu Hyrcania, à Septentrionibus parte Scythiae, à Meridie parte Aria, et ab oriente Bactriana. Est autem amenitatis adeò inclita, ut in ea vitem inueniri asserat Strabo, cuius stipitem duorum hominum vix vlna complectantur, racemum vero duorum cubitorum orbem implere, quod Alexander miratus ibi primum Alexandriam condidit, qua diruta à Barbaris Antiochus Seleuci filius eodem loco restituit Seleuciam.

Bactriana

Bactriana terminos habet ab occasu Margianam, à Septentrionibus & ortu Sogdianam diuisam ab ea Oxo amne, & à Meridie Ariam & Paropamisadas. Bactriana autem terra, ut ait Curtius, multiplex & varia natura est, alibi arbor & victis largos mitesq; fructus alit, solum pingue, crebri fontes rigant, quæ mitiora sunt frumento conferuntur, cetera armentorum pabulo cedunt. Sed oleo dumtaxat solo caret, alitq; camelos fortissimos. Mille in ea olim urbes, inter quas ipsa Bactra regionis est Metropolis, sita sub monte Paropamisso. Bactrus autem amnis præterit mania, is urbi & regioni dedit nomen.

Sogdiana terminos habet ab occasu & septentrionibus Scythiam intra Imaum montem, ab oriente verò Sacas, & à Meridie Bactrianam et Indiam. Proditur autem multis in locis harenis sterilem et squallidam esse, atque aquarum penuria cultorem non admittere, quod sanè multis locis, Orientis præsertim & Austri, alioquin fertilissimis accidit. Sunt in ea duæ Alexandria, Oxiana scilicet ac ultima. Sunt & ara Herculis, Bacchi, Cyri, Semiramidis, & Alexandri, ambitioso nimirum victoriarum commento, ut quantum gloriæ vincendo illi essent assecuti, posteritas cerneret.

Saca, Nomades dicti, terminantur ab occasu Sogdiana, à Septentrionibus Scythia intra Imaum montem, ab oriente verò Scythia extra Imaum montem, & à Meridie ipso Imao monte ac India intra Gangem. Est regio nemorosa, & pastu quàm frugibus uberior, ciuitates non habent sed speluncas & lucos inhabitant. Sacis autem & vicinis populis Christum Dominum D. Thomæ Apostoli ministerio prædicatū fuisse, Sophronius, & ante eum Eusebius scriptum reliquerunt.

Scythia à Scythæ Herculis filio, ut tradit Herodotus, dicta, duplex est. Vna intra Imaum montem. Altera extra Imaum. Scythia intra Imaum montem terminatur ab occasu Sarmatia Asiatica, à Septentrionibus terra Ptolomæo incognita, ab oriente verò Imao monte, & à Meridie Sacis, Sogdiana & Margiana. Eius populi nullis constant terminis, eò quòd agros non colant, neque conuenticula celebrent, sed per solitudines & inculta vagantur loca: habent enim domos volubiles in plaustreis, & sic armenta pecoraq; præ se agentes, coniuges & liberos plaustreis, vehunt, ubicunque voluerint.

Scythia extra Imaum montem terra Mongal magna Tartarie pars hodiè dicitur, & definitur ab occasu Scythia interiori & Sacis, à septentrionibus terra Ptolomæo incognita, ab oriente Serica, à Meridie verò India extra Gangem. Regio est plurimum montosa, ubi campestris est, admixta glareæ harenosa est, sterilis nisi aquis fluminali-

fluuijalibus, quæ tamen rarissima sunt, irrigetur, & ob hanc etiam causam multum deserta & infrequens est, ciuitates in ea nulla, nulla uille, præter unam, quæ Cracuris dicitur, lignis in plerisque locis adeo inops, ut arido bouum et equorum stercore incolæ ipsi ignis fouere atque cibaria decoquere cogantur. Strepunt equitatus gloria, uescuntur humanis carnibus, & interfectorum caluarias habent pro pateris.

Serica terminatur ab occasu Scythia, quæ extra Imaum montem est, à septentrionibus et ortu terra Ptolomæo in cognita, à Meridie uerò India extra Gangem. Maxima ibi copia vermiculorum, qui sericum conficiunt, quorum apud Siculos, Italos, Hispanos, & iam nunc etiam in Germania locis aliquot ad eum usum nutriuntur. Est etiam ibi mira aëris clementia, et longissimus auus. Nam ducentessimum uitæ annum excedunt incolæ. Rutilus habent comas, oculos ceruleos, uitant reliquorum mortaliū catus, frugalissimi & pacatoris uitæ cultores. Aduenis illuc euntibus ad emenda serica nulla sermonum uice, rerum precia solis proponunt oculis. Nihil sibi comparant aduectitiū, et ideo iustissimi, quietissimi, sanctissimiq; omnium mortaliū iudicantur.

CAP V T XVIII.

De Aria, Paropamisadis, Drangiana,

Arachosia, Gedrosia, duabus Indijs, Sinarum Regione, & Taprobana Insula.



ARIA terminatur à septentrionibus Margiana & parte Bactriana, ab occasu Parthia, & Carmania deserta, à Meridie Drangiana, & ab oriente Paropamisadis. Regia seu Metropolis in ea est Ocerra, & Alexandria, ab ipso Alexandro condita, quam præterfluit Arius fluuius. Est autem regio multis in locis fertilis. Turquesten regnum Haithonus & Marcus Venetus appellant.

Paropamisada à monte Paropamiso, eis à septentrione imminente, sic dicti, terminantur ab occasu Aria, à septentrionibus parte Bactriana, ab oriente parte India, à Meridie uerò Arachosia. Est autem regio omnium rerum, oleo dumtaxat excepto, fertilis, & Turquestensis Tartarorum regni pars. Ciuitates insignes in ea sunt, Naulibis, & Carura, quæ & Orthospa dicitur.

Drangiana terminatur ab occasu Carmania deserta, à septentrionibus Aria, ab oriente Arachosia, & à Meridie parte Gedrosia. Ciuitates autem & oppida non obscura in ea sunt Prophthasia, et Ariaspe. Incolæ uerò lapidum preciosorum uestiumq; copiam habent sericarum.

Arachosia

Arachosia solibus ambusta & sterilis, terminatur ab occasu *Dran-
giana*, à Septentrionibus regione *Paropamisadum*, ab Oriente parte
India intra *Gangem*, à Meridie verò *Gedrosia*. In hac quoque est *Ale-
xandria*, & *Arachotus* urbs celebris à *Semiramide* illa *Babylonica*,
qua *Indos* quoque petijt, condita. Huius regionis incolas *Dionysius*
Λινοχλαίνας, appellat, id est, lincis utentes vestibus.

Gedrosia Tarse regnum *Haithono* & *Sabellico*, terminatur ab
Occasu *Carmania* altera, à Septentrionibus verò *Drangiana* & *Ara-
chosia*, ab Oriente parte *India* intra *Gangem*, & à Meridie *Indico*
pelago. *Plinius* libro 9. cap. 3. de *Indici* maris beluis loquens, tradit
Gedrosos *Alexandri* classium præfecto prodidisse domibus fores maxil-
lis beluarum facere, ossibus autem tecta contignare. Quod sanè mini-
mè fabulosum existimandum est, ea ossa contemplantibus, quæ vel à
mediterranei maris beluis allata in templis etiam dicata conspiciun-
tur. Insignes in ea urbes sunt *Musarna*, & *Arbis*. *Insula* verò adia-
cent *Gedrosia* *Asthaa*, & *Codane*. Sciendum autem has regiones ab
Macedonibus olim duce *Alexandro Magno* regis *Philippi* filio lustra-
tas fuisse, alioqui non usque adeò celebres esse, nihilque memoratu dignum
habere, & apud veteres raram, vel nullam potius esse mentionem. Atque
hactenus de Regionibus, quas *Ptolomeus* libro sexto recenset, quas au-
tem in septimo habet, etiam paucis attingamus.

India intra *Gangem* desinitur ab occasu regione *Paropamisadum*,
Arachosia, & *Gedrosia*, à Septentrionibus autem *Imao* monte iuxta
superiacentes sibi *Sogdianos* & *Sacos*, ab oriente verò *Gange* fluuio, &
à Meridie *Indico* pelago. Est autem regio mercium diues, omniumque
illius ora partium fertilissima, quippe illi etiam hyems fructus edit,
omniaque in totum in ea regione grandiora procerioraque proueniunt,
quam alijs terris. *Arbores* multis locis linifera, gemmarum, marga-
ritarum, piperis, cinnamomi, & calami aromatici magna copia. Li-
gnum etiam *Ebeni* magno quondam aestimatum mittit quidem, sed
præstantius *Æthiopia*, fruticosum enim est, *Æthiopicum* autem enodi-
trunco, & parte medullacea nigrum, durum, ac graue, reliqua magna
parte cum *Arabicis* & *Æthiopicis* littoribus communia habet. Gen-
tes habet multas & oppidis adeò est exculta, ut quidam in ea 5000. esse
dicant. Sed mirum in tanta laxitate terrarum & montium, quæ au-
rum tamen & argentum ferat, neque illi neque plumbum gigni, quod
veteres modò prodiderunt, sed margaritis illa permutari. *Deserta*
eius *dracones* habent, & tanta magnitudinis serpentes, ut *elephantes*,
cum quibus eis perpetua discordia est, circumflexu facili ambiant,
P
nexusque


nexuq; nodi perstringant teste Plinio. Habet fluuios memorabiles Gangem, Indum & Hypanum, sed omnium maximus Ganges, qui ubi est angustissimus, XII. M. passuum, ac insuper quingentis, ubi latè patet, author est Arrianus, alit crocodilos, delphines, & alias beluas. Ciuitates in ea celebres sunt, Camanes, hodiè Calicut, Emporium aromatum totius orbis, Portugalsibus frequentatum. Colchi Emporium regia ciuitas, cuius rex Lusitanorum est amicus. Curula Colon hodiè, ciuitas & regnum, Contacossyla, & Pallura, sed harum omnium celebratissima est Caticardama, Ciromandel hodiè, ubi S. Thomas Apostolus fuit sepultus. Insula autem adiacent huic India Scylana seu Zailon, cui quaterni reges longè lateq; imperitant, adeò in immensum patefcit, habetq; montem excelsum, quem montè Adæ vocant. Putant enim incolæ in hoc monte Adamū pœnitentiā egisse. Abundat preciosis lapillis pyrotis scilicet, quos rubinos vocamus, hyacinthis, Zephris ac topazijs, in qua etiam multa aromata crescere fama est. In Canticolpo verò sinu, Barace, Milizigeris, Heptanesia, Tricadiba, Piperina, Trinesia, Leuce, Nanigeris, & in sinu Argarico Cory insula.

India extra Gangem, quam etiam minorem vocamus, & ab incolis Munici regio nuncupatur, terminatur ab occasu Gange fluuiio ac altera India, à Septentrionibus Scythia & Serica, ab Oriente Sinarum regione, à Meridie autem Indico pelago. Est regio fertilissima abundans auro, argento, & lapidibus preciosis. Habet etiam tigres & elephantes, gallos gallinaceos barbatos & coruos, & psittacos albos. Ciuitates insigniores, quas habet, sunt, Baracura Emporium, Bangella hodiè ciuitas fœcundissima & regnum latissimum, Balonga Metropolis inter Orientales nulli secunda. Et in Aurea Chersoneso Tacola Emporium, Malacha nunc dicitur, miræ magnitudinis, à Portugalsibus vi capta, quod testatur epistola Emmanuelis regis ad Leonè decimum Pont: Max: Insula autem dicuntur adiacere India huic Baza-cata, ubi concha multa reperiuntur, & qui hanc incolunt, nudi continuo degere feruntur. Anthropophagorum tres, Bona fortuna, Barussa quinque, Sabadiba tres, Fabadij, id est, hordei insula: feracissima enim hac insula dicitur, & prater ea auri multum efficere, Satyrorum insula tres, quarum incolæ caudas habere dicuntur, quales Satyris pingunt, pictores, & Mariola decem, in quibus dicunt nauigia, quæ clauos ferreos habent, detineri, ac ideò illa ligneis compaginant, ne quando lapis Herculeus, qui circa ipsas gignitur, illa attrahat, obq; hoc super trabibus ea in sicco firmari asserunt.

Sinarum regio, de qua nihil propemodum est apud Authores, terminatur

minatur à Septentrionibus Serica, ab ortu solis atq; Meridie terra, Ptolomæo incognita, ab occasu India extra Gangem ac ipso magno sinu, & partibus, quæ deinde adiacent Ferinis appellatis. Huius rex potentissimus totius ferè mundi celebratur, qui ne regium stemma alieno polluat sanguine, sororem in coniugem sumit. Nulli se conspicuum præbet. Palatium habet mirificè extructum, septupliciq; muro communitum, inter quemq; ambitum perpetuò vice mutata, decies milleni custodes excubant. Principes immorigeros pelle exuit. Gens candida, sic satis, quæ vestibus mensaq; pro epulis ritu ferè nostro utitur, legis Christiana expers, crucem tamen Domini (ignota causa) magnificè veneratur. Ciuitates in ea insignes sunt Cattigara, Aspithra, Sarata, & Metropolis seu regia Sina.

Taprobanes insula Cory India promontorio opposita, ac omnium maxima apud Ptolomæum, antequàm temeritas humana exquisito penitus mari fidem panderet, diu orbis alter putabatur, & quidem is, quàm habitare Antipodes crederentur, verum Alexandri Magni virtus ignorantiam publici erroris non tulit ulterius permanere, sed in hac usque secreta propagauit nominis sui gloriam. Missus igitur Onesicritus præfectus classis Macedonia, terram istam, quanta esset, quid gigneret, quomodo haberetur, exploratam notitiæ nostræ dedit: patet in longitudine stadiorum septem millia, in latitudine quinque millia, scinditur amne interfluo. Nam pars eius bestiis & elephantis repleta est maioribus multò, quàm quos India: partem homines tenent, corporum magnitudine alios omnes excedentes. Crine fusco, cæruleis oculis, atroci visu, terrifico sono vocis, quibus immatura mors est, in annos centum æuam trahunt. Alijs omnibus annosa ætas, & panè ultra humanam extenta fragilitatem. Margaritis scatet & gemmis omnibus, auro præterea, argento, alijsq; metallis abundans. Est etiam ibi procerioris piperis uberior prouentus, miraq; copia. Summatram vocant hodiè, moderanturq; ei quaterni diademate insigniti reges. Ante Taprobanen autem multitudo insularum iacet, quas dicunt esse, 1378. quarum tamen nomina traduntur, hæ sunt, Vangana, Canathra, Orneorum, Egidiorum, Monache, Ammine, Carcus, Phelicus, Erene, Calandadrua, Arana, Bassa, Balaca, Alaba, Gumara, Zaba, Zibala, Nagadiba, & Susuara. Ad has autem insulas (velut ait Hermannus Torrentinus) nauigantes, quoniam Septentriones non vident, aues secum vehunt, quarum aliquas sæpius emittunt, ut sequantur volatum earum.



DE REGIONIBVS SE- PTENTRIONALIBVS EXTRA PTOLOMÆVM, ENGRONELANDIA scilicet, Islandia, Frislandia, Scandia, & quibusdam alijs Gothici maris insulis.

CAPVT XIX.

REVITER trium inter se partiū diuisiones diximus, nunc ne quid ad plenissimam demonstrationis descriptionem ac instructionem desit, de Regionibus, quæ extra Ptolomæum continentur memoratu digna, in quantum vigilantia nostra inuestigare potuit, quàm breuissimè etiam demonstrabimus, ut absq; fastidio vniuersa lector agnoscat, ab Engronelandia extra circulum Arcticum, quæ omnium Regionum septentrionalior est initium sumentes.

Est igitur Engronelandia regio Septentrionalis, cuius Zenith est in ipso polo Arctico, eiusq; Horizon idem cum circulo Æquinoctiali, qui Zodiacum in duas partes æquales interfecans, efficit, ut una medietas totius anni sit unus dies artificialis, & altera medietas una nox, & ita totus annus est ibi unus dies naturalis. Sonat autem Engronelandia virentem terram, ob insignem scilicet prouentum pabuli, quod in ea regione inuenitur. Porro incolæ illius regionis scorteis, seu coriarijs nauibus vtentes, arbitrariaq; nauigatione, non exilem spoliolum, questum sibi comparare solent, per artes insidiosas, quas furtiuo ingenio tacitè tabulas nauium negotiatorum inferiùs terebrando, aqua ingressum procurantes & illico presentissimam suffocationem. Licet etiam magicis artibus plurimùm sint dediti, colantq; Idolum dictum Zolotaia baba, hoc est, aurea vetula (est enim figura anus filium in gremio tenentis & alterum iuxta se infantem habentis, quem eius nepotem esse aiunt) habent tamen Episcopales ecclesias duas sub Nidrosiensis Archiepiscopi Regni Nortuegiæ ordinatione. Demùm versus occasum Pygmaei cubitales, vulgò Schrelinger dicti, habitare perhibentur, qui assiduè certant cum gruibus, & vincuntur etiam sæpè numero, quorum etiam mulieres pariunt anno quinto & senescunt octauo. Sed magis admirabile est, quod de monasterio Predicatorij ordinis in hac regione

regione D. Thoma dicato ferunt, esse nempe non procul ab eo montem Vulcani insula instar igniuomum ibidemq; ignitarum aquarum fontem, cuius aquis non solum orania huius monasterij monachorumq; habitacula hypocaustorum in modum calefaciunt, sed etiam omne genus ciborum etiam panem, alio nullo adhibito igne, coquunt. Ceterum eam regionem cum ob altos montes, qui perpetuis niuib; obsiti rigent, tum perpetuam glaciem mari innatam (qua nauigationem impediat, periculosamq; faciat) à conuersatione seu commercio nostrorum hominum seiunctam, atq; ideò nondum plenè cognitam esse audio.

Islandia autem insula regno Nortuegia parens subiecta est polo Arctico, vento praesertim Circio opposita, ac mari Glaciali propinqua, atq; ob id dici meretur Terra Glacialis, cuius incolae à Saxone Sialandico continentissimi dicuntur, religione satis Christiani, propriam scripturam, historiamq; rerum magnificè gestarum habentes. In ea quoque rupes, siue promontorium est, quod perpetuis ignibus aestuat. Ibiq; locus esse creditur pœnae, expiationisq; sordidarum animarum. In eadem praeterea insula tanta butyri falsi, ob pecudum multitudinem, & pascuorum ubertatem reperitur copia, ut non sufficientibus vasis aut tonnis, cistas ex odorifero ligno confectas quadraginta pedum longitudine, & quinque altitudine, quotannis pluribus in locis repleant, atque in domesticum usum, immò & mercatorum commutationem conseruent. Ab incolis etiam loci infinita multitudo capiuntur pisces, ut sunt aselli, rhombi, vituli marini, & merluſie. Piscibus igitur frigidis exiccatis ac tostis, huiusmodi butyro innunctis, loco panis frequentius utuntur: unde etiam Ichthiophagi appellati, diuq; sine medicina, etiam supra centum annos viuunt.

Est & Frislandia insula pabuli quoque ubertate celebris in hoc Oceano sita, veteribus incognita, prorsus ignota quoque, cuius etiam apud neotericos Geographos aut Hydrographos nulla sit mentio, praeterquam unum Nicolaum Zenum Venetum, qui anno Christi 1380. varijs diutinisq; in hoc Oceano iactatus procellis, tandem naufragus ad hanc insulam scilicet Frislandiam appulit. Hic tradit hanc insulam Regi Nortuegia obedire, maioremq; esse Hibernia, eiusq; primum oppidum eiusdem esse cum insula nominis, incolasq; ut plurimum piscationibus rem facere, Capitur enim in eius portu tanta omnis generis piscium copia, ut inde multas onerent naues, quibus eas in insulas circumiacentes auhunt.

Scandia verò seu Scandiana (quam Plinius ob incompertam magnitudinem, alterum orbem, & Jordanes, ac Paulus Diaconus Vaginam, siue officinam gentium appellant) non est insula, sed continens, & à quibusdam hodiè Schonlandia, id est, amœna terra vocatur, ob portuum nimirum & emporiorum commoditatē, ob maritimas opes, lacuum & fluminum piscationes, nobilium ferarum venationes, auri, argenti, plumbi, cupri & aris inexhaustas venas, atq; oppidorum frequentiam. Continet autem Biarmiam, Scricfinniam, Finmarchiam, Lapponiam, Bothniam, Finlandiam, Nortuegiam, Suuetiam, Daniā, nonnullasq; circumiacentes insulas. Caterum cum eam, harum rerum Scriptores, maiorem ipsa Suuetia fecerint, ex eaq; Gotthos & Longobardos progressos fuisse retulerint, videntur, mea quidem sententia, hæc tria Regna, videlicet Nortuegiam, Suuetiam, & Daniā veluti integrum quoddam corpus, Scandia duntaxat nomine comprehendisse, quia tum illa terræ pars inter mare Baltheum, quod Finlandiam alluit & Glaciale, incognita fuit. Quæ res fecit, ut pleriq; hanc immensæ magnitudinis Peninsulam, uno Scandia nomine appellarent, quamuis Procopius quandoque Thulem appellat. Sed quales partes eius sint, iam paucis quoque videamus.

Biarmia igitur Borealis regio & inter sinum Granduicum & lacum Album sita, diuiditur, secundum Saxonem Sialandicum, in ulteriorem, & citeriorem. In hac citeriore sunt montes perpetuis, sed innocuis niuib; offusi, æstiuq; ardoris expertes, inter quos inuijs nemoribus & saltibus abundat, pascuorum feracissima, inusitatisq; alibi bestijs frequens. Crebri in ea fluuij, ob insitas alueis cautes, stridulo spumantiq; volumine perferuntur. In ulteriore verò Biarmia sunt quidam monstrosa nouitatis populi, ad quos aditus inuius & insuperabilibus periculis obfusus est, nec facile mortalibus patere potest. Maior siquidem itineris pars præ altis niuib; perenniter obsidetur, quas si quis superare velit, ceruis iugalibus (quorum maxima copia illic est, ut apud Italos asinorum) currum instruit, cuius incredibili celeritate, eximio gelu rigentia iuga transcendat. Pugnatu Biarmenses, arma artibus plerunque permutant, carminibusq; in nimbos soluere cælum, ac latam aëris faciem tristi imbrium aspergine confundere consueverunt. Sunt Biarmi idololatra & Amaxobij, Scytharum more, atq; in fascinandis hominibus instructissimi. Quippe aut oculorum aut verborum, aut alicuius alterius rei maleficio, homines ita ligant, ut liberi non sint, nec mentis compotes, sæpeq; ad extremam maciem deueniant, & tabescendo dispereant.

Inter

Inter Biarmiam & Finmarchiam sita est Scricfinnia regio, angulum tamen longiorem versus Austrum, & mare Bothnicum emittens. Eius incola admirabili quadam celeritate, certis planis lignis instar arcuum in anteriori parte curuatis, ac pedibus affixis, directione manualis baculi utuntur, quibus sese arbitraria voluntate super niues, montium inaccessa, valliumq; ima, assequuntur, hyberno praesertim tempore, quia in aestate, licet habeant etiam perpetuas, impressioni tamen lignorum citissime cedunt.

Finmarchia verò regio, quae olim ob sui amplitudinem regio titulo decorata, hodie verò sub dominio Regni Nortuegiae homines robustis corporibus, & animo magno habet, qui ab hostium incursu se strenue defendere solent. Aer illius regionis, sicut & vicinarum, semper frigidus est & serenus, innocuus tamen humanis corporibus, rarissimas pluias tempore aestivo admittens, tantaq; est illic aeris temperies, ut pisces nullo sale conditi, sed solo aëre siccai, toto decennio à putrefactione durent.

Laponia dicta est à populo, quo habitatur. Vocant enim Germani Lappones & Lappen, qui parum idonea rei praesenti dicunt & faciunt, quos Latini ineptos vocant. Hi domos non habent, sed tabernacula, quasi castrisia. Ferarum maxima copia est in ea regione. Agrum non colunt, sed pisces capiunt plurima copia, edomantq; in farinam. Commercium permutatione & non pecunia agunt, mutuo consensu tantum & nullo sermone communicato, quia habent linguam peculiarem, & ignotam vicinis. Gens validissima est, & diu libera fuit & arma sustinuit Nortuegiae Suetiaq; donec concessit tandem sub imperium & tributum pendit, preciosas ferarum pelles.

Bothnia, quae sinum Gotticum siue Sueticum ad Septentrionem terminat, latissima est terra, & qui eam incolunt, piscatu maxime viuunt, non quod agrum sterilem habeant, sed quia tanta est his copia piscium optimorum, ut in omnium necessariorum rerum permutationem abunde sufficiat, suntq; in omnibus rebus locupletes. Inter in ea oppida celebria, praecipuum est Thorna, id est, turrita insula. Est autem hoc oppidum in loco plurimum ameno, & commodo situatum, nec aliud emporium frequentius in toto tractu suppolari, quam est hoc. Ad ipsum enim ex Hispania ac Lusitania optimum vinum, & sal; ex Anglia & Flandria, preciosum pannum; ex Germania ciuitatibus variam domorum suppellectilem & ornatum; ex Suetia triticum, siliginem, hordeum, & omne genus necessarij leguminis mercatores nauibus aduehunt & coportant. Complures etiam alij ex partibus Nortuegiae & aliarum vicinarum regionum

regionum, per altissimos montes, & vastas solitudines, partim oblongis nauiculis, incitatissimis fluuiorum casibus aptatis, partim curribus domitorum rangiferorum, partim etiam pandis perticis, quibus conspersa, niuibz iuga montium citò superant, celeriq; allapsu (ut supra de Scricfinnijs incolis dictum est) concurrunt.

Finlandia, quæ superiori ætate dominum Moscum habuit, hoc verò tempore sub Rege Suuetiæ existit, pulchra interpretatur terra. Utuntur habitatores eius lingua distincta à Danis & Suecicis, nempe lingua Wandalorum, quæ & Poloni atq; Russi utuntur. Sunt autem inter se benigni & modesti, atq; ad iram tardi, ac si diu prouocati fuerint, tarditatem verò iræ magnitudine vindictæ compensant.

Nortuegia, quam quidam Norduagiam appellant, longo tractu Suuetiæ adiacet, mariq; alluitur. Atq; à Nort, id est, Septentrione, ad quem sita est, quasi Septentrionalis via, nomen accepit. Germani enim quatuor orbis plagis vernacula nomina indidère, prouinciasq; his adiacentes inde denominauère. Est autem omni ubertate fertilissima, habet enim boues, qui non tam proceritate corporis, quàm numero magno singulis annis multiplicantur. Habet & equos statura quidem mediocri, sed admiranda fortitudinis & pernecitatis maximè in montibus ac vix saxosis penetrandis. Habet & pisces in magna copia, quos extractos purgatosq; integros vel in partes diuisos, salito liquore conspergunt, solis flatibus asperrimis, frigore, atq; aëris rigore ad siccandum exponunt, tum in excelsas quasi lignorum strues componunt, quas in naues vicissim collocant, atque ad celeberrimum totius Nortuegiæ emporium, Bergen nuncupatum, pro rerum commutatione aut precio distrahendas exportant.

Suuetia autem, à Sud, id est, meridie denominata, Nortuegia non secus coniuncta est, atq; Italia Neapolitano Regno & Pedemonti. Est autem regio diues argenti, aris, plumbi, ferri, & chalybis, pecoris & prouentu immenso piscium. Habet & infinitam multitudinem equorum, qui paludes & colles altos, profundosq; saltus indifferenter longiore dicta, magnaq; celeritate absoluunt. Complectitur etiam multas & varias nationes, inter quas virtute bellica celebres Gotthi, qui in Ostrogotthos, id est Orientales, & Vestrogotthos, id est Occidentales Gotthos, pro regionum, quas incolunt situ, diuisi, indeq; progressi, toti orbi, ut pleriq; Scriptores memoria prodiderunt, terrori fuère. Huius regni Regia Halmia est, quam incolæ Stockolm, Rutheni verò Stecolna appellant, munita natura & arte, & sita in paludibus instar Venetiarum.

Dania

Dania habet nomen à rege quodam Dano vocato, complectiturq; Cimbriam Chersonesum siue Jutiam, quã vulgò Dietmarsen vocant, & multas circumiacentes insulas in sinu Codano. Est terra fertilis, aquis irrigua, nauibus peruia, venatione, pecore, piscibus & alijs huiusmodi rebus ad vitam & usum humanum necessarijs valdè diues. Ciuitates insigniores in ea sunt Schlesṽvic, ubi aliquando fuit Ducatus, Ripen, Wiburg, Harbuis, & Wendssyl Episcopales.

Gotthlandia, id est, bona terra ab omnibus eam frequentantibus sic nominata, insula est in Gotthico mari, regnoq; Suetia subiecta. Est enim multis rationibus bona, bonus in ea populus, boni & securi in circuitu eius portus, bonus & electus in ea ager, bona armentis, equis, bobus, piscatione, venatione, aquis, syluis, pascuis, pulcherrimo marmore, & omnibus rebus humano vsui necessarijs. Producit etiam arietes, siue verueces, ceteris robustiores & proceriores, quibus quaterna, vel octona cornua crescunt, tantumq; ferocia à cornibus mutuant, ut tempore coitus, nisi serra vel lima demantur, ceteris animantibus sint nocumento, ipsiq; pastori reuelles. Est in hac insula Boreali parte præclarum oppidum Visbj̃cum arce munitissima. Ab hac etiam insula in omni nauigantium controuersia, præsertim à consulatu Visbj̃censi, petitur, & datur ius, & sententia diffinitiva, quid unicuiq; permittendum, vel auferendum erit.

Oelandia etiam una ex insulis Gotthici maris, breuissimo maris interiectu à Gotthia meridionali diuisa, omnium insularum pulcherrima: multis enim bonis adeò referta est, quòd spatij breuitatem (duorum dierum itinere absoluendam) soli fertilitas recompenset. Prata, & campi odore herbifico, indicibili suauitate mirabundi. Ibi plurimi greges equorum paruorum, sed validissimorum, ut puta qui fortitudine, & agilitate multis eximij corporis equis præualeant, quousque domestici & exotici negotiatores pro voluptate emunt, atq; in terras remotas, veluti naturæ miracula venales exportant.

Est et Selandia, insula cui à mari, quod circumluit, nomen est, Germani enim See mare, Land oram aut terram vocitant, sub Danorum Regis dominio. Ciuitates in ea celebres sunt Roschildt Episcopalis, & Hafnia, quæ vulgò Coppenhagen & Kopmanhafen, id est, mercatorum portus vocatur. Ibi etiam est sedes Regia, & studium vniuersale.

Adiacent & alia plurima & iucundissima insula, quæ herbis, arboribus & graminibus, maximam recreandi delectationem exhibent, quas breuitatis causa, consultò prætereo.

Q

CAPVT

De America, Spagnolla, Isabella, & alijs

insulis ab Hispanis inuentis.



*A*D occidentem terra est, quam Americam vocant. Primum quidem per Christophorum Columbū Genuensem, anno domini 1492. inuenta, deinde ex mandato Regis Castilia anno Christi 1497. ab Americo Vesputio Florentino illustrata, & ab eodem nomen sortita. Nunc verò propter eius magnitudinem *Nouus Mundus* appellatur, & licet Ptolomæo & antiquioribus propter nimiam eius distantiam incognita permansit, sunt tamen nonnulli, qui à Platone sub nomine Atlantis descriptam opinentur; inquitq; *Marinæ Siculus* in Chronico suo Hispaniæ, hic nummū antiquum Augusti Caesaris effigie insignitum, in aurisodinis inuentum esse, missumq; in rei veritatem Summo Pontifici, per D. Joannem Rufum Archiepiscopum Consentinum. Aristoteles etiam in libro *περί θαλάσσιας ἀνθρώπων* scriptum reliquit, *Trans Herculis*, inquit, columnas in eo mari, quod Atlanticum dicitur, inuentam quandam insulam à Carthaginensium mercatoribus olim fuisse aiunt, à nullis ante id temporis habitatam, præterquàm à feris, & propterea syluestrem, admodum, & multis refertam arboribus, alioquin fluminibus plurimis ad nauigandum aptissimis plenam, ac incredibili quadā omnium rerum nascentium vbertate profluentem, sed remotam à continentis plurium dierum nauigatione, ad quam cum nonnulli Carthaginensium mercatores fortè accessissent, captiq; eius loci fertilitate, ac aëris clementia, ibi sedem fixissent, commotos ob id Carthaginenses ferunt, statim consilio publico decreuisse, morte indicta, ne quis posthac illuc nauigare auderet, & qui iam ierant, statim interfici iussisse, ne ipsius insula fama perueniret ad alias nationes, submitterenturq; alicui fortiori imperio, ac fieret quasi oppugnaculum quoddam aduersus eorum libertatem. His ex dictis Aristotelicis clarè liquet, terras in occidente inuentas, Americam scilicet cum insulis vicinis, prioribus etiam sæculis cognitatas fuisse. Habet autem America multas regiones & gentes, & si quis conditiones earum & mores scire desiderat, hæc pauca, quæ sequuntur, legere ne grauetur.

Incola igitur, qui propius *Æquatorem* consistunt, *Canibales* sive *Caribes* vocantur, hosq; nullus est qui videat, quin scalpī sibi horrore quodam præcordia fateatur, adeò atrox tartareusq; est illis à natura, & immanitate insitus prospectus. Humanarum enim carniū sunt, heluo-

heluones. Nam omnes homocupijs inuigilant, & si hostes desint, quibus cum bella gerant, in seipso sœuitiam conuertunt, & prostrant, capiunt, aut fugant. Quos pueros capiunt, ut nos gallos gallinaceos, aut porcos, quos ad obsonia volumus pinguiore & teneriores educare, castrant, grandiores & pingues effectos comedunt, ætate autem iam matura cum ad eorum manus perueniunt, peremptos partiuntur, intestina & extremas membrorum partes recentes epulantur membra sale condita, ut nos pernas suillas, in tempora seruant. Mulieres comedere apud eos nefas est & obscenum, si verò quas assequuntur iuuenes, ad sobolem procreandam, non aliter atque nos gallinas, oves, iuencas, & cetera animalia, curant & custodiunt, vetulas ad obsequia præstanda pro seruis habent. Cœunt in promiscuum nulla sanguinis ratione habita, tot uxores ducunt, quot libuerit, atque natant ceu maris animalia.

Ab his Canibalibus siue Caribibus versus Tropicum Capricorni in occidua tamen parte Perus regio est sita, quæ anno Domini 1530. Cæsaris Caroli Quinti mandato & auspicijs perlustrata est. Quam etiam Nouam Castiliam ab inuentoribus nominant. Est autem omnium regionum, quæ hætenus inuenta sunt aromatum & auri ditissima. Nam tanta auri & argenti vis est, ut vasa in contemptissimum usum destinata, inde conflent. Neque minus etiam in alijs rebus fœlix. Bis enim per annum frumento gaudet, vario animalium genere dotata, sed feris tamen libera. Oves tantæ proceritatis in ea, ut vice equorum ipsi utantur, tamq̃, fœcundæ, ut fetus bis per annum edant. Habet & ciuitates legibus atq̃, armis munitas, estq̃, fluminibus, montibus, ac syluis nimirum in modum adornata. Incole verò prudentia, morum comitate, artium variarum peritia, commercia omnemq̃, probitatem satis excolunt, Nisi quòd Christum ignorent, qui tamen ut multis iam innotuit, ita ijs & cunctis alijs spiritu ducente innotescat, optamus & speramus.

Brasilia siue Terra Papagalli deinde sequitur, ultra Tropicum Capricorni sita, cuius incole paulò mitiores sunt Canibalibus, numinis vice nihil colunt, lege tamen tantum & instinctu nature viuunt, viri fœminæq̃, nudi agunt, nisi ex plumis psittacorum quasi pallium longo post tergus relicto sirmate conficiunt. Thoris maritalis illibatâ fidem seruant. Labia, aures, genitaliaq̃, perfossa lapidibus preciosis ornant, forâs eminentibus.

Propius ad fretum Magellanicum à Ferdinando Magellano anno Domini 1519. inuentum, Terra Gigantum est, qui cursu tam celeri
 Q 2 sunt

sunt, ut equum cursu vincere posse videantur. Tragi sunt, in tuguriolis latitantes, eosque secum transportantes. Pauperes sunt, nihilque eorum terra preciosi producit. Integuntur pellibus ferinis bellè consutis, arcus ingentes telaque secum deferunt, capillos in modum Polonorum detonsos habent, obstructos funiculo lanugineo, ad quem venaturi tela connectunt, cum animam agunt morituri, magnus numerus spirituum malignorum sese illis ostendit, ea figura, qua apud nos pinguntur.

Ab altera verò parte Æquatoris Septentrionem versus, Paria regio aurifera, thuriferaque est, Cuius incolæ genu tenus mares, fœminæ surarum tenus, gossampinis vestibus incedunt. Feroces quoque sunt, sagittisque certant venenatis, et adustis præacutis sudibus. Animalia reptilia, insecta, quadrupedia etiam, à nostris dissimilia, multiformia, varia, innumeraque, noxia tamen minimè præter leones, tigrides, et crocodilos habet. Habet et magnitudinè fluuiorum et numerum, inter quos unus est Maragnonus nomine refertus piscibus, cuius ostium in Oceanum cadens passuum est paulò minus centum mille, ex altis montibus decurrens, quorum culmina Paradisi delitias habere, sunt, qui dicant. Habet et sylvas coccineas, quarum lignum mercatores Itali verzinum, Hispani verò Brasiliū appellant. Cassiam quoque fistulam febre laborantibus utilem in magna copia gignit. Psittacorum verò apud eos non minor copia est, quam apud nos palumbium aut passerculorum.

Hanc sequitur Dariena, cuius una pars tam arcta est, exedentibus utrinque Oceani fluctibus, ut quatuor tantum milliaria contineat, hinc Oceanus Occidentalis, illinc Eous, Incolæ huius licet Religionis Christianæ ignari sint, legibus tamen et viuendi institutis utuntur, sacraque faciunt suo ritu. In lectis pensilibus dormiunt, et domus similes nostris campanis habent. Sunt etiam ipsorum arma, non arcus, non sagittæ venenatæ, uti habere indigenas illos Parienses diximus. Cominus hi certant ut plurimum, ensibus oblongis, quos macanas ipsi appellant, ligneis tamen, quia ferrum non assequuntur, et præustis sudibus aut osseis cuspidibus, missilibus etiam ad prælium utuntur. Et quia à natura soli, locus canosus, paludibus fatidis septus est, et aeris inclementia frequens, ideo flauescunt, et turgescunt vultus eorum, similesque ictericis sunt, quamuis arboreos natiuos fructus habeant multiformes, et variorum saporum ad usum humanum salubres. Et licet etiam maximam copiam habeant preciosarum gemmarum, ut sunt topazij, adamantes, margaritæ et huiusmodi genus alia, nulla est tamē de his cura, cum auri faciem animo gestent, auro tantum inuigilant, aurum sectantur.

Post hanc Cyamba regio est, salubris, amœna, clementia cœli optimè fortis-

fortunata, & nulli terrarū ubertate agrorum postferenda. Montana partim, partim etiam lata planitie nobilis, arborifera ubiq; herbidag; ac perpetuo vere autumnog; gaudens. Myrobalanos etiam diuersariū specierum, emblicos puta & chebulos, medicorū appellatione, in magna copia nutrit. Nutrit & leones, tigrides, ceruos, capreolosq;, & alia huiusmodi animalia, & volucres diuersas. Huius incolæ ex palmarū quodam genere macanas, id est enses ligneos latos, & iaculares hastas construunt. Adelegantiam etiam seipsos depingunt, quorundam pomorum succo, ad id in hortis nutritorum, nigris ac rubentibus, uti Agathyrsos legimus. Totum, insunt, alij corpus, partes alij, pleriq; autē tractim flores aut rosas effigiant, aut implicitos laqueos, put cuiq; sedet appetitu.

Est & Beragua regio à Beragua fluuio aurifero denominata. Primum à Petro Umbria reperta, postea per Christophorū Colonom anno domini 1502. perlustrata. Est terra altissimis repleta montibus, quorum cacumina nubes superare creditur. Nam ad quinquaginta amplius milliaria attolluntur, & quia maiore ex parte squallida & sterilis frugum est, ideò incolæ certis quibusdam anni temporibus auro intendunt quaritando. Credunt enim inesse auro numen, quandoquidem ad id negotij minimè tendunt inexpectati, ex priscorum religione, puta qui à coitu, & omni oblectamento abstinent, cibisq; ac potu parcissimè utantur, uniuerso legendi auri tempore. Solem etiam ab Horizonte surgentem venerantur, ac reuerenter excipiunt.

Huic proxima est Coluacana regio diues & elysia, quæ turritis constat edificijs, & oppidis amplissimis, nimirum quindecim, & alicubi viginti millium domorum. Sunt tamen non ubique connexæ domus, sed hortis & cortibus intersecantibus, distant à seipsis, plateas habent mœnibus circūseptas, in quibus fora nundinasq; exercent, vias ordine stratas, furnos, fornacesq;, calcem ac lateres coctos habent, figulos, lignariosq; fabros, & artifices, mechanicarumq; artium omnium opifices assequuntur egregios. Quando novos hospites suscipiunt, qui pacem in illis terris admittunt, in amicitia fœdus sibiipsis cum nouacula vel gladio lapideo sanguinis parumper ex lingua vel manu, aut lacerto, vel alia quauis corporis parte, hospite inspectante eruunt. Sacerdotes viuunt calibes, & incorrupti. Quid sit coire nemo intelligit, donec nubat. Nefas & morte piandum est aliter accidere. In fœminis miræ castitas. Licet unicuique potenti, postquam unam duxerit uxorem, habere pellices, quotquot voluerit, sed nupta adulterio comprehensa venditur à marito, primario tamen principi, à quo licet mulieris propinquis illam redimere. Nemini non coniugato fas est iungi

in mensa, vel eadem lance vesci aut poculo bibere, paremque coniugato se prabere.

Coluacanam Themixtitā, quæ & Mexico, regio sequitur, olim sub Magno Cham, à Ferdinando autem Cortesio anno Domini 1521. expugnata & Regi Castiliæ tributaria facta, plurimo abundat auro, & ingentibus pollet diuitijs. Abundat & maximis sylvis, quæ omni tempore florent. Abundat & feris varijs, præsertim aubus diuersorum colorum. Incolarum autem alij Idololatre, alij Christiani, Christi enim Euangelium per manus fratrum ordinis Sancti Francisci semper seminatur, non solum in Themixtitan, sed & in tota Asia Magna. Oppida permulta habet, sed inter omnia nullum præstantius aut maius eo, quod Temistelam appellant sub Tropico ferè Cancrisitum, locique natura munitum. Est enim situm in lacu maximo, pontibus 1200. circumplexum, & edificijs cum Dedali structuris conferendis ornatum.

Hispania verò Noua, à Nunno Gusmano deuicta anno 1530. Terra est, quæ ubertate soli nulli terrarum cedit. Est enim in ea maxima auræ copia, sunt & artifices argutissimi. Est multum amœna, fructiferaque. Est populosa & densa varijs animalibus syluestribus. Abundat frugibus, herbis & radicibus. Et ut semel dicam, habet omnia, quæ vsui humano sunt accommoda. Alluunt regionem etiam multi insignes amnes piscosi & nauigabiles.

Florida deinde usque ad Baccaleam extenditur, quam quidam nauarchus Joannes Pontius nomine, Resurrectionis die adiuit, & ob id Floridam nuncupauit (vocat enim Hispanus Pascha floridū Resurrectionis diem) regio est feracissima auri & omnium animantium. Habet enim campos amœnissimos, montes excelsos, & fluuios placidissimos. Ciuitates insuper & turres & domus affabrè constructas adeo, ut nostra Europa non multò inferior habeatur. Populi in ea affabiles & contractus non fugientes, plures eorum ichtiophagi sunt, alij ophiophagi.

Demum Baccalea est infra circulum Arcticum, quam Sebastianus Cabotus genere Venetus inuenit & eam sic appellauit, eo quod in eius pelago tantam reperit magnorum quorundam piscium, tinnos emulantium, sic vocatorum ab indigenis, multitudinem, ut etiam illi nauigia interdum retardarent. Huius regionis homines, licet pelli-
bus tantum cooperti incedant, tamen rationis haudquaquā expertes. Est in ea ingens urforum copia, sed minimè hominibus noxi, qui & ipsi piscibus vescuntur. Inter densa namque piscium illorum agmina sese immergunt, & singulos singuli complexos, unguibusque inter squamas immisis in terram raptant & comedunt. Abundat etiam in plerisque
locis

locis orichalco. Atq; hæc sunt quæ de America eiusq; partibus, quantum lectionum peruigili cura comperimus: nunc ad Spagnollam, quæ caput & emporium est uniuersæ liberalitatis Oceani, sermonem conuertamus.

Spagnolla insula siue Ophira, de qua legitur lib. 3. Regum cap. 9. & 10. à Petro Martyre modò Hispaniola dicta, quam ab Hispania diminutiue appellant, adeò temperata & amœna est, ut neq; frigore urgeatur molesto, nec calore vexetur immodico, ut sine rubore si comparatur Italiae regina quondam orbis terrarum, multò beatior, longeq; felicior reperietur. Perpetuo enim gaudet vere, perpetuoq; autumno. Frondescunt etiam ibi toto anno arbores, & prata virescunt. Hortensia verò, ut sunt caules, lactuca, boragines, raphani, & huiusmodi sata intra sextumdecimum; melones verò cucumeres, & similia intra trigesimum diem, satis coalescunt. Est incredibile auditu, spicam ibidem superare lacerti crassitudinem, spithama longiorem, granaq; nutrire quamlibet duo millia & amplius. Est tanta omnium quadrupedum copia, ut iam & equi & coria boum & pecudum portentur in Hispaniam, deinde ad alias nationes. De coccineis arboribus, de aromatibus, de colore glauco, de mastice, gossampio, de electro & multis alijs eius prouentibus, satis multa Petrus Martyr ab Angleria copiosè, fideliter, eruditeq; docet. Mittit etiam hac insula lignum Guaiacum, quo nostri tanquàm remedio presentissimo aduersus morbum gallicum utuntur. Habet & aurum natuum, montanum & fluuiale. Nullus est namq; fluuius, nulli montes, pauca planities, auro immunes. Vnde non immeritò (ut refert Josephus libro 8.) etiam Aurea terra à quibusdam nuncupatur. Nam ex sola Spagnolla vehitur in Hispaniam quotannis quadringentorum & quingentorum interdum millium ducatorum auri summa: id autem ex quinta regia intelligitur, quæ ad fissum venit, octoginta, nonaginta & centum millium Castellanorum auri, & aliquando maior. Habet & quatuor flumina, quæ ferè portionibus aquis eam diuidunt ex altis montibus, vno ad Orientem, hoc Lunna dicitur, ad Occidentē altero, quod Attibunicus, tertio ad Meridiem, quod Háiba, ad Septentrionem quarto, quod Jáche appellatur. Sed de Spagnolla satis, ad Isabellam transeamus.

Isabella (Cuba vel Ferdinandina à quibusdam dicta) ab Helizabeth regina, quam Hispanum idioma nuncupat Isabellam, vocata est. Hanc secut mediam ab oriente in occidentem Cancri circulus, & moribus superiori haud est dissimilis, ferro caret, sed eius usum lapis pelucidus supplet. Auri verò maximum habet prouentum, cui etiam

Hispani

Hispani præsunt, qui aurifodinas possident, multò ditiores quàm in Spagnolla reperiuntur. Unde ut nonnulli asserunt, plus quàm centum & octoginta millia Castellanorum auri (magnum opulentia argumentum) singulis annis transmittere solent in Hispaniam.

Inter Zephyrum & Austrum sita est Fucata insula, cuius incolæ non lana, quia pecudes non habent, sed gossipio mille modis & varijs fucato coloribus vestes conficiunt. Fæminæ à cingulo ad talum induuntur, velaminibusq; diuersis caput & pectora tegunt, & pudicè cauent, ne pes aut crus illis visatur. Turritas domus lapideas, aut ex lateribus, calce, arte, & industria confectas, templa magnifica, vias ordine stratas ac plateas habent. Nundinaria quoq; agunt commercia, sed summa fide negotiantur, permutando tamen sine pecunijs, suntq; recutiti.

Huic proxima est Cozumella, à Cozumellao regulo, cuius maiores huius insulæ habitatores fuerunt, nomen habens, plana, ac gleba fortunatissima. Habet quoque aurum, sed peregrinum ac aliunde allatum, melle abundat & fruticibus ac hortensibus, volucris etiam & quadrupedibus. Domus lapideæ sunt, culmo tamen contectæ, ubi sit lapidum penuria, sed ubi sit lapicidinarum copia, laminis lapideis conteguntur, marmoreos postes in plerisq; veluti apud nos pleraq; domus habent. Caterum incolarum æconomia & politia ea est, quæ de Fucata. Gestamina quoq; virorum ac fæminarum, non laneo vel serico, sed ex gossipio sunt confectæ.

Ad Zephyrum autem versus, tres parua insulæ sunt Sacrificiorum dictæ, quibus carimoniarum ritus perquàm horridus nomen dedit. Nam proles suas, marmoreis ac fictilibus dijs suis immolant, neque iugulis, sed pectoribus apertis ex infausta victima cor eruunt, ex cuius calido cruore idolorum labia illiniunt, reliquum fluere patiuntur in lacunam, inde in apertum, cor & exta comburunt, gratum fumum dijs suis fore arbitantes. Torulos brachiorum & femorum, ac surarum pulpas edunt, præcipuè si hostem bello victum sacrificauerint.

Inter has & Fucatanam insulæ Vestalium sitæ sunt, in quibus solæ mulieres habitant sine virorū commercio, uti apud nos canobitæ. Certis tamen anni temporibus trañciunt ad eas viri, non coitus causa, sed moti pietate, campos & hortos illis composituri, quo cultu queant vitam ducere.

His omnibus australior est Jamaica lata fertilisq; insula, benignitate soli fortunatissima, uno tantum monte contenta, sationibus recipiendis aptissima, ac belli studijs aspera. Quam non minorem esse

Sicilia,

Sicilia, qui eam exactius tractauere, aiunt, qui etiam de illius felicitate nihil negant.

Ab hac recta ad orientem Spagnolla proxima & collateralis, Burichena insula est, siue S. Ioannis, culta populosaq, maximam habens auri copiam, & ubertate soli aequè fortunata ac Spagnolla. Regem habet unicum, cui imperanti mira parent reuerentia accole.

Nec pratermittenda est Guadalupéa insula corrofa duobus sinibus (uti de Britannia maiore legimus, & Calidonia, quæ Scotia nunc est, ita ut penè fiant duæ insulae, portubus celebris. Id gummi reperere ibi generari, quod pharmacopola Animen album vocant, ad capitis grauedinem sua suffumigatione tollendam. Cuius arbor fructum producit cariotis similem spithamalem. Aperta farinam videtur includere dulcem. Vti nostri rurales castaneas & huiusmodi pleraq, seruant hyemandas, ita hi huius arboris cariotas. Est arbor ficulnea similis. Pineas hortenses & cetera naturæ edulia cuncta, et hi assequuntur. Imò & putant ab huius insula habitatoribus alias insulas tot suauum fructuum semina habuisse.

Ab hac ad Meridiem Galanta iacet insula plana, à pulchritudine sua nomen habens, quia Hispanum idioma elegantes galantes appellat. Iacet & Madanina, ubi solæ mulieres habitant, quæ mamillam à teneris scindunt, quò facilius queant sagittariam artem exercere, ad easq, traicere coitus causa viros, nec retinere mares, authores referunt. Deinde ad orientem sex parua sita sunt, vocata Todos Sanctus & Barbata. Hæ autè licet scopulosa sint ac steriles, cognitu tamen necessaria sunt nauigantibus. Ad Septentrionem verò est Insula populosissima dicta Monserratus altissimo monte celebris, & rerum omnium victu necessariorum copia pollens. Est & Altusbellus insula sic appellata, de cuius belluis marinis, præsertim de testudinibus mira ferunt authores.

Intra Tropicum Cancris autem & Arcticum circulum in mari Cathayo insulae sunt, Archidona, Tortucarum numero septem, Martyrum sex, Deabul, & Comello. Supra Isabellam verò, Baxos, Sancta, Balaca, Baburca, Nabacea, Somento, Gary, Macubiça, Idecareria, Incauo, & Magnana. In Baccaleo autem pelago, Boiua aliàs Anagneo fonte perenni adeò nobilis, ut eius fontis aqua epota, senes reiuueneant, teste Petro Martyre, Setefidades, Labermuda, Corterealis, Don Marco, De Vogo, & sanctæ Crucis. In Oceano denique Occidentali (quas Hispani Las Axoras vocant) insulae sunt. Faial, quæ & Noua Flandria, Gratiola, Hocorno, S. Georgij, Alterura, S. Michaëlis, Sancta Maria, Frures, & Opico.

R

Restant

Restant adhuc aliæ hinc inde dispersæ insulæ, quas tamen libenter omisimus, tum quia non multis authoribus sint celebrata, cum nihil preciosi adferant, tum ne caput hoc in immensum excresceret. Quapropter instar nautarum, vela ventis dantes ad Meridionalem plagam iam proram dirigamus.

CAPUT XXI.

De Meridionali parte Africæ ab Albe-

rico Vesputio inuenta, Noua Guinea, Brasilia, Terra ignis, Madagascar, & quibusdam alijs insulis.



MERIDIE quicquid ultra decimum sextum gradum latitudinis Austrina, totum Ptolomæo incognitum fuit. Anno verò Domini 1501. ab Alberico Vesputio tota Africa Meridionalis pars inuenta & perlustrata est, hodieq; à Portugallensibus circumnauigatur, qui à Portugallia soluentes recta in austrum tendentes, primum Gades insulam pratercunt, deinde Mederam insulam, quæ hodiè à Lusitanis incolitur, patetq; circuitu 40. miliarium. Ferax est saccari et vini, Cretico vino nequaquã cedentis. Post Canarias adeunt insulas. His relictis Caput Album petunt, ubi tellus tota est arenosa & deserta, alba & arida usq; ad Nigritas. Succedit Capiti Albo Sinus Dargin et insula eiusdem nominis. Est & post Caput Album in mediterraneis locus, quem Hodenum appellant, & hic nullo clauditur muro, sed diuersorium est Arabum & statio camelorum. Eius regionis incolæ viuunt ordeo & cariotis, quibus ubertim abundant. Mahumetum colunt, et Christianos oderunt. Senega fluuius, qui has terras sequitur & totam ferè Æthiopiam interiorem irrigat, Azanegos à regno Nigritarum determinat. Sunt autem Azanegi homines pauperes & mendaces, proditores & prauos seruantes mores. In regno Senegæ est locus nomine Tagaza. Vnde ingens copia petreisalis auebitur camelis Arabum. Caterum ferunt flumen Senegæ eiusdem cum Nilo naturæ esse, easdemq; vices cum eo habere. Nam ut ille Ægyptum, ita hic Æthiopiam reddit irriguam. Rex Senegæ pauper est, et nullas habet vrbes, nec annuos redditus, & præterea regnum eius angustos habet limites. Habet autem ab oriente regionem Tuchmoram, à Meridie verò regnum Cambra, versus autem Septentrionem, Nigro fluuius clauditur. Sequitur Caput Viride, sic appellatum, quòd consitum sit arboribus densissimis eisdemq; virentibus continuo ferè anno. Huic finitimum est regnum Gamba, in quo homines habi-

tant.

tant feroces & saui, subditi cum rege suo magno regi Mellis, qui magnus Imperator Nebeorum dicitur. Habet regio illa elephantes syluestres, qui non cicurantur. Huic regno succedit versus austrum regio Casamansa à fluuio Casamansa sic dicta. Hinc à sinu Rubro reflectitur continens in orientem, & antequàm peruenitur ad Caput bonæ spei extremam Africanæ terræ aciem, occurrunt variæ gentes, inter quas quadam nudæ incedunt ut ex matris utero exierunt, carentes omni verecundia. Nam non habent pannos neq; laneos neq; lineos, neq; bombicinos, quia nec eis indigent, nec habent propria, sed omnia communia sunt. Viuunt simul sine rege, sine imperio, et unusquisq; sibi ipsi dominus est. Tot uxores ducunt, quot volunt, & filius coit cum matre, & frater cum sorore, & primus cum prima, & obuius cum sibi obuia. Quoties volunt matrimonium dirimunt, & in his nullū seruant ordinem. Præterea nullum habent templum, & nullam tenent legem, neq; sunt Idololatra. Quid ultra dicam? viuunt secundū naturam, & Epycurei potius dici possunt, quā Stoici. Non sunt inter eos mercatores, neq; commercia rerū. Populi inter se bella gerunt sine arte, & sine ordine. Seniores suis quibusdam concionibus iuuenes flectunt ad id, quod volunt, & ad bella incitant, in quibus crudeliter se mutuò interficiunt, et quos ex bello captiuos ducunt, non eorum vitæ, sed sui victus causa occidendos seruant. Nam alij alios, et victores victos comedunt, et inter carnes humana est eis cōmunis in cibis, & admirantur, cur nos non comedimus inimicos nostros, et eorum carne non utimur in cibis, quam dicunt esse saporosissimam. Eorum arma sunt arcus & sagittæ, & quando properant ad bella, nullam (sui tutandi gratia) corporis partem operiunt, adeò sunt & in hoc bestijs similes. Inueniuntur etiam ibi varia auium genera, præsertim psittacorum multiuigi coloris à quibus & terra illa Terra psittacorū denominatur. Inde transita apparet caput australe, quod est Caput Bonæ spei, exceditq; hyemalem Tropicum nouem gradibus. Mox regio se sinuat, quo ad Prassum promontorium peruenitur, quod Ptolomæus terminum posuit Australem, ulterioremq; plagam appellauit terram incognitam. Inde iter patet ad Trogloditas, ubi est Zaphala aurifodina insula, à qua tota vicinia & Persis suum haurit aurum. Hinc transito regno Melindæ, per sinum Barbaricum venitur in Oceanum Indicum Meridionalem.

Sub Tropico Capricorni Noua Guinea est, nuper inuenta, quam Andreas Cresalus Florentinus, videtur eam sub nomine terræ Piccinacoli designare, quæ an sit insula an pars continentis australis, tempus rerum omnium iudex prudentissimus, aperiet. Nomen autem

mutuata est à Guinea Africa Regno ob littorum, quam obtinent, ad inuicem similitudinem.

Est & Brasilia Australis permaxima regio versus Antarcticum, se extendens ad usq. Melecham, & quid ultra, ad quam Lusitani duce Petro Aluaro Anno Domini 1500. tempestate sunt delati. Huius incolæ bonæ ac honestæ vitæ degunt, nec sunt Anthropophagi, sicuti ceteræ Barbaræ nationes, legem non habent neq. reges, sed seniores venerantur, & eis obedientiam præstant.

Propius autem ad circulum Antarcticum Terra ignis est à Ferdinando Magellano inuenta Anno Domini 1499. sed nondum plenè cognita, terra fructifera auro atque porcellanis abundans, cuius Rex grauissimis penis vetuit, ne incolæ aduenas ad consortium admittant.

Madagascar insula, quam S. Laurentij nomine vocant, patet circuitu 4000. milliaria, habet nemora sandalorum & omnia genera specierum, nutrit etiam elephantes plurimos, & idcirco magna est in ea precioseboris nundinatio. Nutrit & leones, leopardos & lynces. Habitatores sunt Saraceni & Mahumetistæ, nullum habentes regem, sed quatuor senioribus per totam insulam parent.

Huic haud dissimilis est Zanzibar seu Zuacanar insula, abundans leonibus, leopardis, & alijs varijs bestijs sylvestribus.

Sunt & aliæ parue insule, ut Omamoræ insula, Dina Margabin, & Dina Arobij. Sunt & tres maiores Iona scilicet, Losrocobos, & CallenZuan, quæ Gryphonum insula vocantur.

Circumiacent & aliæ multe insule, quia verò nec colligi numero, nec existimari, aut comprehendere vera designatione possunt, ideò lubens relictis illis transeo ad Orientalem plagam.

C A P V T XXII.

De India Orientali, Insula Zipangri, Iaua maiori & minori, & quibusdam alijs insulis.

I*NDIA orientalis Asia terminus, quam Vascus Gama classis Lusitanica præfectus, itinere per Oceanum incognitum maximis laboribus facto, Lusitanis primus monstrauit & patefecit, Anno salutis 1497. tam vasta perhibetur, ut eam tertiam omnium terrarum partem tradant. Appellationem accepit à flumine Indo, qui occidentalis eius est terminus. A Septentrione usq. ad montem Caucasum peruenit. Est terra saluber-
rima, & bis in anno metit fruges. Fert cinamomum, piper & calamum
aroma-*

aromaticum. Ebenum arborem etiam producit et moneceron bestiam. Excellit pulchritudine ceteras mundi partes, distincta multis, quae eam rigant, fluminibus. Est in ea incredibilis elephantorum numerus, & magna copia auri, argenti, ferri, aris & lapidum preciosorum. Habet sylvas spaciosissimas, proceræ altitudinis arbores, & umbras, leuantes æstus Solis, aquas largas manantes fontibus. Est quoque in ea magna vis serpentum, squamis fulgorem auri reddentium. Nec est virus magis noxium, quia morsum, presens mors sequitur, nisi mox remedium adhibeatur incolis notum. Ceterum quoniam Indorum gentes multæ sunt, diuersæ & forma & lingua propter latissimum regionis tractum, non eisdem omnes viuunt moribus. Eorum, qui in auroram spectant, alij rei pecuariæ dediti sunt, alij non: Alij in palustribus fluminibus habitantes, crudis vescuntur piscibus, alij sunt pecuarij, qui crudis vescuntur carnibus. Sunt alij, qui nullum interficiunt animans, nec serunt, nec domos parant, sed habent semen quoddam instar millij sua sponte crescens è terra, quod cum ipso folliculo lectum coquunt, eduntq;. Legimus quoque quosdam tam insigniter auritos ibidem esse, ut aures ad pedes defluant, atque in alterutram earum decubent, quarum duricie arbores conuellant. Quosdam etiam singulis pedibus & adeo latis, ut ubi se defendi à calore velint, resupinati his totaliter inumbrentur. Sunt etiam, qui ceruicibus carent, & in pectore oculos grossos fixos, cetera membra equalia nobis habentes, quos Plinius & Solinus Blemmyos vocant. Tales D. Augustinus, cuius summa est authoritas, se vidisse in Æthiopia, testatur Sermone 37. ad fratres in Eremito. Sunt & monoculi unum oculum in fronte tantum habentes, & à conseruationibus hominum plerumque fugientes. Apud nonnullos quoq; legitur quasdam feminas ibi semel tantum parere, natosq; canos illico fieri. Esse rursus gentem alteram, quæ in iuuenta sit cana, nigrescat in senectute, ultra æui nostri terminos perennantem. Esse etiam alteram feminarum gentem, quæ quinquennes concipiant, sed ultra octauum annum viuendi spacia non protrahere, ut supra cap. 19. de Pygmaeis dictum est. Quosdam præterea homines cauda villosa nasci pernicitatis eximia. Sed hæc & similia parcius sunt referenda, quoniam magna opus est fide, ut pro veris recipiantur, cum ne his quidem, quæ penè oculis sunt admota, fides nisi grauatè adhibeatur.

Quoniam paucis ab hinc annis haud multis cognita fuit Iaponia insula à M. Paulo Veneto, Zypangri, & olim Chryse dicta, de ea hic nonnihil dicere visum est. Est autem insula latissime patens, & cæli

eandem ferè eleuationem cum Italia habens. Hec à Magno Cham olim bello petita fuit, sed frustra. Incolæ religioni, litteris, & sapientiæ sunt addictissimi, et veritatis indagatores acerrimi. Nihil illis frequentius oratione, quam more nostro sacris in delubris exercent, vnum agnoscunt principem, à cuius imperio & nutu pendent. Sed & hic sibi supremum habet, Voo illis dictum, penes quem summum est rerum sacrarum, & religionis imperium, hic fortasse nostro summo Pontifici, ille Imperatori nostro assimilari posset. Huic plebs animarum suarum salutem credit. Vnum tantummodò Deum adorant, triplice capite effigiatum, cuius nullam tamen reddere norunt rationem. Infantes apud hos baptizantur, ieiunijs in pœnitentiæ testimonium corpora macerare student, crucis signaculo contra demonum insultus, uti nos, se mununt, adeò ut in religione, & viuendi more Christianos imitari videntur, quos tamen, laudandi Societatis Iesu Professores, maximis laboribus in totum Christianæ religioni imbuiere satagunt. Deus Opt. Max. pijs eorum conatibus pro sua immensa pietate protegat, eosq; ad diuini sui nominis gloriam ac religionem Catholicam, quam profite-mur, latè propagandam diu incolumes conseruare, & postremò aduersus omnes Ecclesiæ hostes triumphum prestare dignetur.

Jaua maior, quam incolæ Iao nominant, cuius rex affinium insularum regibus dominatur, & ipsa in quatuor regna diuisa, æs atq; aurum mittit. Habet & syluam nucum muscatarum & aromatum copiam. Habet & cultores admodum varios, omnes tamen legibus ac rituum obseruationi addictos, sed varijs. Nonnulli enim Idololatræ sunt, quos Caphranos vocant, qui uxores ducunt quotquot placet, sed ubi maritus vita decesserit, uxorum charissima cum defuncto viro crematur. Alij verò Anthropophagi, agros enim quos de vita desperare vident, mactant, mortem naturalem præuenientes, ut esui sint suauiores. Ita etiam parentes, quos ad vitæ actionem censent ob senium incommodos, alijs esitandos vendunt.

Jaua minor verò octo complectitur regna, & incolarum partim Anthropophagi sunt, partim Idololatræ. Nutrit Rhinoceroses, profert & magnam copiam piperis, nucum muscatarum, spici, glange, & caterorum aromatum.

Est & Porne insula, quæ Burne vel Burnea dicitur, tantæ magnitudinis, ut trimestri spacio vix obiri possit, cuius incolæ gentiles sunt, iustitiæ tamen pacisq; atq; amicitie strictissimi cultores. Aedes eorum exiles ex ligno terraq; constructæ: uxores ducunt, quot alere possunt. Panem ex orizæ conficiunt. Potum liquor, qui de concisis palmarum ramis

mis exprimitur, praeſtat. Argento viuo epoto morbum depellunt, ſanitatēq; tuentur, Margaritarum ferax eſt inſula, nam aliquando ad oui gallina quantitatem reperiri ferunt.

Non longè hinc aliae duae inſulae ſunt Bibalon & Cimbaubon, ubi crocodilos eſſe dicunt, & arborem cuius ſolea deſluxa vita aſſumpta mouentur animantium modo.

Eſt et Mauthan, ubi acerrima cum Hiſpanis fuit pugna, in qua & Ferdinandus Magellanus dux & praefectus nauium inuictiſſimi Caſaris Diui Caroli, alter maris Neptunus conſoſſus eſt.

Hinc Maſſana inſula eſt, cuius incolae aurū, quod in copia habent, pili faciunt, nam pro rebus vilibus & quiſquilijſ multum ſepe auri commutant. Gens eſt agilis multū, nuda natura tantū obteſta, feminae infra umbilicum obuelantur capillis ad talum uſq;, eadem in cadauerum iuſtis faciendis miſerabiles luſtus exercent, incumbentes cadaueri, os ori manūq; manui applicando.

Seilam quoque inſula in hoc Arcipelago ſita, ambitu ſuo trecenta complectitur milliaria, & cinamomo, malis aureis & rebus alijs abundat. Tanta praeterea aëris ſalubritate & loci amanitate gaudet, ut incolae perſuaſum habeant, para-diſum nuſquam alibi fuiſſe, hodiè ſub Luſitanis.

Nec diſſimilis huic eſt inſula Inuacana diues auri, omniq; genere aromatum locupletiſſima.

Subuth etiam inſula, auri & Zinziberis diues eſt, cuius incolis truncus arboris palmis verè ſimilis pro pane eſt, potus verò ex palmarum ramis conſciſſis exprimitur.

Sunt et nobiliſſima ac famatiſſima illae Molucae inſulae ultra citraq; Aequatorem verſus orientem extremum ſitae, quarum nomina ſunt, Taranata, ubi Ieſuitarum Collegium celeberrimum, quod Molucanum dicitur. Titore, Motir, Machian, & Bachian. Sunt autem hae inſulae Gariophylorum, nucis myſtica, cinamomi, ac aromatu omnis generis fertiliſſimae, unde harum beneficio totus penè orbis aromatibus impletur.

Inſulae autem infra Molucas poſitae Sinda generatim vocantur, quarū praecipuae ſunt quatuor. Gilolo ſcilicet inter has maxima, cuius incolae id, quod primum mane egredientibus ſeſe obtulerit, pro numine habent, quorum quoq; ſæminas vento concipere fabulantur friuolè.

Celebes, cuius incolae à Didaco Magellano profundiſſimo Theologo ex nominis IEſV SOCIETATE IN CHRISTI fidem ſunt conuerſi, Anno Domini 1564.

Ambuon

Ambuon, cuius incolæ vescuntur carne humana, adeò ut pater filios epuletur, & vicissim nati parentem, prout sors tulerit & euentus, & Timor ubi sandalum vbertim provenit, quod solenni & rata luna cursus observatione colligitur.

Iacent & in Oceano versus Americam sub Æquinoctiali circulo insulae duæ Latronum, quibus nefandissimi nomen dedere mores incolarum, qui furto & latrocinij plurimum sunt dediti.

Est & Candin insula satis magna, quæ ab orbe medio disidet austrum versus partibus quasi 17. ubi miræ magnitudinis pisces videntur, habentes unum tantum oculum in fronte.

Demum sunt duæ insulae sub Tropico Capricorni sitæ, & Infortunata dictæ. Dictæ autem sunt infortunata, quia cum ad has applicuissent Hispani, duce Ferdinando Magellano ex Fretto Magellani per altum mare delati, steriles inhabitatasque inuenire, biduum tamen ob commodam piscationem consumptum est.

Ceterum quia sunt adhuc innumerae aliae insulae, piscationibus & culturis aptæ, atque varia rerum vbertate predicandæ, quas neque benè tritas habent authores, neque opus est tam tenuiter farinam hanc cribrare, consultò prætereo. Satis est intelligere paratas nobis esse terras immensas, quæ & nostras gentes & linguas & mores ac religionem, aduenientibus annorum curriculis sint amplexura, opitulante domino nostro IESU CHRISTO, qui est benedictus in secula.

Atque hæc sunt, Candidi lectores, quæ ad reipublicæ litterariæ gratiam, profectum & utilitatem ex multis Geographis ac fide dignis Scriptoribus, ostendens, quæ quavis terra prædita sit virtute, quid potissimum producat, quæ nutriet animalia, quos & quales contineat homines, conflavi, ac ea quæ potui breuitate, in publicum promere in re tam utilissimâ non sum grauatus.

*Cætera conticeo, hic non possunt omnia dici,
Historias studiosus habet, quæ cuncta recensent,*

F I N I S.

*Lectum hunc librum fidei orthodoxæ nihil
habere contrarium comperi, quare typis
eundem mandari posse iudicaui.*

PETRVS STEVARTIVS
Leodius Collegij Theologici
hoc tempore Prodecanus.



ACCLAMATIO HEROICA,
AD INSIGNEM NO-
BILITATE, VIRTUTE, ET
ERUDITIONE VIRVM, DOMINVM
IOANNEM MYRITIVM MELI-
TENSEM &c.

Inscripta

AB EDMUNDO HOLLYNGO ANGLO,
MEDICINÆ DOCTORE, ET APUD
INGOLSTADIENSES Professore.

VRANIA Aonidum seu te decus ipsa sororum,
Seu (quod crediderim) rutilans super æthera vexit
PHOEBVS, & ostendit, quæ sit tibi machina mundi,
Quis circumscriptus sinuosi terminus orbis;

Haud equidem in cœlum vel te duxisse, MYRITI,
Frustrâ, hæc vel frustrâ tibi commonstrasse videtur:
Namq; aduertisti, docuit quæ singula solers,
Sedulus obseruasti oculis quoq; plurima auaris,
Quæ tacuit, nunc huc nunc illuc lumina torquens
Lyncea, resque omnes tacita sub mente recondens.

Quod sanè apparet, dum tantæ munera molis
Aggrederis, nullique hominum, nullique deorum
Cognita, quæ spissis semper latuere tenebris
Occultata refers, arcanaque detegis illa,
Quæ non emensus spatiosum Clauiger orbem
IANVS, non plantis pinnatis sydera verrens
MERCVRIVS, non qui stygias penetrauit ad oras
ORPHEVS, aut alius quisquam referare valebat:
Dumque ea sic aperis, tam culto promiss & ore,
Vendicet ipsa tibi ut dulcis facundia palmam.


Abdita naturæ IOVIS & penetralia nam quis
Te prior ingressus, quæ sint commercia terris
Cum cœlo, proprijs quid causis vbera terræ
Contineant, vada quid scopulosi turbida ponti,
Arcesque Aëriæ, faciat quid flammiger ignis,
Quam sedem obtineat, quas proxima corpora vires

S

Sydera

Sydera possideant, oriens obiensq; quid omnis
Stella ferat, tanto studio & molimine mentis
Comperit, aut comperta venusto clarius ore
Protulit, hoc quàm tu profers vir docte libello ?

Eia igitur, pergas, & quod promittis amico
Lectori, præstes, atq; his maiora refundas :
Sic tua laus, sic summa tuæ præconia laudis
Æternùm viuent, viuet tua fama perennis :
Sic tua nobilitas decorata insignibus istis
Virtutum, euadet rutilis rutilantior astris :
Sic tua se in patulum diffundet gloria mundum,
Gloria quæ nullo viuet delebilis æuo,
Sicq; tuum præsens nomen venerabitur ætas,
Et ventura tuum celebrabunt sæcula numen.



EPIGRAMMA.

IN LAVDEM EIVSDEM OPERIS GEO-
graphici, quo cum utilitas, tum methodus, qua autor in hoc
opere usus est, commendatur, Heroico carmine Græco scriptum

Autore IOANNE RITTERIO V. I. D.



Στίς παντοῦ παρὲς χώρας ἡ κόσμος ἰδέσθαι
ἔλδεται, ἢ τόπος τῆς γαίης ὄμμας, ὁρᾷ
ἢ τὸς παντοῦς ποταμούς, δῖα ἢ θάλασσαν
ἢ ῥοὰς βλέπει ἡμίρεται ὠκεανοῖο.
ὄναρ ἢ θυμὸς κέλεται, κραδίη καὶ ἀνόγα
τὰς ζώας γινῶναι τὸ ὕψανθ' ἀσεβέοντα
ἢ μαθεῖν κύκλῳ τῶν ἀστρον ὀυρανοπίκτων
τῆς ἢ σεληναίας, τὸ δ' ἡελίοιο πορείας
οὗτ' ἢ χερσὶ λάβει ταχέως τὸ βίβλου ἐξοί
πῶ καὶ παρδᾶως ἀνωγνώστῃ, ἐμφρονι θυμῷ
ἢ ὁ ἰωάννης σωέσσαι μνηστίτην ἀνῆς
καὶ παρῑδῶκε νέμει τοῖς δειλοχράφοις τύποις
πῶ μεγάλῃ παρδᾶ ἐκ πολλῶν ἐξοχ' ἀρίστων
συλλέξας, καθάπερ τίς κηροδομῶσα μέλισσα.
ἔν τῇ εὐρησῇ αὐτὸς γὰρ ἅπαντα, ἃ γινῶναι
τοῖς πᾶσι πᾶσι θέμις, ἢ δέον ἐστὶν ἅπασιν
οἷς εἶλον ὅτι γραφὴν τῆς γαίης φρεσὶ νοῆσαι.
καὶ ἢ τὸ τὰς τὰς τὰς ὁρανθ' ἄστρα νέμεσθαι
παντ' ὄν, ὅτι τις ἔρω, ἢ ἡμερ' ἔλλαβε θυμὸν
ταῦτα μαθεῖν, μελέτω αἶψ' αὖτ' ἐὼν ἢ θυμὸν
πῶ ἀναγινώσκων βίβλου, ἢ κρείσσονα ἄλλῃ
ὁυδὲ τῶν πάντων, τὸ πᾶσι, ἢ πρόθετον ἔγραφε.
αὐτὴ ἐπεὶ μεθόδῳ τῇ ὠφελίμῳ σωελέχθη
ἢ δὲ ὁμῶς ἔπεισι πάντοτε συνέκλεισε τὰ πᾶσι
ὅπως εὐχερίαι τῇ ἐκ τὰ πᾶσι δάμνηται
βίβλια νικήσας, πάντων γραφθέντα πᾶσι ἄλλων.
ἢ εὐεργεσίας χάρις εἶνεκα ἀνδράσι πᾶσι
τῆς ἀπολαυομένοις βίβλου θέμις ὅτι προσάπτει
τὰς χάριτας πᾶσι νῦν τῷ γράφοντι, καὶ εἰδῶ
ἢ δὲ ἅμ' εὐχεσθαι, ὥς ζήσας ἡμᾶτα πολλά
ζῶν ἐκτελέει ἀγαθὴν μέχρι γήρατος ὁυδὲ.

QVOD

QVOD EPIGRAMMA LATINO

carmine ab eodem autore ita

esse donatum.



Mnigenas mundi partes quicunq; videre,
 Aut quicunq; cupit vastæ loca cernere terræ,
 Aut omnis generis fluuios, vada cœrula ponti
 Oceaniue patris, qui fluctibus alluit orbem.
 Aut quem fert animus, trahit aut immensa cupido
 Stelligeri aut Zonas, vel climata noscere Olympi,
 Scrutari aut orbis astrorum luce micantes
 Lunaremue globum, cœli aut spirabile lumen:
 Præsentem hic capiat manibus, versetq; libellum
 Et nunc ipsum animo voluat, nunc mente reuoluat.
 Quem modò conscripsit sapientē MYRTIVS arte,
 Impressumq; typis sub luminis edidit oras,
 Scilicet hunc magno comportans ipse labore
 Mellificæ instar apīs, multis ē millibus vnum
 Hic etenim inuenies lector, quæ scire necesse est
 Aut quæ scire decet, nosse aut quæ pectore oportet
 Illos, qui cupiunt caput hanc efferre per artem.
 Ordine dispositas cœli stellasq; notare.
 Quisque igitur, cui summa animi hæc didicisse voluptas
 Ac didicisse placet, nunquam contendere cesset.
 Hunc versare oculis noctesq; diesq; libellum
 Hactenus vtilior quo non est editus alter.
 Is siquidem facili constat ratione docendi,
 Atq; simul paucis comprehendit plurima verbis
 Sic vt commoditate queat superare libellos,
 Quos alij autores lucis misere sub auras
 Pro quo tam docto, tam præstantiq; labore
 Fas est lectores præfati sæpè libelli
 Autori semper dignas persolvere grates,
 Atq; rogare DEVM, longæ vt post tempora vitæ
 Prospera fata senem maneant in fine senectæ.



Δ Ε Κ Α Σ Τ Ι Κ Ο Ν .

IN STRENNI, VEREQVE NOBILIS

D. PHILIPPI RIEDESEL à KAMBERG, COMMEN-


datoris in Erlingen, ac Hierosolymitana militia per Germaniam Quæstoris
 insignia, boni nominis & ominis ergò elegis Græcis conscriptum

Autore IOANNE RITTERIO V. I. D.



ἡματα ταῦτα ἔχα δ' ἀνὴρ τοῦ ἐξ ἐφίλιππου
 ὄνομα, ὃ καὶ ὄντι δῶκεν ἐπωνυμίαν.
 ὡπερ τῷ τ' αὐτοῦ ἀρετὴν χεῖρα τὰ τεύχη
 δῶκε φέρειν, μόχθων τὶμι' ἀποινα εἶναι.
 οὗς ἔτλη ἐπὶ γῆς, καὶ πόντον πολλὰ μογῆσας
 ἀχιμνῆς κρατερὸς, καὶ μεγάθυμος εἶναι.
 ὅττι μάχεσθ' αὐτὸν κρατερὴν ὤφρων ἀνάγκη
 καὶ γῆς πατρώας σῶσαι ἐλευθερίαν.
 καὶ τῶν μὲν τῶν τῶν πολλῶν μέγα ἔειδα δαμάσας
 ἀχρόν ἀποτρέψαι δ' εὐλοσάων τὸ θυγόν.








Δ Ε Κ Α Σ Τ Ι Χ Ο Ν.

IN EFFIGIEM JOANNIS MYRITII MELITENSIS ORDINIS HOSPITALIS S.

Joannis Hierosolymitani commendatoris Alemanni monasterij,
ac domus Ratisbonensis, anno ætatis sue 53.

Eodem autore.

ΕΝ θάδε τῶ μεγάλῳ, ἐολλῶδε μυρίτις εἶδ' ὅ
τῶδ' αὐτῶ μορφῇ, τὴν ἣ καὶ ὤπα βλέπας.
ἦν τότε ὅν ταύτῃ χάρετ' ὅ ζωγράφος ἀνδρὸς
τῇ γνὶ καὶ σελίδι, χεὶρ ἐχάραξεν, ὁμῶς.
Πεντήκοντα ἔτη καὶ ἤρ' ὅταν βιοτεύσας
ἤρξατο τῇ κεφαλῇ γήραϊ λονκὸς ἔμεν.
Ὅν ποτὲ τίς θνητῶν τοῖς ὀμμασιν εἰκόρ' ἀθρήσας
κηρόθεν ἐυχέσθω ῥήματα τοῖα λέγων.
Νηλείδαο δ' ἴκηρ' ὁ μυρίτις ἄξιός ἔστι
ὧς ῥήσῃ ἐτέρω παλὺν ἄριθμον. Ἀμήν.



Ε Ξ Α Σ Τ Ι Χ Ο Ν.

IN INSIGNIA EIVSDEM JOANNIS MYRITII MELITENSIS &c.

Eodem autore.

Εἰς αὐτὰ ἰωάννης φορεῖα ὁ μυρίτις ἀνὴρ
στέμματα, ὧς ἀρετῆς σήματα δ' ἄλλα εἶνε.
τῶν καὶ ἐὼν ἔργων, καμάτων θ' ὧς ἄθλα πρέποντα,
οὐς ἐπὶ τῆς γαίης, οὐς θ' ὑπέρβασεν ἁλὸς.
Ὅτῳ τὸς μιὰρ' ὅς τ' ὄρνυς ὧς χαλκῷ ἀνέλε
τῆς περὶ ἧς πατρὸς ἴφι ἀμωμόμην.



ERRATA SIC restitutæ.

Prior numerus paginam; posterior versum designat.

In præfatione ad Lectorem 7. petitioni. ibid. 23. litterarum. In epist. dedic. altera facie 3. μνημόσυνον. 4. 25. scuttilis.
6. 2. nonæ. 9. 9. Zodiacus. ibid. 14. Similiter. 19. 18. Cambyfis. 20. 18. Tertium Clima. 21. 1. dele Caput Sextum. ibid. 3. adde
cap. 6. post Almagesti. 22. 19. nunc. ibid. 29. minuta. 24. 3. circulus. ibid. 4. Horizon. 30. 32. fierent. 31. penult. inuia. 35. 12.
vice. 36. 27. Similiter. 37. 19. graduum. 40. 12. hæmiciclis. 41. 18. oportet. 42. 23. latitudinem. ibid. 29. requiritur. 54. 3.
propositorum. 56. 34. Geometricis. 58. 5. diuidas. 62. 8. Bætica. 67. 7. nec. 72. penult. principatu. 77. 32. attraxerunt. 78.
7. tofo. ibid. 14. Strongyle. 85. 8. patria. 87. 13. Tingitanam. ibid. 23. Gibaltrar. ibid. 34. Iulia. 88. penult. Gaulos. 90. 2.
vetustissima. 92. vlt. meminit. 97. 14. cognominata. ibidem 28. extima. 99. 3. petræa. 100. 13. initiatrix. 101. 28. gurges.
106. 4. ignes. ibidem. 23. Carmania. 109. 16. quem. 113. 15. siccati. 117. 26. mirum. 125. 23. Sanctos. 125. 26. similes. 128. 33.
spica, galangæ. Reliqua prudens quisq; facile emendabit.



INGOLSTADII,
EX OFFICINA TYPO-
GRAPHICA WOLF.
GANGI EDERI.

IUSTITIA.




Et gladium, sua dat premia cuiq; DEVS.



IUSTITIA æquolances examine gessat.


ÆQVA LANCE.


Cum Gratia & Privilegio Cas. Mai.

ANNO
M. D. LXXXX.









5590
-M 2440
cop 2

